

4.

EXERCITATIONES
DE
ATMOSPHERIS
CORPORVM CONSISTENTIVM;

Déque Mira SVBTILITATE, DETERMINATA NATVRA,
Et Insigni Vi EFFLVVIORVM.

*Subjunctis Experimentis Novis, Ostendensibus,
Poffe Partes IGNIS & FLAMMÆ reddi Stabiles Ponderabilesque.*


Vnà cum

Detecta Penetrabilitate VITRi à Ponderabilibus Partibus FLAMMÆ.

Ab Honoratiffimo


ROBERTO BOYLE

NOBILI ANGLO, è SOCIETATE REGIA.



GENEVÆ,
Apud SAMVELEM DE TOVRNES.

M. DC. LXXX.





NOTÆ &c.

De

ATMO-SPHÆRIS CORPORVM CONSISTENTIVM,

Osistentes CORPORA etiam DVRA & SOLIDA (& nonnulla talia, quæ quis vix suspicaretur) emittendis EFFLUVIIS, adeoque habendis ATMO-SPHÆRIS, apta esse.



PHILOSOPHI Scholastici, & Vulgus, dum de abstrusioribus Naturæ Operationibus & Phænomenis dispiciunt, ferri solent in Extrema, quæ, licet è diametro sibi invicem sint opposita, æquè propemodum ad alendam hominum in veris effectuum, quos admirantur, causis ignorantiam contribuunt. Vulgus quippe, conversari cum objectis sensibilibus, & res occurrentes rudiusculè concipere suetur, haud alia facillè possunt Naturæ Agentia imaginari, quàm quæ in ipsorum oculos, quin & tactum, incurrunt; & quamprimum in Effectum aliquem incidunt, quem adscribere nequeant Efficienti cuidam probabili vel sensibili saltem, mox aquam sibi hæere palàm profitentur. At licet *Philosophorum* vulgus fateri nolit cum vulgo *Hominum*, istiusmodi Phænomena crucem ipsis figere, id reapse tamen faciunt. Verùm *Schola* Philosophi è contra, non modò renuunt in Agentibus acquiescere Sensibilibus, sed ut reconditiora Naturæ Phænomena, quin & pleraque familiaria solvant, in alterum abire Extremum non dubitant, atque ad ea Agentia confugere, quæ non vîsum modò, sed & captum fugiunt, eorum saltem hominum, qui nullas, nisi rationi consentaneas & compossibiles invicem Notiones admittere norunt. Adscribunt illi omnes effectus abditos certis quibusdam *Formis Substantialibus*, quibus, etiam

A

Materiales

Materiales illas vocent, ob earum à Materia dependentiam, ejusmodi tamen Descriptiones assignant, quæ nonnisi ad res *Spirituales* pertinent; quasi omnes Naturæ Effectus abstrusiores, si non producantur à Corporibus *Visibilibus*, fieri omnino oporteat à Substantiis *Immaterialibus*: Cum reverà inter visibilia Corpora & Entia spiritualia medium detur Agentium genus, *Corpuscula* scilicet *Invisibilia*, à quibus magna pars difficiliorum Naturæ Phænomenum producitur, quorumque beneficio explicari intelligibiliter ea Phænomena possunt, quæ absurdè quidem ad priora precariò autem ad posteriora referrentur. Iam verò, methodi causâ, Notas illas, quæ mihi occurrunt circa *Effluvia*, ad quatuor reducam Capita, quorum primum commemoratur in hujus Scripti Titulo; unumquodque verò ex reliquis tribus, in totidem distinctis Tractatulis deinceps examinabitur.

Corpora Fluida, ut Liquores, atque talia, quæ manifestè sunt vel humida, vel mollia, faciliè emittere Effluvia, omnes haud gravatè, opinor, largientur; maxinè si attenderint sensibilem Evaporationem, in Aqua, Vino, Urina, &c, observatu obviam, nec non laxam illam partium contexturam, quæ requiri supponitur ad corpora Mollia (Flores puta, Balsama, &c similia) constituendum: At halitus quoque emitti è corporibus etiam Duris & Ponderosis, obstante nequicquam partium componentium Soliditate & arcta cohesione, id adèd fortè multis videbitur improbabile, ut probationem ex professo mereatur.

Iam verò, sive *Atomica* Hypothesin admittas, sive præferas *Cartesianam*, ex alterutra earum probabiliter deduci posse autem, complura ex iis, de quibus nos tractamus, corporibus, posse evaporabilia, quoad partes eorum per-exiles, supponi. Etenim, juxta doctrinam *Leucippi*, *Democriti*, & *Epicuri*, unaquæque indivisibilis particula materiæ vel constantem essentialiter habet actualem motum, vel inadmissibilem ad eum conatum; adèd ut, quamvis in Concretis nonnullis, complicari ea cum aliis partibus minutis ita possit, ut Avolario ipsius pro tempore præpediatur; vix tamen fieri secus potest, quin ex continuo hoc Atomorum omnium ad erumpendum conatu, earum aliquæ usque & usque sese sint extricaturæ atque evasuræ.

Et quamvis *Cartesii* sectatores *innatum* omnem materiæ motum negent, juxta eos tamen & Vegetabilia, Animalia, & Mineralia, ex minutis constant, partibus adèd contextis, ut earum pori Materiæ cuidam Cœlesti transirum præbeant, ita ut hæc Materia, inde facilius pervadens, statui omnino possit, corpuscula, quæ ipsa componunt, concutere: quo ipso fieri aliter nequit, quin modò hæc, modò illæ particule, decutiantur, inque aërem, aliudve contiguum corpus, iis recipiendis aptum, avolent.

Verùm licet ex his, aliisve forsân considerationibus, ostendere possim, ut loquuntur, à priori, probabile esse, ipsa corpora Consistentia esse exhalabilia (sic loqui liceat,) purem tamen, æquè solidum & magis utile fore, si id ipsum à posteriori, per experimenta scilicet particularia, aliâque Exempla, probatum eam.

Igitur formam Corporum siccam & consistentem, non necessariò inferre in dispositionem emittendi halitus, qui quasi sunt, exigua Particularum Examina, liquido

liquidū patet, non in foliis duntaxat Rosarum Damascenarum, sive recentium sive siccatarum; uti & in Absynthio, Mentha, Ruta, &c. sed etiam in Ambra grisea, Musco, Storace, Cinnamomo, Nucibus myristicis, aliisque corporibus odorificis aromaticisque. Verū illustriora in tem nostram Exempla supeditantur nobis à Caphura, Salibusque Volatilibus, qualia Attre Chymicā ex Cornu Cervino, Sanguine, &c. obtinentur. Hæc quippe admodum fugacia sunt, ut quandoque insignior Salis Volatilis (vel Urinæ fermentatæ, vel Cornu Cervini) massa, quam penes me habui, sensim è vase vitreo, suberino obturaculo cautè occluso, ne minime quidem Salis grano relicto, avolaverit. Et quoad Caphuram, quamvis non ita facilè redigatur in pulverem, ideoque videatur aliquā polletere Tenacitate; memini tamen, oīem experiundi ergo, in exacta bilance eam librassem, etiam parvulam ejus massam, paucarum horarum spatio visibilem ponderis sui jacturam fuisse passam, corpusculorum graveolentium avolatione; idque factum, quantumvis ad fenestram Borcalem, & hyberno tempore, peractum fuerit hoc Experimentum.

Verū deponere Te credo Effluviorum Instantias, quæ ex densæ solidæque Texturæ corporibus egrediantur. Quare dehinc notare pergo, Succinum, Ceram duram, multaque alia corpora Electrica, quando fricantur, Effluvia emittere. Licet enim nunc immiscere me nolim variis illis, de Attractionis Electricæ causâ & modo, Opinionibus, attamen, præterquam quod omnes ferè Physici moderni, qui res naturales explicare intelligibiliter satagunt, Attractionem illam, de qua hic sermo est, Corporeis effluxibus tribuunt; præterquam etiam, quod brevi mihi occasio dabitur Tibi ostendendi, necesse non esse ut cum *Carresio* admittamus, eod quoddamque Corpora Electrica admodum compacta & fixa sunt, Effluvia ab ipsis affriclis emissâ, substantiæ eorum partem nullam facere, sed esse aliquid in eorum Poris nidulans; præter hæc, inquam, deprehendi Ego, ipsis posse naribus percipi, multa Corpora Electrica, probè affricta si fuerint, insigniorem Corpusculorum copiam emittere; uti præcipuè, nec sine attentione, in Succino, Resina, Sulphure, &c. observare mihi licuit.

Nescio, an sit operæ pretium hic annotare insignem illam Evaporationem, quam observavi, etiam hyeme, in Fructibus, puta Pomis, nec non in Corporibus firmiori tegumento obductis, ut sunt Ova, quæ, nequicquam obstante firma putaminum compage, indies manifestò leviora reddebantur, ut deprehendi tum in ipsis, tum in aliis corporibus, quæ diu in bilancibus, observato ponderis eorum decremento, detinueram.

Verū, audite forsan libuerit, me porro, ut ostenderem, quanta fieret è Lignis Evaporatio, curasse, ut tenue Poculum, *Pima* circiter capax, tornaretur ex Ligno, quod selectum fuerat à Tornatore tanquam satis solidum siccūque, quamvis non esset ex Lignorum genere compactiori, qualia sunt *Lignum vite*, & *Buxus*. Atque uti eam Poculo figuram induci jubebam, quâ majorem haberet superficiem Aëri expositam, proindeque emittendis in ipsum halitibus esset aptior; ita successus non respondebat modo expectationi, sed eam superabat. Quanquam enim Experimentum ad tempus fieret hyeme, tam prompta & co-

piofa è Poculo facta fuit Evaporatio, ut non ita facilè contra-librare eam potuerim; dum quippe Grana lanci imponebantur oppositæ, quibus lanx altera reduceretur ad Equilibrium, copiofa vaporum invisibilium è Ligno (quod tantum Superficiæ suæ habebat Aëri contiguum) avolutio Lancem, cui id insisterat, sensibiliter leviores reddidit. Et memini, me, [ur amplius mihi satisfacerem] eam esse in Urbe quadam, ubi & materia apta & Opifices suppetebant, Craterem ex ligno probè siccato conficiendum curasse, ejusdem propè cum priori magnitudinis, qui suspensus in cubiculo, in quo eram, (quan circumstantiam propterea adiicio, quia cælum frigidius, & medicina ob sequiorem valetudinem à me hausta, instructum ibi focum requirebant,) mox jacturam ponderis sui manifestam patiebatur; cùmque totus Crater duas ponderaret uncias, totidem drachmīs minūs; idem 12. horarum spatium, nempe ab hora 10. matutina ad eandem horam nocturnam, amittebat circiter grana 40. (excedebat enim jactura 39.) Verùm de hujusmodi Experimentis, & Cautelis ibi adhibendis, alibi locus erit ulterius differendi.

Haud difficile mihi foret, continuæ halituum è substantiis *Vegetabilibus & Animalibus* Emanationis Exempla congerere; at non lubet fusiùs de hoc argumento agere, cum mecum reputem, alia corpora dari, quæ tantò ineptiora videntur ad Effluvia emittenda, ut pauca de talibus allata Exempla evincere, quod probatum eo, multò validius possint, quàm si ingentem in alio corporum genere farraginem asserre. Et quandoquidem mecum expendo, illas Substantias omnium maximè esse supeditandas Effluviis improbabilis, quæ sunt *vel* admodum duræ, *vel* perquam ponderosæ, *vel* admodum solidæ & duræ, *vel* probè fixæ; si proinde Tibi ostendero, harum qualitatum nullas emittendis à Corpore halitibus obstare, probabile me reddidi se spero, nullum dari hâc inferius Corporum genus, quod Corporeis Emanationibus præbendis habile non fuerit.

Et primò quidem mentem subit, me non tantùm Ova, hyeme valdè rigidâ, non obstante Aëris, in quo asservabantur, frigiditate, in exacta bilance, horarum non multarum spatium, reddita sensibiliter leviora comperisse; sed quia Glacies habetur corpus omnium, quæ novimus, frigidissimum, ostendere mihi lubet, etiam hoc Corpus Evaporatione sui jacturam facere. Libratâ enim commoda Glaciæ quantitate in Bilance proba, eaque Aëri frigido, nocte gelante, sic expositâ, ut è Glaciæ, non ex Aqua fieret Evaporatio, posttridie mane repeti; quoddamvis sicca esset bilanx, cui imposita Glacies fuerat (id quod æquè, ac tempestas gelida, arguebat, Concretum expositum non degelasse,) pondus ejus insigniter erat diminutum: Atque hoc Experimentum in pluvibus unâ hyemibus, inque pluvibus uno locis, pari successu peregi, nec nisi bidduum præterit, ex quo non multùm ante mediam noctem, duas ferè uncias Glaciæ in exacta bilance Aëri perquam gelanti exponebam, quâ posttridie manè ad me, priusquàm surgerem, allatâ, licet ex siccitate lancium Glacies, earum uni imposita, non appareret degelata, ipsa ramen prioris ponderis granorum decem jacturam fecerat; sic ut in hoc Experimento evaporatio facta fuerit, duplici frigore, tum Glaciæ, tum Aëris, nequicquam obstante.

Pergendum mihi nunc esset ad commemoranda Corpora gravia & solida, sed antequam id fiat; ex re fuerit Tibi indicare, nolle me, ut eò validior sit rei à me institutz probatio, meliusque consilio nostro possit applicari, ulla Exhalationum corporum Exempla afferre, ubi tantæ potentiz Agens ac est Ignis, interueniret.

Verùm licet de industria ejusmodi urgere Exempla nolim, præter rem tamen non fuerit innuere, in explicandis Qualitatibus quibusdam occultis, etiam tales Exhalationes, quæ producuntur beneficio Ignis, commodè posse considerari; uti deinceps ostendendi dabitur occasio. Quare observabimus in genere, Igneum posse partes Corporum in vehementem ad eò motum cedere, ut, Auro, Vitro & per paucis aliis exceptis, nulla dentur Corpora ad eò fixa & solida, quæ Illa non valeat vel penitus vel ex parte dissipare, Cognitum est iis, qui Metallorum vacant fusioni, non modò Plumbum & Stannum, sed Corpora multò duriora, copiosos noxiòsque halitus emitte. Et genera quædam illius Ferri, quod Fabri nostri Ferrum *Gold-hare* vocant, de cujus, dum adhuc candebat, odore cùm inquirerem, Faber omnium, quos tum temporis noveram, ingeniosissimus mihi narrabat, se pluries id deprehendisse ad eò graveolens, ut ulla Meralli, unde odor iste oriebatur, partes malleo suo tundere vix sustineret. Atque etiam sine inducta fusione, non modò *Æs* & Cuprum, probè candefacta, gravem acquirunt odorem, sed & Ferrum ipsum, ut ex compluribus Ferri repositoriis constat. Atque hac occasione non ineptè possem adiacere Experimentum à me peractum, ut observarem, possentne Ferri halitus ipsi Oculo reddi, si non immediatè visibiles, perceptibiles tamen, licet Metallum non rubente, multò minus candente calore esset imbutum. Sed cùm id alibi fusè retuli, in Dissertatione quadam, cujus lectionem imperare, quando voles, poteris, malim eò Te referre, quàm in eò transcribendo tempus terere.

His præmissis, ad commemoranda Corpora ponderosa progredior, & circa ea mecum reputa; si admiseris, quod ferè omnes Corpuscularii asserunt, & complures ex Peripateticis modernis non inficiantur, Magneticas scilicet operationes à Particulis, ex corpore Magnetis, alteriùsve Agentis Magnetici, prodeuntibus peragijopus mihi non fore Exemplum in rem præsentem anxie quærere, quoniam Hydrostaticè inveni, Magnetes nonnullos [hæc quippè Fossilia impari valde gravitate comperi] ad eò esse ponderosos, ut duplum Silicum, aliorumve ejusdem molis Lapidum, pondus excederent.

Verùm, ne Magnetibus immerer, Lapidæ nos edocebunt, Marmor nigrum, nonnullaque alia Saxa solida & gravia, facta eorum, dum poliuntur, attritione (inprimis si aquam Opifices non adhibent) odorem emittere, etiam sine externi caloris adminiculo valde sensibilem, quem multò graviorem & ingratiorem deprehendi, quando, ut talem ipsi inducerem, curiositate ducebar aliquot solidi Marmoris nigri fragmenta malleo & cæte decutiendi, ictibus enim continuâ iteratione densatis, vehementem causantibus concussionem partium Marmoris nigri, (in albo quippe, quod non est ad eò solidum, Experimentum minus citè succedit,) mox, ut expectabam, gravis ingratusque odor sequebatur; Odores

verò absque corporeis Emanationibus nequaquam diffundi, Te mihi concessurum sat scio.

Memini insuper, procuratis aliquot ex acuminatis illis & ferè Conicis lapidibus, qui vulgo *profulmineis* habentur, factâ eorum adinvicem affricione, facili negotio me potuissè, expectationi meæ congruenter, gravem odorem Sulphureum excitare. Expertus quoque fui de massa quadam fossili, quæ pondere suo metallum ferè æquabat, *mihi* verò inusitatum quoddam *Marcasia* genus videbatur, potuissè me, momento temporis, sine calore externo, Exhalationes graveolentiores inde prolicere, quàm quas cominodè ferre poteram. Quibus hoc insuper Exemplum subiiciam, quodd factâ aliquando à me mixturâ Chymicâ ex corpore metallino & Mercurio coagulato, quam omninò ponderosam esse concedes; etsi hoc crama ignem adedò vehementem passum jam fuisset, qui ad inducendam ei fusionem requirebatur, eo quidem fine, ut Annuli inde formarentur; ita tamen erat ad emitrendos effluxus corporeos aptum, ut vir quidam ingeniosus, Medicinam exercens, qui præsens erat, me crasin illam constante, particulam ejus à me rogaret, in ægorum quorundam usum, qui oculorum, aliarumque partium à manu satis disliturum, morbis laborabant, quos & feliciter admodum sanatos fuisse ipse mihi affirmavi, dum Annulum ex hac mixtura constatum in digito, vel paululum ejusdem, parti malè affectæ *appensum*, æger gestaret. Si confeceris *Vitrum Saturni*, cum magna quantitate *Minii*, comparatâ cum Arena vel Crystallo, cujus Fusionem juvat, Vitrum habebis perquam ponderosum, nec tamen Electricitate carens. Et memini, cum aliquando curarem *Æs* ipsum, ligni ad instar, tornari, ut comperirem, tantane [invisibilis licet] omnium partium concussio halitus quosdam odorandos prorruderet, effectus expectationem haud elusit: Veruntamen, cum ei non esset plenè factum satis, cumque magnum sit *Æris* discrimen ob mixtum ei *Lapidem Calaminarem*, ex quo & Cupro illud constat, sciscitabar Opificem, qui insignes *Æris* massas tornare sueverat, sæpiusne id postea graveolentius deprehenderet; qui respondebat, se id reverâ comperire, odorémque interdum esse adedò gravem, ut qui Officinam ejus invisebant, nec odori illi assueverant, non parùm eo offenderentur.

Progredior nunc ad Effluvia Corporum n *Solidorum Durorumque*; ex quorum numero, nî plerique ex Philoſophis nostris Atomicis, & complures alii, multum fallantur, fas mihi fuerit Exempla in omnibus corporibus *Electricis* afferre, quæ, ut jam antè notavi, juxta doctrinam eorum operari necesse fuerit substantialium Emanationum beneficio. Observavi autem ex Corporibus Electricis nonnulla, compactæ adedò texturæ, ut *Aqua foris* ipsa, Salisque Spiritus in ea agere negent, tantæque duritiei, ut ex aliquibus eorum, haud aliter ac è Silicibus, ignem possis elicere. De priori genere aliquot Gemmas reperi (in meis de Electricitate Notis indicatas;) & *Corneliana* ipsa, quam Pilos attrahere deprehendi, licet multò laxioris texturæ habeatur quàm Gemmæ, Aquæ forti tamen resistebat, quod in magno satis Annulo (ex *India Orientali* huc allato) comperi, quem ex industria frangebam, ejusque partem in pulverem redigebam, ut hæc & quædam alia Experimenta de illo caperem, Crystalum rupcum etiam, manifestâ

licet polleat virtute (ut vocant) attractivâ , aded tamen durum inveni . ut ignem prodar percussus , idque vulgari Silice insignius . Vtque pateat , nullam corporis ullius duritiem Electricitati obstat , adiciam , etiam Adamantes ipsos , cum rudēs tum politos , licet omnium , quæ cognita sunt , corporum durissima esse agnoscantur , crebris à me factis Experimentis id testantibus , manifestò (& quandoque satis insigniter) Electricâ facultate valere .

Atque ut ostendam Tibi , opus mihi non esse , ad hoc Corporum genus confugere , ut Solidorum corporum ad emittenda Effluvia aptitudinem comprobem ; iis , quæ supra de Marmoris *nigri* odoribus notavi , duo vel tria Exempla gemina subnectam .

Primum desumam à quodam Concretorum genere , quæ in compluribus *Italiae* partibus nomine *Cugoli* innotuerunt , ex eo quodd inter Opifices Vitrarios frequentem usum obrinuerint . Hæc Concreta faciliè agnosces esse perquam dura , sicut alia istius comminis Fossilia esse solent ; veruntamen cum Coniecturæ meæ de Corporum Atmo- sphaeris apimum mihi adderent , ut mutuâ eorum affriccione Experimentum de iis caperem , deprehendi , prout expectabam , ea non perceptibilem modò , sed prægravem odorem (qui longè differebat à fragranti) emittere .

Atque hoc in mentem mihi revocat , quodd , cum inciderem aliquando in Calculos , è vesicis humanis exectos , quorum textura aded erat compacta , ut non possem *Mensuris* Corrosivis sensibilem ullam in eorum uno , quem subiiciebam Experimento , solutionem efficere , quantumvis , ad promovendam Liquoris operationem , partem ipsius in pulverem redegissem ; levi tamen unius huiusmodi densi Calculi factâ friccone evenit , ut odorem rancidum , vetustæ Urinæ fetori persimilem , ederet .

Memini , curasse me Ferrum tornari , ut examinarem , Motûne illo interno , quia actione illa in Metalli hujus corpusculis produceretur , etiam solidum iuxta ac ponderosum illud Corpus ad odorem edendum posset perducî : Et quamvis ob frustis hujus , à nobis explorati , indolem , vel ob diathesin quandam accidentalem , quæ tum temporis (hyemale quippe erat) odoratus mei organo inerat , non- nisi valdè languidus mihi videretur Odor ; ciscitatus tamen Opifices , odorémne graviorem in tornandis frustis Ferri grandioribus perciperent ? responsum tuli , Se crebrò eum percipere valdè gravem , & quandoque graviorem quam vellent .

Atque hinc mentem subit , quodd attentè in tritura Ferri observavi ; Complures enim Lapides attrerentes ita sunt affecti , ut si instrumenta Ferrea Lapidi admoveantur , dum ille velociter subitus circumducitur , etsi aqua , in ejusmodi opere adhiberi solita , Odorem (ut sic dicam) absorbear , adeoque observationi vulgari subducatur ; si tamen datâ operâ (ut à me factum fuisse memini) aquæ usum prohibueris , fortissimum sanè Exhalationum produceret copia , nisi successus tuus valdè discrepet à meo . Et quamvis non aded temper sit primum , dignoscere odoratu , ex utro corpore orientur , an emanent ex utroque , satis tamen probabile videtur , huiusmodi quosdam è Ferro proficisci ; & plus quam probabile est , si ea à

Metallo

Metallo isto non profluant, profluere omninò à Corpore tam duro, ut momentè possit vim suam ipsi Ferro & Chalybi imprimere.

Vltimum, quod sub hac Classe allegabo, Exemplum mihi suppeditant *Marcasite*, quarum nonnullæ, post brevem concussionem, absque calore externo, insignem Odorem Sulphureum diu satis expirabant, & tamen adèd duræ erant, ut malleo percussæ Chalybeo (qui non facillè eas diffingebat) miram scintillarum copiam nobis præberent. Et notum est, ex hac ignem promendi aptitudine (quam tamen omnis generis *Marcasitis* tribuere non ausim,) hoc ipsum Fossile, nomine *Pyritis* passim apud Authores insinuari. Atque in hoc Exemplo observare est, Corpus, unde scaturire Emanationes corporeæ queunt, esse & perquam solidum & perquam ponderosum simul posse.

Superest jam ut ostendam, etiam *Fixissimæ* Corporum impossibilem non esse cum aptitudine Effluvia evaporandi.

Allegare mihi liceret hac occasione, Antimonii *Regulum*, Vitrumque etiam, licet Fusionem ea prius subire oporteat, quâ suam quodque formam consequatur, absque calore tamen Expirationes Antimoniales Liquoribus communicare, quibus halitibus liquores illi facti, Emeticam & Catharticam virtutem induunt. Adiciere possem, nonnulla Corpora Electrica admodum esse fixa in Igne; & Crystallum speciatim, (ut pluries experti fuimus) aliquot ferre Ignitiones & Extinctiones in Aqua, sic tamen ut non calcinetur, quippe nonnisi in multas partes exiguis fissum: Sed quia supradicta corpora Antimonialia post aliquod temporis spatium volant in igne vehementi: quia etiam Effluvia Crystalli non adèd sensum afficiunt ac illa, quæ immediatè Oculos nostros Natèrve feriunt, unam huc Instantiam subjungam, talem scilicet, ut opus non fuerit addere plures, de Corpore videlicet, quod ignem perquam vehementem passum fuit, quòdque Chymici minus labefactari posse existimant, quàm ipsum Aurum: De *Vitro* loquor, quod tantam, ut nosti, ignis vim perferre valeat, ut forsitan non credidisses, me illud ex toto Corporum acervo allegatum fuisse. At cum conjecturæ meæ de Corporum Atmo-sphæris me ed adducerent, ut credetem, Vitrum ipsum suggerere mihi posse eorum Confirmationem; mox deprehendi, confectis ad invicem duobus ejus frustis solidis (non quidem, quantum memini, ex genere Vitri subtiliori, ipsa non modò Odorem sensibilem, sed adèd quandoque gravem ut offenderet suppeditasse. Ex quo facile Tibi fuerit causam percipere, cur suprâ Tibi dixerim, non acquiescere me in Argumento *Cartesiano* quo negatum itur, Corpora Electrica operationes suas per Emanationes ex eorummet substantia prædeuntes perficere, ed scilicet quòd Vitrum attrahat Corpora levia, quod reverà facit, (quamvis languidè duntaxat,) & tamen fixum nimis sit ut Effluvia emitat; cuius suppositionis contrarium, modò recitatum Experimentum, à Nobis aliquoties iteratum, abundè evincit.

Quænam alia sint corpora Solida, & Ignem ferentia, unde vel potuerim vel non potuerim odores ejusmodi halitus obtinere, hoc loco enarrare non attinet, cum alibi fortè id præstandum fuerit,

Adverte.

Adverte Te putem, me, prout suprà indicabam, in Exemplis prægressis ab allegandis illis solidorum Corporum Effluviis, quæ nonnisi Ignis actione possunt obtineri, abstinnisse. Sed quia Sole est magnum Naturæ Agens in Orbe Planetario; quia etiam, durante Æstare, & inprimis tempore Meridiano, Æstus ipsius in causa est, quòd complura Corpora parvis Atmo-sphæris cinguntur; causam non video, cur mihi non liceat Atmo-sphæras istis tribuere Corporibus, quæ observata à me fuerunt iis circumdati, quando à Sole collustrantur; atque etiam existimare, simile quid adscribi, quando quæ saltem, aliis istiusmodi corporibus possent, quæ ea præstent, quæ passim ab Effluviis peraguntur, cum tamen nonnisi à calore excitentur externo, qui calorem Solis non superat.

Huius generis Corporum nonnisi duo vel tria Exemplà, breviteris ergò, afferam, dehinc ad Dissertationis hujus finem properaturus.

Primum horum desumere ausim ab Observationibus meis citca *Electricitatem*; quatum hæc una est, Quòd, ut ostendatur, particularem illum & usitatum excitandi corpora Electrica modum, per Frictionem, haud esse semper necessarium; insignius bonæ notæ Succini frustum accepi, expertusque horæ Æstatis maruinà, dum Aer adhuc erat frigidiusculus, nolle illud, non excitatum, leve ali-quod corpus, cui id exposueram, attrahere; idem in radios Solis transuli, eoque, donec moderate incalcesceret, ibi relicto, deprehendi, prout expectabam, vim Attractivam ipsulum acquisivisse, idque non modò in parte una, ut communiter observare est, quando Frictione excitatur, sed in diversis ac distantibus locis, simul; in quorum quolibet attrahere sibi conspicebatur leve illud corpus, quod ad commodam ab eo distantiam collocaveram; ita ut etiam in hoc Climate nostro solidum corpus brevi acquirere Atmo-sphæram possit à præsentia Solis, idque diu satis ante meridiem, & calidissimam diei partem.

Proximum Exemplum fortè nonnihil mirum Tibi videbitur, quod tale est. Cum, tempestate non ferente ut geminum priori Experimentum peragerem ad calentem Solem parvum, sed spissum, vas vitreum capiebam, idque igni, donec debitu caloris gradum acquisisset, admovebam (qui tamen non adeò erat insignis, quantumvis illum, quem Succino impressum suprà dixi, excederet,) conperique, ut expectaveram, calorem / *grus* etiam huic Corpori vim attractivam conciliasse, quæ nammodum calor Solis excitaverat in altero.

Quem verò gradum Caloris observaverim vel esse necessarium, vel maxime aptum excitandis Corporibus Electricis juxta indoles ipsorum diversas, (non enim idem gradus promiscuè convenit omnibus,) non est hujus loci exponere; magisque faciet ad rem nostram, de iis, quæ hæcenus dicta sunt, paucis dispicere.

Videatur itaque, probabiliter ex prægressis Experimentis & Observationibus posse deduci, per magnum numerum, si non maximam partem Corporum *Consistentium*, sive Animalium, Vegetabilium, vel Mineralium, enittere posse Effluvia, atque illa etiam, quæ solida sunt, posse (quandoque saltem) parvas suas obtinere Atmo-sphæras, quamvis Solida vicina sæpè obfutura sint, quò minus Halitus illi undequaque ambiant, illa corpora, è quibus emanant,

Etenim, uti Exempla hæcenus allata (quæ non totum exhauriunt eorum, quæ allegare possem, peni) liquidò ostendunt, complura esse Corpora (& quidem nonnulla, quæ probabilitatem non magnam præ se ferebant) istius esse, de qua loquimur, indolis; sic nonnulla me inducunt ut credam, multò plura esse, eodem genio prædita.

Primò enim, per pauci, si ulli, (quos quidem Ego novè curiositate illà ducti fuerunt, ut accuratis sincerisque Bilancibus (quales quidem istiusmodi Experimenta possunt) uterentur, ad examinandas Evaporationes Corporum Inanimatorum; quas si deinceps adhibuerint, vix dubito, quin multa sint comperituri, quæ à nobis propòsita confirmarunt, inventurisque, corpora quædam, de quibus necdum constat halitus ab iis expirari, ipsos depromere, & complura alia multò emittere copiosiores, quàm quis existimaverit. Non enim quis facillè credidisset, Corpus tam gelidum, ac est Glacii frustum solidum, copiosas edere sui Expirationes in frigido gelantis noctis Aëre; vel Ligni frustum, quod diu asservatum fuerat domi, eratque satis leve, ut commodè appenderetur per longum temporis spatium Bilanci, quæ Equilibrium suum octavâ unius grani parte (ut meminì) amittebat, minori temporis spatio quàm unius minuti horæ, tot emisisse halitus, ut lances manifestò, idque tempore hyberno, venterentur.

Verùm posito (quod proximè expendo) Experimenta peracta fuisse Bilancibus perexactis, quamvis sequatur, si corpus expositum evadat levius, aliquid inde expirari; non sequitur tamen, si nulla percipiat ex instrumento Virinutio ponderis, nihil corporei ex illo emigrare. Nolim hic urgere, non modò à plebique Chymicis, sed à doctis hujus temporis Medicis affirmari, quando vel Vitrum *Antimonii*, vel *Crocus Metallorum*, Vinum Emeticis vel Catharticis particulis imbuunt, id ab iis præstari sine ullo ponderis sui decremento; quia Bilances in officinis Pharmacopæorum, & minus curata *arsellæ*, ponderandis rebus adhiberi ab iis, qui in Staticis non sunt versati, solita, cò me adigunt (non quidem ut Traditionem, quæ forsitan vera est, negem, sed) ut ægrè quicquam Observationibus superstruam, quæ ut iis innitatur, perquam accuratè sunt peragendæ: Proindeque id potius notabo, licèt *Magnes* existimetur continuò per copiosos Effluvijs Magneticis circumdari (quæ dici possunt ejus Atmo-sphæra) non tamen observatum à quoquam fuisse, cum ponderis sui quicquam, tot corpusculorum recessu, amittere. Verùm, cum, admittà de Magneticis Hypothesi *Cartesiana*, Argumentum ab hoc Exemplo ductum non ad eò foter validum, ac secus; Exemplum subjungam multò magis extra Exceptionem positum: Novi quippe, Te mihi concessurum, Odores ad distantiam non diffundi absque corporeis ex odora substantia Emanationibus, & tamen, quamvis bonæ notæ *Ambra grisea* continuò, etiam ab externo calore non excitata, spatiosâ cingatur Atmo-sphæra. Te, in sequentium Dissertationum una, causam mirandi inventurum, adeò exiguam esse ejus dissipationem.

Si dicas, Progressu temporis apparere posse Decrementum ponderis in Corporibus quæ in paucis horis diebusve nullum tale produnt; Objectio hæc, licèt concessa

concessa, Doctrinam nostram haud labefactat, cum sufficiat iis, quæ diximus, statuminantibus, si evictum à nobis fuerit, quorundam corporum Effluvia aded posse esse subtilia, ut eas sua avolatione levius non reddant in ejusmodi Experimentis Staticis, quæ non inusitate, & ut sic dicam, prætractæ protrahuntur. Atque ipsa hæc Obiectio facit ut aliam, esse posse, nihilo, quod eos comitet, obitante, Corporum in Experimentis Staticis diu protractis Diminutionem aliquantulum majus, quantaccuratæ Bilances nobis detegere queant: Eorum quomodo certi esse possimus, ipsa Pondera, plerumque Orichalcea (quod est Metallum valde ab insigniori fixitate alienum) non posse temporis Tractu aliquantum sui ponderis decrementum pari, æque ac Corpora, iis mediantibus librata? Nec quisquam, opinor, hæcenus exploravit, annon Vitrum, ipsumve Aurum progressu temporis aliquam ponderis sui jacturam faciat; quam si facerent, haud pronum foret ipsam dignoscere, nisi Corpora adessent perfecte fixa, quorum comparatione juvari melius possemus, quam si ea conferamus cum ponderibus Orichalceis, sunilibusve, quæ, minus fixa cum sint, majorem sui, quam Aurum & Vitrum, diminutionem patiuntur.

Tertium & postremum, quod hic considero, est, complures dari posse modos alios, præter eos qui nobis ex Statica suggeruntur, solidorum Corporum Effluvia percipiendi, adeoque ostendendi, minus tunc inferri ex eo, quod Operatio eorum non est constans vel manifesta, ideò Corpora ejusmodi nunquam Effluvia ulla emittere, adeoque inepta esse, quæ interventu suo in ullum aliud Corpus agant, quantumvis illud ad recipiendam ipsorum Actionem habile fuerit. Atque hoc ipsum eò magis à Te notari velim, quoniam præcipuum meum (etsi non unicum,) in hisce Noris institutum est (ut nosti) *Qualitatum Occularum* illustrare Doctrinam; compluribus verò earum elucidandis poterit conducere, si constet, particularia quædam Corpora emittere Effluvia, etiamsi id nec continud, nec uniformiter præstent, & licet tortè etiam non dignoscantur ulla omnino emittere, si eodem cum aliis corporibus expirabilibus modo examinentur, sed solummodò reduci eò possint, ut peculiari ea versandi ratione ipsa emittant, vel emisisse dignoscantur determinatà quadam in aliud quoddam Corpus singulum, vel parvum numerum Corporum, operatione.

Forfan non existimabas, antequam legeres quod modò retuli de Vitro, posse è Corpore, tam vehementem ignem passo, leviusculà & brevi unius frustuli ad alterum affriccione, tales halitus obtineri, qui non modò feriant nares, sed offendant. Nec facile crederemus, nisi id assereret Experientia, Adamantem, qui jure æstimatur corpus omnium durissimum, levi friccone eò redigi, ut Electrica Effluvia emitteat. Quin imò, (ut nonnihil eam Paragraphi ultimi partem, quæ omnium maxime id requirere videtur, confirmem,) subiiciam, aliquando penes me fuisse Adamantem, piso non multò grandiore, qui nunquam passus fuerat polituram casuramve, ejus vim Electricam aded facile erat excitare, ut si modò digitis meis eam abstergerem, virtus ipsius se proderet; atque si, quamprimum ex loculis meis eum deposueram, pilum ei applicarem, lapide etiam, ne ullà ratione frictio fieret, digitis meis intacto, pilum illud ad distantiam aliquam attraheretur,

& quandoque unum post alterum, inprimis ab uno latere Lapidis (cujus superficies ex aliquot Planis triangularibus constabat;) Et quamvis hæc Adamantis excitatio oriri duntaxat videbatur à calore, quem in loculis meis acquirerar, non tamen reperi, istum calorem, etsi videretur non alterari, eundem in eo effectum semper edere, licet facta à digito meo ejus absterisio nunquam non (quantum quidem memini) ipsum excitaret. Simile quid incerti semper observabam in alio quodam Adamante meo, multò, quam prior, notabiliore, probèque polito; atque in *Rubino* quodam, quem etiamnum penes me habeo, qui quandoque insignem exerebat vim Electricam absque frictione, quando solummodò Annulum, quem ornabat, in digito meo gestabam; & quandoque virtutem illam (operandi scilicet absque frictione) videbatur amisisse, idque aliquando paucorum minorum spatio, me planè nescio, quanam esset subitè aded mutationis causa. At immorandum mihi diutius non est hisce particularibus, de quibus alibi nonnulla dixerò: Proinde norare pergo, vix mentem nostram subitum fuisse, quando Perdix aliqua, vel Fera venatione agitata pede fortè solum feriet, in loco illo, ubi vestigium fuit (quamvis invisibiliter) impressum, complurium horarum spatio, corporeorum Effluviu scaturiginem permanere, nisi id indicarent canes venatici & sagaces, quorum nares post tantum temporis intervallum dignoscere ejusmodi Emanationes possunt, quamvis non modò alia genera Animalium, sed & alia genera Canum id percipere nequeant.

Vidi lapidem penes Academicum quendam, mihi notum, quem, si oculis fuisset habenda fides, *Agatem* judicasset, non *Hemaitem*, adeoque non creditur aptum ad Medica Effluvia, vehementi Hæmorrhagiæ sistende accommodata communicandum, nisi, qui cum gestabat, morbo illi fuisset obnoxius, seque ipsæ & alios hoc lapide cervici appenso pluries curasset; quem si deponeret ut quandoque, experimenti gratiâ, faceret, temperamentum ejus perquam singularem (cui geminum raro vidi) ipsum paucorum dierum spatio in recidivas conjecit.

Quæ alio loco apud Te de veris quorundam Lapidum virtutibus [vereor quippe ne pleræque, ipsis tribui solitæ; sint falsæ] disceui, confirmare non nihil ea poterunt, quæ nodò in medium attuli; me interim ad finem properante, hoc solum monui o, vix quenquam cogitaturum fuisse, ponderosum aded ac solidum Corpus, quale est *Magne*, Atmosphærâ ambiri, si rarum fuisset fossile Ferrum, neque id ipsi propè ad noveri contigisset.

Atque hæc Instantia finem hisce *Notis* imponam, quoniam ea hanc mihi Considerationem suggeret, quòd cum solida Corpora Atmosphæræ continuis circumdari possint, nec tamen id fieri indicent, nisi operatione suâ in unum solum modò Corpus, vel in pauca quæ de eo participant, exertâ; cumque jam dentur [ut vidimus] admodum diversi modi quorum beneficio corpora dignosci expirabilia queant; quòd, inquam, vero non sit absimile, plura usque & usque inveniri Corpora posse [etiam ex solidis & duris] quæ Effluvia emittant, prout plures porro modi ipsam detegendi vel casu vel industriâ innotescunt.

FINIS.

EXERC.

EXERCITATIO

De

MIRA SVBTILITATE
EFFLVVIORVM.

CAPVT I.



IV. I. supponamus scum *Atomis* veteribus & neotericis, omnia corpora sensibilia componi ex corpusculis non insensibilibus modo, sed indivisibilibus; siue existimemus cum *Cartesiano*, atque [ut nonnulli illius Sectatores nos docent] cum *Aristotele*, Materiam Quantitatis ad instar, esse indefinitè, si non infinitè, divisibilem; satis erit utrique dogmati consonum, *Effluvia* corporum ex particulis perquam minutis constare. Etenim si opinionem amplexemur *Aristotelis* vel *Cartesii*, obexponendus non est Materie in fragmenta usque & usque minoræ subdivisioni. Et quanquam *Epicurea* hypothesis *interminatam* ejusmodi Materie divisionem non admittat, sed eam terminari velit certis corpusculis solidis, quæ ob anteriorem suam indivisibilitatem *atomi* nuncupantur, harum tamen hyperaspilæ injuriam sibi fieri jure credunt, accusati quòd pulvisculos in radiis solaribus volitantes, pro Atomis habeant; quandoquidem, ex horum Philosophorum sententia, istorum pulveris granorum unum, tunc duntaxat visibile quando in Solis radiis moritur, ex plurimis componitur atomis, multasque earundem myriades suâ mole excedit. Hoc ipsum in suis ad *Diogenem Laertium* Notis probabile reddit Doctissimus *Gassendus*, exemplum afferens exilis Acari, quod licet vix distinctè oculo nudo dignoscatur, nisi quando movetur, bene tamen Engyscopii beneficio animal completum apparet, partibus omnibus necessariis instructum. Quod ipsum faciliè admitto, cum ipse sæpius in Casei acaris perdistinctè conspexerim villos eorum pedibus adnatos. Possè inque priori exemplo jungere, quod alibi commemoravi de quadam animalculorum familia, acaris in caseo multò minorum, quæ subinde in aceto conspiciuntur. Verùm quæ jam dicta sunt, præsentii instituto meo sufficerint, quo ostensum duntaxat eo, miram illam, quam deinceps *Effluvia* adscribam, exilitatem, à receptis Physicorum

Theoriis non abludere. Alioquin enim in hac Exercitatione Probationes, quæ medium afficiunt, non à *Priori*, sed à *Posteriori* sunt desumendæ. Atque Experimenta & Observationes, quas hanc in rem adhibebo, præcipuè erunt illæ, quæ ad Caput subiectorum unum poterunt referri. Ea sunt;

I. *Mira Corporum quorundam Extensibilitas, dum eorum partes ræsum adiuu afficiunt.*

II. *Multitudo visibilium corpusculorum, quæ possunt ab exigua Materia portumcula suppeditari.*

III. *Exiguam Pororum, quos corporum nonnullorum Effluvia subingrediuntur.*

IV. *Exiguam molis ponderisve decrementum, quod pari corpus potest magnam Effluuiotum copiam emittendo.*

V. *Magna Spatii quantitas, quæ repleti quoad sensum potest parua Materia rarsitate dispersa quantitate.*

Verum enimverò, licet distinctis his Articulis distincta designaui in *Capitulis*, non tamen expectare te velim Instantias sollicitè dispositas, sed eo ordine consignatas quo mihi subibant, cum permitti id fas sit in scripto, cui non *Tractatus*, sed *Notarum* formam destinavi.

CAPVT II.

INter complura, quæ crassâ satis sunt ut Tactûs nostri objecta fiant, manibûsque nostros verlentur, dantur nonnulla, quæ iuamento nobis esse possunt ad miram in minutis, quibus constant, partibus exilitatem concipiendam.

Non recorder eorum, quæ *Cardanus*, & post eum scriptor alius, de Tenuitate ac Subtilitate ad quam reduci potest Aurum, tradidit. Ideoque nec planè al-
sensum præbens nec negans iis, quæ alii hac de re dixerunt, solummodo huc transferibam hac occasione, quod alibi ex mea ipsius Observatione commemoravi; viz. Argentum, cuius ductilitas tractabilitasque multum cedunt iis qualitatibus in Auro, fuisse meâ curâ in filum aded exile educum, ut nos idipsum longâ & accuratâ mensurâ, non sine molestia, decemientes, comperimus, octo illius ulnas nostrates ne uno quident grano integro in bilance agillima contraponderasse, nôsq; potuisse granum aliud lanci illi, cui incumberebat, addicere, lance tamen illâ agillimâ necdum manifestè præponderante. Unde inferebamus, singulum hujus filii granum in pedes 27. live in pollices 324. sese exportexisse. Cùmque experientiâ constet, semi-pollicem Anglicum posse per lineas diagonales in 100. partes dividi, sat magnas ut facillè possint, etiam in mechanicos usus, dignosci; sequitur, hujus in filum educi argenti granum unum dividi in 64800. partes posse, quarum unaquæque adhuc verè metallinum, ut exilem brevemque, cylindrum constituit, quem rursum ex multis adhuc minntioribus particulis constare intelligendum. Quaquam enim procurare non possem filum *Aureum* aded exile ac erat modò innotatum filum *Argentum*; comperiebam

tandem

Definita fuerat hac Distributio in partem *Notarum* *Auctoris* super Exercitationem ipsius de *Nitro*. In scripto de *Exercitationibus Improbabilibus*.

tamen, portionem illius aliquam, quæ penes me erat, satis fuisse exilem, ut unum ejus granum in 14 pedum longitudinem abiverit: unde consequitur, unam unicuique ad integrum milliare, 1000 passibus geometricis (quorum singuli faciunt 5 pedes) constans, atque insuper ad 720 pedes, extendi posse. Ac si hæc jam fuerit supponere, filum illud fuisse (id quod fieri potuisse est probabile,) ulterius eductum ad eandem cum suprâ dicto filo Argenteo exilitatem, longè notabilior erit Instantia: Hoc quippe casu, istorum Cylindulorum, quorum 64800 requiruntur ad unum constituendum granum, unumquodque habebit *Aream* superficiei, quæ, excepta basi, obducta erit tegmine Aureo, quod ab eo non Mentali duntaxat operatione, sed & Chymicâ fortassis, separari potest. Memini quippe, me ex valde exili filo Aureo, quamquam nullum adeo exile, ac erat hoc Argenteum, comparare mihi possem, pluries quàm semel, curiositatis ergò, ita extraxisse Argentum, ut pelliculæ Aureæ, dum erant in liquore eas tumefaciente, solidorum Auri filorum speciem præ se ferrent; quamquam subducto liquore, apparebant (ut erant reapti) oblongæ & perquam tenues duplicesque metalli illius membranæ, quæ, si præstò fuisset exile satis instrumentum, discindi possissent & dilatari, ulteriorumque divisionum & subdivisionum capaces fieri.

Adiciam porro, quemlibet ex dictis cylindulis argenteis non modò instructum esse debere sua *Ar. olâ*, sed & Soliditate: Nec tamen causa mihi erat dubitandi, perquam fuisse possibile, si peritus studiosusque adeo fuisset artifex ac erat in votis, ut eadem metalli quantitas in longitudinem multò majorem educeretur; quandoquidem Animalis etiam substantia capax est, quæ in exilitatem reducatur longè eam in filo nostro excedentem; dummodò vera sit observatio, à personis fide dignis, atque in capiendorum Experimentorum methodo sat accuratis, mihi tradita, quam in præsentis argumenti confirmationem juxta ac illustrationem nunc subjungam.

Fœmina quædam Ingeniosa, mihi nota, docti cujusdam Medici uxor, alendis bombycibus delectata, curiositate aliquando ducebatur, unam ex rhæcis illis Ovalibus (quas nent Bombyces, non ut vulgò creditur, ex anne, sed ex ore, unde materiam melinet digitis educere quandoque sibiuit,) in omne illud filum seilicet cum, unde constabat, extrahendi; quod, mirante admodum marito æquè ac ipsâ, qui uterque id mihi enarrarunt, ultra 300 ulnarum nostratium longitudinem dimetiendo exportrigebatur: nec tamen nisi grana duo cum dimidio ponderabatur. Vnde unumquodque Serici granum cylindricum, 120 saltè ulnas longum jure poterit æstimari.

Memini insuper, alium me adhibuisse modum, quo mediante posset, quis, extensibilitatis Auri beneficio, partim in corporibus Solidis exilitatem concipere.

Accipiebamus tusa Auri folia sex, quæ singulatim dimeticiebantur adminiculo regulæ, ad peragenda experimenta curiosiora studio fabricactæ, reperiebamusque, habere ea majorem in dimensionibus suis æqualitatem, verisquæ Quadratis proprius accedere, quàm quis exspectaret. Latus quadrati, in eorum quolibet, exactè satis conficiebat tres pollices cum; (vel 4,) qui numerus ad fractionem decimalem reductus, nempe $3\frac{11}{10}$, atque seipso multiplicatus producit $10\frac{11}{10}$, pro *Arca* sive contento superficiali uniuscujusque folij quadrati: Atque

hic numerus multiplicatus per 6 (numerum foliorum,) facit 63 ¹¹²; pollices quadratos ¹, pro Area sex foliorum: Hæc in exacta balance appensa, omnia simul sumpta 1 ⁶ gran. conficiebant. Atque ita unum foliatum hujus Auri grauum ad plus quàm 50 pollices extendebatur: Id quod nonnisi quintâ parte differebat a simili quodam Experimento, quod fecisse me, multis abhinc retro annis in exacta balance recordor; potestque discrimen tantillum acceptum ferri Auri, cum labori & diligentiz, qui non æquali semper vi & petitiâ, nec in auro æqualiter puro & ductili, operantur.

Iam si in memoriam nobis revocemus id quod paulò antè dicebam de actuali pollicis unius in 100 partes sensibiles divisibilitate, supponamusque pollicem sic divisum cuique lateri quadrati pollicis auri foliati modò dicti applicari, manifestum est, per subtiles lineas parallelas, inter omnia puncta opposita ductas, unum Auri granum divisibile esse oportere in 50000 quadratula, valde minuta quidem, oculo tamen acutum videnti dignoscibilia. Et si pollicem in partes ducebas divisum supponamus, uti modò dicebam factum fuisse in regula à me adhibita, tunc, juxta modum nuper recitatum, numerus Quadratorum, in quibus granum singulum dividi esse capax, ad duas omnino milliones assurgit. Alius super modus est, mihi usurpatus, ut ostenderem, extensibilitatem proindeque divisibilitatem Auri, probabiliter multò esse mirabiliorem, quàm per Experimenta nuper commemorata apparet.

Hunc in finem adibam celebrem quandam Metallorum purgatorum, quocumque in purificato Auro & Argento solitus fueram commercari, eumque sciscitabar, quot grana Auri foliati suppeditare consuevisset uti uncie Argenti, in filum deauratum, capuli exilitatem habens, educendi? Responsum tui, octo grana se dare, si filum esset probe deaurandum; at si leviusculè, sex grana rem confectionem. Atque in eandem sententiam responsum mihi fuit à petito Filorum ductore. Meminique, roganti mihi Purgatorem, ut ostenderet mihi massam Argenteam, prout eam prius deaurabat, ipsum mihi ostendisse eximiam pesselum Cylindricum, in quo foliatum Aurum, quo superficies ejus erat obducta, de longe notè videbatur Papyri *Venetæ* crassitiem æquare; hoc tamen me comparante cum filo deaurato, (quod & videre rogabam,) Filum hoc satius meliusque, quàm illud, deauratum apparebat; fortè quia Aurum, per varia foramina trajectory, à lateribus ipsorum non extendebatur modò, sed & polituram capiebat, unde candidiorem, quàm folia non-polita, quæ massam illam deaurabant, spectari fortiebat.

Proinde, si supponamus, fili deaurati nuper dicti unciam unam deauratam fuisse Auri foliati gravis sex, proclive erit colligere, hæc ratione unam Auri unciam, deaurando itius exilitatis filo, ad 90 circiter vel 100 millia exportatum iri. At si porò jam ponamus, ut nuper fecimus, exile illud filum Argenteum, de quo *Capitulum* hujus initio locuti sumus, fuisse deauratum; quanquam largiremur illi (ob eximiam ejus exilitatem) non (ut priori) sex Auri foliati grana, sed octo, pro Argenti uncia; fatendum erit, cavum cylindricum live vaginam Auri, nonnisi octo grana pendentem, extendi adeò posse, ut ad sexagecupiam ejus, quam obducit,

obducit, (pondere) quantitate fili Argentei se exporrigat: [Dixi *sexagesenam* quia toties continetur 8 in 480, numero graiorum in una uncia contentorum;] proindeque (cūm unum fili *istius* granum compertum fuerit 27 pedum habere longitudinem,) una uncia Auri ad 777600 pedes, hoc est, ad 155 milliaria & plus quā dimidium exporrigetur.

Et si supponamus adhuc ulteriūs, superficialem hunc cavūve Auri cylindrum iuxta omnem suam longitudinem findi, inque tam exiles ac fieri potest lemniscos scindi, negandum equidem non fuerit in stupendam posse Aurum longitudinem extendi. Ac opus non fuerit suppositione ac ultimā, ut stupendum reddatur quod præcessit: quod tamen, licet sit stupendum & videatur incredibile, impossibile nequaquam est iudicandum, cūm non excedat illud, quod ex suppositis observationibusque suprā traditis evidenter consequitur.

CAPVT III.

POSTea, quæ dicta sunt de exiguitate corporum *Tangibilium*, præter rem non fuerit, quasdam instantias subiungere de eorum exilitate, quæ adhuc *Visibilia* manent. At cūm hæc corpuscula singulatim nimis parva sint, ut eorum ulli ulla communis mensura applicetur, æstimanda nobis est eorum parvitas ex numero illotum, in quæ parva portio parvūque fragmentum materiæ actu dividi potest, horum multitudine, suppeditata à tam exili quantitate materiæ, satis superqueistente, unumquodque eorum seorsim sumptum mire exiguum esse.

Inter *Instantias* illas, ubi corporum parvitas deduci ex eo potest quod immediatum est objectum *Visus*, alienum non fuerit observare Evaporationem Aquæ, quæ licet notoriè consistat ex particulis crassis, si illæ cum plurium aliorum liquorum spirituosos odoriferisque conferantur, quales sunt Spiritus Vini, Essentia Olea Aromatum, &c. ut tamen ostenderem, parvam ejus quantitatem posse in insignem manifestè visibilibus corpusculorum quantitatem dispergi, excogitabam & aliquoties experiebar ejus in vapores rarefactionem, *Aolipile*, beneficio, in qua quando postrema vice Experimentum capiebam, non gravabar Eventum consignare, ut sequitur.

Inmiseram *Aolipile* unciam Aquæ communis, eaque foculo carbonibus instructo impositā, observabamus tempus, quando vaporum fluxus primum conspiciebatur. Erat hoc fluentum insigni temporis spatio satis impetuosum, testante strepitu quem excitabat, qui multum augebatur, applicato ei ad convenientem distantiam torrefacti, cujus ignem perquam vehementer exfussilabat. Durabat fluxus ille per horæ circiter quadrantem (16 minuta & amplius;) deinde verò ventus per intervalla disspungebatur duobus tribusve minutis prius quā cessaret penitus. Atque ob figuram *Aolipile*, (quæ, facta eadem esset in alios imprimis usus, non adeo quadrabat huic) magna vaporum portio in superiori ejus parte condensabatur, indeque stillatim decidebat; quas guttas si supposueris in venti etiam forma erupisse, nec statim circa finem intermisisse, ex conjectura

mea poruisset ille sine interruptione per 18 vel 20 minuta durasse. *Nota*, quòd applicante me mensuram vaporum, qui conspicuè satis in forma ferè conica prodibat, ubi videbatur diametro esse pollicari & ampliùs, ab *Aëolipila* orificio circiter viginti pollices distabat; & 5 vel 6 pollices ultra eam distantiam, licèt ita dispergeretur, ut diametro constaret pollicum quatuor vel quinque, attamen non uniformes quidem, sed coherentes adhuc nubes (in ea quippe forma in qua vapores apparebant,) manifestæ & conspicuæ erant.

Dispectâ hunc in modum Rarefactione *Aqua* dum in Vapores convertitur, in medium nunc afferamus Rarefactionem *Materia Ignita* dum in Flammam vertitur: Quam in rem aliquot hîc proponere possem Experimenta tam nostra quàm aliorum, de stupenda corporum quorundam Inflammabilium Expansione dum actu in flammam abibant. Verùm si illa omnia hoc loco commemorare in, nimium fortè surriperem alijs scripto. Vnde unicam duntaxat *Instantian* hîc Tibi considerandam proponam, càmque expertu facilem, prout eam in *Adversariis* meis conscriptam reperio.

Accenso sapius Spiritu Vini, nec non Oleo, in Lampadibus vitreis, quæ in certos usus ita erant fabrefactæ, ut liquoris superficies formam semper circularem obtineret; observatu erat obvium, quantillum subsideret liquor dum per semiquadrantem circiter horæ absumebatur. Si tamen consideremus, oculum inveniri prævio usu posse, ut sæpè tentavi, motus dignoscere *Penduli*, adeò celeriter vibrati ut singulum horæ minutum divideret in partes 240, proindeque semiquadrantem horæ in partes 1800; si etiam revolvamur, in quot partes temporis à *Pendulo* insumpti, Vibrationes tantæ satis quæ discernantur ab oculo, queant subdividi; si denique expendamus, Oleum sine intermissione prædam fieri Flammæ, particulâsque ejus continuum materiæ lucentis præbere fluxum, quæ mirâ celeritate jugiter avolat; fas omninò nobis fuerit concipere, partes illas Flammæ, in quam Oleum vertitur, stupendæ esse exilitatis; quoniam, licèt tardè nigris quàm ut oculo percipias consumatur Oleum, extra dubium tamen est, continuum fieri decrementum profunditatis Olei; cujus superficies physicæ continuè & successivè attenuantur inque flammam abeunt. Multo quæ fortius stringi argumentum posset in gratiam Subtilitatis corpusculorum Flammæ, si supposuerimus, communis Olei loco flammam aliâ materia tantò magis compactâ durabilique, ac est inflammabilis illa substantia ex Metallino quodam corpore confecta, cujus durabilitatem alibi commemoravi, postquam parandi ejus modum tradideram.

Appenso curatè in agili bilance dimidio grano *pulveris pyris* bonæ notæ, imponebamus illud frusto imbricis, quod cooperiebamus vase vitreo (alibi descripto sæpiùsque commemorato,) quod laminâ cupreâ erat instructum ad superius orificium tegendum. Tum accenso pulvere pyrio observabamus, fumum ejus opacasse & ad sensum replevisse totam vitri cavitatem, etiam si basis ejus esset octo pollicum, altitudo perpendicularis plus quàm pollicum viginti, & figura ejus longè capaciore quàm si esset conica: Atque fumus hic, nequaquam

intra

• In chartis quibusdam de Flammâ

intra vasis cancellos coercitus, per duo triæve prorumpebat intervallula, vasis inter orificium & laminam ipsi incumbentem studiò relicta. Operculum hoc tunc tollebamus, observaturi scilicet quamdiu fumus ascendere pergeret, id quod durasse reperiebamus per horæ circiter semi-quadrantem, ac durante ferè medio temporis illius spatio (trium scilicet minorum priorum,) continenter ascendens fumus videbatur, in loco ubi prodibat, ejusdem esse diametri cum orificio quod pertransibat, Ascendebatque interdum ad pedis, interdum ad dimidii ulnæ, quandoque ad duorum pedum & amplius altitudinem, priusquam dispergeretur & evanesceret.

Iam verò si reputemus, rotundi hujus orificii cavitatem diametrum habuisse bipollicarem; quor, quæso, visibiliun corpusculorum myriades facilè cogitabimus orificio tam amplo, tempore prædicto, proruisse, cum ea se invicem continud foras propulisse censenda sint? Inque tot visibiles fumi particulas fatendum nobis fuerit dimidium illud pulveris granum fuisse dissectum, præter illas copias, quæ, in flammam actualem versæ, supponi probabiliter possunt comminutionem illam passæ, quæ eas visum fugere coegerit. Et quamquam adeo vanam non aggrediar operam, ut exilium harum particularum numeri computum incam, attamen, ut quadautenus ingentem earum multitudinem æstimaremus, considerare libuit, quanta esset inter spatia, quæ conspiciebantur fumo repleta, & pulveris in funem illum soluti dimensiones, proportio. Quare vitro aquâ communi impleto, deprehendimus, plus quam viginti duas illius liquoris pintas eo contineri; atque mensurarum illarum unâ ponderatâ, invenimus, pondus ejus tam propè ad libram integram (*sedecim unciarum*) accedere, totius aqûe computatio ad 160000 (minimum) grana, adeoque ad 320000 dimidia grana asurgeret. Cui si adiciamus, pulverem hunc promptè aqûe fundum petere, cum (ex nitro & sulphure, quæ sex ejus partes & septem constituunt,) ipsâ sit in specie gravior, & probabiliter duplo ponderosior (non enim ita proclive est exallè id ipsum definire); conicere quodammodo poterimus, spatium, ad quod fumus se porrigeret, quinquagies millies [50000] excessisse illud, quod pulverem continebat non accensum idque quamvis fumus, vase coercitus, eo ipso impediretur, quò minùs se eòusque diffunderet, ac probabile videbatur ex ipsius effusione futurum fuisse.

His *Instantiis*, ab Inanimatis corporibus petitis, subiiciam unam ex *Animalium* familia quæsitam. Cum igitur non sine ratione mirari fuerint homines, corpus tam exile ac est *Acarus casearius*, qui oculo nudo sæpè non dignoscitur nisi moveatur, (nec tum fortè semper,) apparere Microscopii beneficio Animal partibus omnibus necessariis instructum; cum, inquam, meritò exinde colligamus, corpuscula tantilli animalculi partes constituentia, ipsa perquam esse minuta; putein Ego, posse hoc Argumentum consideratione sequenti multùm promoveri.

Illi scilicet, qui ducti fuere curiositate, ova incubata de die in diem aperienti, non potuerit non observasse, quàm exiguam, respectu molis totius ovi, proportionem habeat pullus, cum id, quod Excellentissimus *Harvæus* appellat *Pom-*

Etum salient, motum Cordis, & Sanguinis colorem ostendat, cūque etiam circa diem septimum vel octavum totus pullus, jam ad visum formatus, non magnam habeat proportionem ad ovum totum, quod alimentum illi, non ad nutritionem duntaxat, sed etiam ad citum incrementum per complures exinde dies, debet suppeditare. Hoc ipsum jam ut rei præsenti accomodemus; cū aliquoties observaverimus, aliisque ostenderimus Acaros casearios ipsos ex ovis generari; si jam concipiamus; in ovis hisce, uti in communibus aliis, Animal primā sui formatione nonnisi exiguam habere ad molem totius ovi proportionem, cū pars residua alimento juxtā ac incremento Embryonis per insigne forsā temporis spatium debeat sufficere, quandoquidem, (nō vir quidam ingeniosus, quem ei rei ut invigilaret, rogaveram, perperam me edocuit,) decem duodecime dies priusquam excludantur infumere solent; ipsum hoc ovum totum nonnisi exiguum esse agnosceretur, acari unde prodiit respectu: Quā igitur supra imaginationem exiles supponendæ fuerint illæ partes, quæ liquores nutritios, ipsosque etiam spiritus constituunt, qui per nervos partēve analogas commeantes, movendis inserviunt membris sensoriisque moduli duntaxat, ut sic dicam, Animalis ejusmodi, quod quiescens, nedum foret ipsum (fortē) nudo oculo conspicuum, inque quo firmiores ejus partes stupendæ censuerimus exilitatis, si quidem nobiscum revolvamus, quod licet in animalibus aliis villosis Optici aliive majores nervi, nescio quot vicibus, crassitie ambagēque superent pilum animalis ejusdem: in Acaro tamen caseario, qui ex majorum inter creaturas istas censu non est, manifestē, ut superius fuit indicatum, singuli pili in pedibus crescentes, conspiciantur.

Alius est modus, quo mediante suggerēbam indivisibilia corporum *Effluvia*, per Aërem vagantia, esse perquam minuta posse; ostendendo scilicet, quā exiguum materiæ fragmentum resolvi in particulas possit satis minutas ut cum fluido, tanto magis densiori quā Aër ac est Aqua, eā copiā associentur, ut determinatum toti illi liquori colorem impertiant. Quid præteritū beneficio *Cochinellæ* ut institutum hoc conjectaret, mea de *Coloribus* Experimenta te docebunt. Nunc vero successum Tibi exponam Tentaminis alio modo peracti, de quo forsā quidam ex amicis tuis Chymicis mihi gratias habebunt; quanquam haud fatagerem Experimentum hoc longē provchere cū *Auro*, non quod id judicarem minūs in insignem coloratarum particularum numerum divisibile, sed quod deprehenderem, ut expectabam, nativi coloris Auri pallorem reddere id tandem minūs conspicuum posse; licet, si præstō mihi fuisset *Menstruum*, quale aliquando penes me habui, quod potis erat Aurum in sanguineum colorem dissolvere, Experimentum cū *Auro* peractum superasset fortē illud, quod ut Tibi exponam tempus jam monet, quamprimum scilicet Tibi *in transitu* innuero cepisse me, variandi causā, Experimentum cū *Cupro per se* calcinato, ne quis me accuset, omisisse me usam Metallī, cujus corpus à Chymicis supponitur Calcinatione apprime referari. Et licet notabilis esset eventus, comparatus etiam cū eventū Experimenti cū *Cochinellæ* facti, conjecturis tamen meis inducebat ut longē præfortem modum descrip- tum in narratione quæ sequitur.

Curatè in agili quadam bilance unum granum *Cupri* non-calcinati, sed limati duntaxat, appendebamus, & quia hoc metallum elegeramus, eò quòd in plerisque *Mensuris* largitur colorem cæruleum, sordidum, conspicuūque, volumus etiam solutionem ejus peragere non in *Aqua forti* vel *Aqua Regis*, sed Spiritu *Salis Ammoniaci* (cūm is Urinosus sit Spiritus;) per alia Experimenta compertum habentes, hocce *Mensurium* solutionem multò intentionem quam alterutrum aliorum suppeditare. Elegantem hunc liquorem, cuius insigniorem adhibebamus copiam, ut scilicet omne *Cuprum* penitus dissolveretur, altro vitro cylindrico, quadripollicaris diametri, immittebamus, gradatim ei affundentes aquam stillatitiam, (quæ communis, incommodè salsedine sæpius instructa, multò est aprior,) donec vitrum ferè implevissemus, coloremque nonnihil pallidum, non tamen adeò dilutum ut manifestus non esset, conspiceremus. Tum liquorem hunc vitro conico infundebamus, ut eò esset facilius, vas illud aliquoties ad altitudinem eandem implere. Vas hoc conicum ad certum usque signum quater consecutive implebamus, idipsum nec non liquorem toties appendentes in insigni bilance, ex industria in Experimentorum Staticorum usum fabricata, quæque, licet valida satis esset ad liberam aliquot in singula lance ponderationem ferendam, uno tamen quasi grano in alterutram partem flectebatur. Diversa hæc pondera vitri, undè cum liqore contento, simul addebamus, tumque vitro vacuo iterum ponderato, quater ejus pondus à summa supra dicta subducebamus, eo ipso deprehendentes, solius liquoris pondus, ad grana reductum, ad 28534 grana allurgere; adeò ut unum granum *Cupri*, quod non planè dimidiam habet gravitatem *specificam* *Auri puri*, Tincturam largiretur, pondus ejus vices octies millies quingenties tricies quater (28534.) æquantem.

Iam verò si placer advertere, Experimenti mei scopum fuisse ut ostenderem, in quantum numerum partium unum *Cupri* granum posset dividi, petimtes ut considerem, (quod & feci) hanc partium multitudinem æstimandam esse ex proportionem, non tam pondere quàm mole, Metallii tingentis, ad Liquorem tinctum; proindeque, cūm complura Experimenta Hydrostatica me edocuerint, pondus *Cupri* ad pondus *Aquæ* molis ejusdem habere se proxime ut 9 ad 1; grani pondus *Cupri*, mole suâ, nonnisi nonam partem facit tantæ quantitatis *aq.æ* ac pendet granum unum, adeoque numerus antè memoratus granorum *Aquæ* multiplicandus est per 9, ad obtinendam Proportionem inter corpora Tinctia & Tincta, hoc est singulū granum *Cupri* largiebatur aliquid coloris cærulei plus quam ducentis quinquaginta sex mille octingentis sex partibus (256306,) *aq.æ* limpide & rariū unaqueque mole suâ ipsū granum æquabat. Quod, quamvis stuperè videretur, & vix credibile, visum tamen mihi fuit Experimentum augere ulterius; quod faciebam, omnem liquorem ex altro illo vitro cylindrico in aliud vas in undam effundendo, undè cum bis implevissem vitrum conicum, idque toties evacuassem in idem vitrum cylindricum, tertiâ vice implebam vitrum conicum à sua distillaræ excolore, eaque ipsâ etiam in vitrum cylindricum effusa, deprehendebam, manifestum adhuc, licet pallidum duntaxat, colorem cæruleum mixto illi liquori inesse. Denique, abjecto liquore qui erat in vitro cylin-

drico, infundebamus ei, ex eodem vitro conico, distillatæ aquæ excoloris, tincti-
que liquoris, prius in vase mundo sepositi, partes æquales; invenimusque colo-
rem licet valde pallidum dilutumque, cæulei tamen nonnihil habere, quod ab
oculo intento facile dignosci poterat, quoddam tale esse iudicabatur ab erudito
quodam Advena, qui ad inspiciendum cum introducebatur, rogatus ut iudicaret,
quo liquorem illum colore imbutum esse crederet. Unde patet, Cupri granum
unum potis fuisse colorem impartiri plus quam duplæ quantitati Aquæ suprà
commemoratæ.

Huic Experimento fusiis & enucleatis enarrando immorari volui, tum quia
comptum mihi non est, tale unquam peractum hæcenus vel tentatum fuisse,
tum quia gratum id fore futurum est genti Chymicæ, quibus volupe est credi,
valde diffusivas esse Tincturas metallorum; quia etiam, ni circumstantiæ debite
notarentur, Tibi quoque incredibile forsitan videretur, æquæ ac videtur stupen-
dum, posse portionem aliquam materiæ impartiri colorem *conspicuum* plusquàm
256806 partibus Aquæ, quarum singulæ eadem sint cum ipsa mole; coloremque
manifestum plus quàm 385200 ejusmodi partibus, (id enim præstabat, quando
proportio partis tinctæ ad mixturam totam, ex ipsa atque ex parte non-tincta
constatam, habebat se ut 2 ad 313) nec non *languidum*, attamen dignoscibilem
distingubilemque, colorem, plus quàm quingentis & tredecim mille sexcentis
& viginti mille partibus Aquæ, quarum singulæ eandem cum tingente materia
molem constituiebant.

CAPUT IV.

IN proclivi esset (*Pyrophile*,) complures tibi Instantias suppeditare, quibus
ostendatur, insinuare se posse *Liquorum* Effluvia in Poros corporum, quæ com-
pectæ admodum texturæ esse creduntur; at hoc loco Exempla ejusmodi silebo,
non modò quodd ad alium ea locum * pertineant, ubi de iis ago; sed quodd complu-
ra talia non adeo notabilia forent, nec ad institutum præsens adeò facientia, ac
pauca quædam ex Corporum *non fluidorum* censu desumpta.

Et primò quidem, traditum fuit à bonæ fidei Scriptoribus, nonnullos (non enim
valer Experimentum in *omnibus*,) dum per aliquod temporis spatium *Canthari-
des* exsiccatas nonnisi manibus tenerent, dolorem circa vesicæ collum insignio-
rem sensitse, noxamque in aliis quibusdam partibus, Urinæ secernendæ serviētibus,
notabilem accepisse. Verum id esse, credere inducor ex eo, quod alibi Tibi narra-
vide ingrato quodam Experimento, quod ab effectu *Cantharidum*, extris cervici
meæ applicatarum, eoque, me inscio, in meatus Urinarios se exerente, sentiebam.
Deberi verò has operationes Effluxibus materialibus, qui, ad viam sibi in massam
sanguinis faciendam, per poros corporis permeare omnino debent probatu,
etiam Te ipso iudice, supervacaneum foret.

Scaliger Exerc. 186. narrat, in *Aquisania*, suâ patriâ, Arancos inveniri, veneno

tam

* Distributio de Poris Corporum, & Figuris Corpusculorum.

tam virulento insignes, ut si quis eos conculcet, virus inde per ipsas calceorum soleas penetret. Quam historiam, non obstante scriptoris famâ, forsan præteritissem, ob aliam de Araneis multò notabiliorem, ab ipso in eadem *Sectione* traditam, nisi incidissem in similem quandam, ab industrio *Pisone* in nupera sua *Historia Brasiliensi* enarratam. Ibi enim, de alio *Pisce* venenoso Regionis illius verba faciens, deque Antidotis ab ipso feliciter in vulnere ab ipso inflictorum curam adhibitis, pergit ad *Pisces*, ab incolis *Amoreatim* dictum, de cujus familia quadam, à Lusitanis *Peize Sola* vocatâ, hæc habet: *Quamirâ sanè efficacia, non solum manum vel levissimo attactu, sed & pedem, licet optimè calcatum, Piscatoris, incautè pisciculum contereatis, paralyti & stupore afficit, instar Torpedinis Enropeæ, sed minus durabili.* Lib. 5. cap. 14.

Quod ex occasione allaturus sum *infra* de efficacia *Torpedinis*, aliorumque nonnullorum Animalium, cotripiendi manum & brachium percutientis, ad rem præsentem facere videtur. Etenim, licet vis eorum efficiendi Percussorem in distantia, adscribi jure possit stupefacientibus aliisque venenosis Exhalationibus, ab animali per ictum irritato expirantibus & tantum non evibratis, atque unâ cum Aëre quem insciant, haustis; quod tamen scientis brachium potius, quàm ullam partem aliam, stupefaciunt aliòve modo adiciunt, arguere videtur, penetrare venenosos halius per cutis membri affecti poros, atque ita partes illius nervosas & musculosas stupefacere vel aliâ ratione lædere.

Alia Exempla ad *Sectionem* hanc pertinentia referri huc ex aliis hujus de *Occultis qualitatibus* Scripti locis possunt, quare ad assertionem hanc, *Quasdam scilicet Emanationes, etiam ex corporibus Solidis, satis esse subriles ut per corporum etiam maxime compactorum poros pervadant*, probandam, hic solummodò adiciam perquam insigne illud argumentum, quod ab Effluviis *Magnetum* nobis suppeditatur, quæ à scriptoribus Magneticis omnia corporum genera citra renitentiam penetrare perhibentur. Ex quanquam id ipse non tentaverim in omnibus corporum familiis, cum tamen id expertus fuerim in *Metallis*, facile crediderim, Regulam illam generalem Exceptiones admittere paucissimas; inprimis si probari planè possit, quod de Effluviis Magneticorum per vitri poros permeabilitate asseritur. Etenim non modò vitrum passim habetur corpus densitate nulli secundum; sed (quod plus apud me valet) ab Experimentis de industria à me ipso peractis, causam habui perquam tenuium vitri fragmentorum densitatem admirandi. At ratio, quare jam jam utebat particulâ conditionali *Si*, erat, quod non planè mihi satisfecerat illa, Cui hæcenus acquievêre, de vitri permeabilitate probatio; Possè scilicet in Pyxidibus nauticis, laminis vitreis obduci solutis, Acum magneticam promptè hinc inde à Magnete suprà moto moveri. Etenim, cum hæc laminæ passim non nisi cerâ, vel, ubi optimè, cemento agglutinentur, Scepticus quis oggesse rit, Effluvia magnetica non per vitrum, sed per materiam illam multò permeabiliorem, quæ scilicet ad commissuras ab Aëre solo munientas adhibetur, penetrari.

Ut igitur extra dubium rem hanc ponere, Acus quasdam magneticas in tubis vitreis Hermeticè obseillari curabam, quibus impositis superficiæ aquæ, (cui

(cui ob cavitatum suarum amplitudinem facillè innatabant,) Acus incluse non modo actuum vim magnetis extùs applicatæ (licet debilitatis duntaxat) sentiebant, sed ei adeò obtemperabant, ut facillè Acùs beneficio, possem, citra contactum, dirigere totum Tubum, cui inclusa hæc erat, ad quamcunque superficiei aquæ partem placeret. Comperi præterea, fortiori magnete superiori parti tubi obligillari, acùmque continentis applicato, efficere me potuisse, ut Acus ex inferiori parte tam propè magneti assultaret, ac vitrum interpositum permittebat.

Verùm enim verò majoris momenti rem existimabam, si manifestum facerem, etiam iuervis ejusmodi corporis, qualis est globus Terræ, Effluvia magnetica vitrum penetrare. Et quanquam id expertu videatur arduum, eò quòd nullus Magnes ordinarius, nec ullum Ferrum eo affricturn, adhiberi debebat ad agendum in ferrum inclusum; libebat tamen rem tentare eà, quæ sequitur ratione: Capiebam cylindricam portionem Ferri, minimum hominis digitorum magnitudine circiter æquantem, & intra dimidij pedis & pedis integri longitudinem consistentem, (antè enim observaveram, Ferri non excitati *quantitatem*, ad actionem ejus in acus excitatas conducere;) eoque per sigillum Hermeticum incluso in tubo vitreo, longitudinem illius tantillum duntaxat excedente, credebam, si tenerem illum in positu perpendiculari, Effluvia magnetica Terræ, vitrum penetrantia, effectura ut Ferri extremum inferius responderet polo Boreali; proindeque, applicato eo ad punctum acùs Pyxidis nauticæ, quod *respectabat Boream* (non enim Authores omnes idem volunt vocibus *Poli Borealis* Acùs vel Magnetis alicujus,) censebam, id, iuxta Leges Magneticas (alibi commemoratas) punctum illud repulsum; id quod & reapse præstitit. Atque inverso, ulterioris experimenti gratiâ, ferro incluso, (ita scilicet ut extremum, quod antè erat infimum, iam supremum locum obtineret,) eoque in positu etiam perpendiculari servato præcisè sub eodem Acùs puncto; extremum illud virgæ ferreæ, quod priùs punctum hoc repulerat, cum inversione hac [quasi] polus evaserit Australis, id ipsum [iuxta eandem Leges] attrahebat. Ex qua subita Polorum mutatione, à solo polorum situ profectâ, patebat etiam, Ferrum soli Terræ, non Magnetis alterius, qui non tam facilem mutationem subiisset, magnetismo vim suam debere.

Atque hoc Experimentum eò explicatiùs enarro, quòd hic locus solus non est, ubi eo utendi datur occasio.

CAPVT V.

Aliud insignis *Effluviarum* subtilitatis argumentum duci potest ab Exiguo ponderis molivæ Decremento, quod pari corpus potest magnam ipsorum copiam emittendo.

Quòd corpora, quæ liquoribus macerata, novis ipsos qualitatibus imbuunt, corporum immerisorum qualitates obtinentibus, id præstent suæ ipsorum substantiæ aliquid ipsis impertiendo; facillè, putem, ab iis concedetur, qui concipere nequeunt,

nequeunt, quâ ratione unum corpus alteri communicare possit solitariam & nudam aliquam quantitatem, te quadam corporeâ, eam sustentante & devehente, non-fociatam.

Vetum enim verò nolum te æstimare, *Pyrophile*, solam rem facti, quæ mihi ad probandam hanc notionem suppetit, esse Experimentum illud, quod complures Chymicos Medicosque, cæteroquin Philosophiæ Corpusculariæ non faventes, convicit, operari Medicamenta posse citra suum absumptionem. Etenim, licet complures ipsorum, quorum nonnulli viri docti cluent, audaçter tradiderint, *Vitrum Antimonii & Crocum Metallorum*, sigillatim insigniori etiam quantitati vini immisissæ, Emeticam qualitatem contrahere, & si liquor ille depleatur, & recens alius affundatur, unamquamque liquoris ejusmodi portionem recentem eadem virtute imbutum iri, idque si vel millies liquor mutetur; servante interim *Vitro illo Antimoniali & Croco* idem pondus iuxta ac virtutem eandem; Et *quantum* exinde nonnulli eorum, imprimis Chymici, arguant, Metalla quædam operari sine communicatione rei ullius substantialis, solâ, ut *Helmontius* de quibusdâ Arcanis suis loquitur, *Irradiatione*: Fateor tamen Ego, me dubitare, an unquam debito modo peractum fuerit illud Experimentum; nec planè in eo quod traditum fuit acquiescam, donec peritus aliquis Experimentator suâ id fide & ex propriâ experientiâ asserat, indicatis simul instrumentis & circumstantiis, quibus rem peregerit. Etenim, præterquam quod Medici quidam perquam ingeniosi, à me ea de te interrogati, fassi fuerint, vini Saporem, & quandoque Colorem ab infuso minerali mutatum fuisse, acquiescere haud possem in vulgaris Chymici, vel Pharmacopolæ, vel etiam Medici, affirmatione, si rudè assereret, ponderasse se Antimoniale medicamentum priusquam maceraretur, & postquam peracta esset maceratio, nec tamen ullum se decrementum ponderis observasse. Nimis enim comperta mihi est (ut alibi trado) accurata Experimenta Statica capiendi difficultas, ut non norim, Bilances ejusmodi, quales à Chymicis & Pharmacopolis in re medica ponderanda adhibentur, nequaquam apta esse faciendis eâ *æxactis* Experimentis, qualem id, de quo loquor, requirit; cum proclive sit, etiam si meliores bilancium istarum minùs exactarum adhibeantur, maxime nisi à te aliqua fixa suspendantur, sed teneantur manû, semigrano vel grano aberrare, atque etiam quantitate fortè majori, saltem majori quàm ex aliquot huius Diatribæ Experimentis patet esse necessarium ut insigniori liquoris portioni corporeis effluxibus imbuendæ absumatur. Præterquam quod si tum, quando Crocus Vitrumque confusa eximuntur vino, iterum ponderanda, Expertor satis cautus non fuerit ut rationibus accenseat liquorem medicamento adhærescentem, patet eum non percepturum decrementum ponderis, quantum reverà aliquot granis æqualia Mineralis Effluvia hausta esse possint à liquore. Et si fortè id caverit, siccaveritque pulverem, non tamen adedè facile est, etiam viro perito, certum se reddere, nil viscosiorum liquoris particulari Minerali adhærescere, idque sensibile cum sit bilanci; etsi non fuerit oculo manûve, Emeticorum illorum corpusculorum, quæ in *Menstruum* se diffundeant, recessum instaurare. Atque harum difficultatum consideratio movit me, ut nobile aded

Experimentum bilance perquam exactâ , eaque quâ par est curâ , tentarem ; At post diuturnum satis tentamen , infelix quidam casus omnem conatum meum elusit.

Licet autem, dum fide digni Authores tem facti nobis fide & experientiâ suâ nobis tradant, infusionemque multò crebrius, quàm hæcenus, quod sciam, factum, repetant, acquiescendum mihi non sit iis omnibus, quæ de Vîno aliisve liquoribus, *Vitro Antimoniali & Metallorum Croco* fortis perhibentur; quod tamen post aliquot Infusiones iteratas, Mineralis substantia ad sensum nec mole nec virtute minuitur, suffecerit id equidem, ut hæc Instantia, licet non unica vel princeps in rem nostram, ei tamen apta & accommoda haberi possit. Etenim experientiâ constar, efficacem liquori qualitatem Emeticam fuisse communicatam; idque non Irradiatione fieri, sed substantiali effluxu, perquam, mihi quidem, videtur probabile; non modò propterea quòd caput meum superat, quòd id fieri aliâ ratione queat, sed etiam quòd, ut suprà notatum, colorem sæpius Vinum mutat, dum aliquandiu super Minerali detinetur, quasi inde tincturam aliquam eliciat: quin imò, quando nullo inficitur colore, haud tunc inde colligi putem, nullâ in illud operationem *Menstruum* exeruisse. Detinui quippe, insigni temporis spatio, Spiritum Aceti vini super probè pulverisato *Vitro Antimonij* parati *per se*, nec tamen ullam in Spiritu illo tincturam percepi, cum tamen constet, solvi in Aceti illius Spiritu *Vinum Antimentiale* posse, prout meum postea solum fuisse patebat, diuturnioris scilicet in eodem liquore digestionis beneficio. At fieri potest, ut permixtæ exiles particule in *Mensruo* dissolvantur, priusquam copiosæ satis fuerint ad colorem eius mutandum. Atque huic valde convenit observatio illa, quòd nempe, nimia licet Antimonij præparati quantitas liquori immitatur, non tamen inde nimis efficax Emeticum reddatur. Vinum quippe, cum sit *Mensruum*, non nisi ad certam mensuram, aliorum *Mensruorum* more, imprægnari potest, ita scilicet ut dissolvere potis non sit materię ipsi immixtæ redundantiam. Et *Mars*, quod corpus est *Vitro Antimonij* durius ponderosiusque, ipse ex parte solubilis est in bonæ notæ Vîno *Rhenano*, aliòve vîno albo, (idque intra non longum temporis spatium,) & quandòque etiam in Aqua.

Non itaque Infusionem Emeticam relicto ceu ineptam quæ in hoc Capite locum habeat; sed dum accuratius factum fuerit Experimentum, cedere eam putem, quòd institutum nostrum, quibusdam ex illarum *Instantiarum* numero, quæ Capite sequenti occurrent, & fortè etiam illi, quòd *Helmentium* memorat, quòdque plures mihi familiares compertum habent, de vi scilicet Vctmi-necæ, quam Argentum vivum aquæ vel vîno, cui satis diu infusum vel aliquandiu incoctum fuit, elargitur; quanquam Argentum vivum in substantia sua propinatum laudem ferat efficacis contra vermes remedii, non apud professos Spagyricos * modò, sed & nonnullos bonæ notæ Methodistas. † Et licet alia quædam obsint, Chymica ac Philosophica, quòd minus cum iis sentiam, qui existimant, hoc in casu Mercurium imprægnare liquorem Irradiatione quadam potius quàm modo Corporeo; attamen non percipit oculis, etiam aquam limpidam quicquam à

mundo

* Quales sunt Quercetani, Libavii, Zabaii, Burgravii. † Videtur, Paracelsi, Casalpini, &c.

grundo & bene purgato Mercurio elicere, in quem constat complures liquores corrosivos agere recusare.

Huic Instantiæ adiiciendum mihi est aliud, quod magis est extra exceptionem; Quodd nempe, cum, curiositatis gratiâ, in bilance aded exacta, ut perexigua grani unius parte huc illuc flecteretur, frustum suspendere*m Ambra grisea*, nuce Juglandi majus, & plusquam centum grana ponderans, non potuerim trium & dimidii dierum spatio, quo commodum mihi erat rem experiri, ullum, etiam in ista bilance, ponderis Ambrae illius decrementum dignoscere, licet suffimentum aded locuples, dio expositum, probabile sit magnam halituum odoriferorum copiam eo temporis spatio exspirasse. Deinceps etiam, suspensâ per quinque dies & dimidium quadam *Assa foetida* massâ, comperi, nec eam sensibilem ullam ponderis jacturam fecisse; quamvis, nequicquam obstante ingrata frigidaque tempestate, cingere*tur* Atino-spharâ foetidis exhalationibus stipatâ. Et quanquam, elapsis horis duodecim vel quatuordecim, post mutatam fortè cœli tempestatem, dictam massam inspecturus accederem, licet immutatum nonnihil isto temporis spatio *Aequilibrium* reperirem, tota tamen massâ ne quidem octavam unius grani partem amiserat; id quod me inducebat ut crederem, dari fortè halitus etiam naribus nostris perceptibiles, qui longè sint subtiliores odoriferis exhalationibus Aromatum ipsorum. Suspensâ quippe mense *Martio* in optimæ notæ bilancibus unâ uncia*m* nucum Myrsiticarum, sex circiter dierum spatio, quinque & dimidium grana amiserant. Et una uncia Caryophyllorum, eodem temporis spatio, 7½ granorum fecerat jacturam.

Miraberis forsan, me Instantiis hoc Capite allegatis non præferre eam, quam suppediter Magnes, qui continenter emitte*re* agnoscitur halituum Magneticorum examina sine ponderis decremento. Verùm licet hoc ipsum omni planè silentio noluerim præterire, non tamen eo niti tantopere volui, non modò quòd bilantes meæ necdum mihi de Magnetum Effluviis fecerint satis, (non enim eos omnes æqualiter esse particularum suarum diffusivos putem;) sed quòd prævideam, posse in dubium vocari, *Utrum* Magnetes, odoriferorum corporum ad instar, de *suo* jugiter omnia illa largiantur corpuscula, quæ usque & usque ex iis emanant; annon vero ea continuò reparentur, *partim* ex particularum Magneticarum, ab uno Polo effluentium, refluxu ad alterum; *partim* verò ex continuo materiæ Magneticæ, à Terra aliisve corporibus mundanis succenturiatæ, per Magnetum poros canalèsque meatu?

Non dubito, Assertionem hanc, posse scilicet exiguam materiæ quantitatem, in Effluvia invisibilia dissipatam, eximè rarefieri expandique, multò fore probabilior*em*, si ostendi possit, parvam hanc materiæ portionem, per insigne temporis spatium copiam emitte*re* partium visibilium, idque agmine inter se invicem tam stipato, ut Aggregato suo nonnisi unius integri liquoris speciem præ se ferant; qui motum obtineat fluendo similem, superficiemque distinctam, in qua nulla, oculo etiam vicino, interruptio cernatur.

Ad Experimentum hocce excogitandum inducebar, dum mecum reputabam, hæcenus omnes (torales) Pigmentorum dissolutiones factas fuisse in liquoribus

naturaliter frigidi; & probabiliter ex multò minùs subtilibus, & citra omne dubium ex multò minùs agitatìs particulis, quàm fluidum illud materiæ lucentis aggregatum, quod *Flammam* dicimus, constare. Hinc arguebam, si quis posset corpus, ex partibus adedò minutis ac sunt metalli particulæ compositum, dissolvere in Flammam actualem, ejusque flammam ita moderare, ut immodicè absumeretur, me hoc pacto Metallum in *Menstruo* dissoluturum multò subtiliori, quàm est Aqua nostra communis, vel *Aqua fortis*, vel *Aqua Regis*, ullumve aliud *Menstruum* à me hæcenus adhibitum; proindeque Metallum in *Menstruo* hoc verè igneo attenuationem expansionemque longè superatiram non tam duntaxat, quæ in ordinariis fit solutionibus Metallinis: sed & eam fortè, quam in *Diatribis* hujus *Cap. serio* notavi, miram nempe illam Cupri in Spiritu Urinæ & Aqua diffusionem.

Hoc institutum ut urgerem, sic præparabam unicùm Metallum istius granum, modo alibi tradito, ut in cochleari, *Menstruum* appropriatum continere, dissolveretur. Deinde conflata ex industria lampade vitreâ, quæ liquorem hunc contineret, eaque scapo ellychniôque instructâ, lampadem accendimus, quæ citra ellychnii consumptionem, urebat, flammam habens satis amplam & valdè calidam, totòque illo tempore colore sub-viridi imbutam, haud aliter, ac si nil nisi tenuior lucensque Cupri solutio fuisset: Tingebaturque unicùm hoc Metallum præparati granum flammam, continuè per dimidiæ horæ & sex minorum spatium productam. Iam verò si consideremus, fuisse in hac Flamma non interruptam agminum particularum coloratarum, recens extricarum, inque singulis illis, quæ multæ sunt, minuti unius, vel actu vel mente divisibilis, partibus avolantium, successionem; sique porro Flammam consideremus ut leve & perquam agitatum corpus, fluxu suo sursum per Aërem tractum; si denique nobiscum revolvamus illam liquoris quantitatem, [de qua paulò infra,] quæ per tubum, multò minori, quàm Flamma illa, diametro constantem, intra prædicti temporis spatium efflueret: Quantam, amabo, manantis illius fluidi, quod *Flammam* vocamus, copiam, si modò conservari inque unum corpus colligi potuisset, supponere licebit ex unico Cupri grano, 36 minorum spatio emanasse, quantamque metallinorum corpusculorum multitudinem existimabimus suppeditatam fuisse ad Flammam illam tanto temporis spatio tingendam? Quandoquidem fluentum Cylindricum aquæ, lapsum per nonnisi valdè brevem vitri fistulam, liquore jugiter succenturiato adimpletam, eâ permeabat ratione, ut quanquam Cylindrus aqueus videretur dimidio (vel fortè duabus tertiis & amplius,) strictior Flammâ: ultimaverimus tamen, Horologii, minuta notantis, exactæque bilancis ope, quòd si commodè potuissent fluxum illum satis diu continuare, aqua triginta sex minorum spatio (tanra quippe erat Flammæ duratio) elapsa, duas supra septuaginta libras æqualiter.

CAPVT V.

Vltimum Instantiarum genus, quas in medium adferam ad insignem *Effluuiorum* Subtilitatem ostendendam, est ex iis, quæ magnam illam detegunt Quantitatem spatii, quæ parvâ Materiæ rarefactæ dispersæve quantitate repleti, vel saltem (ut loquuntur) Sphæra activitatis ipsius reddi potest.

Ad manifestandam hanc veritatem, proindeque ad prægressum Caput æque ac Capituli præsentis institutum confirmandum, conabor ostendere, imaginationemque tuam juvare ut concipiat, Quàm amplum spatium possit corporum Effluxibus imprægnari, sæpe citra sensibile, & sæpius citra insignem ullum corporis, eos largientis, in mole vel pondere decrementum. Atque hanc in rem, licet mihi non sumam determinare præcisè, quàm parùm substantiæ à me allegandæ absumantur ad bilancem, (facile quippe videbis, eas non esse istâ ratione examinandas ;) autem tamen, Te æquè facile concessurum decrementum *ponderis* pusillum futurum, cum ex levibus ejusmodi substantiis, *molis* ipsius jacturam pusillam esse constet. Postremumque hunc articulum jam evincere aggrediar, quasdam Observationes tradendo, partim ex probatorum quorundam Medicorum scriptis excerptas, partim verbò ab Amicis meis & me ipso factas, de durabili Evaporatione minutarum istiusmodi particularum Effluxuum ab Animalibus manantium, de quibus actu dignosci ad oculum nequit, ipsis quicquam eorum adhærescere, quæ adedò diu in successiva sui avolatione durant.

Solet nonnihil attonitos habere viros litteris deditos, quando primum aucupatum eunt, bonis canibus villosis (quos *Hispaniotos* vulgò appellant,) stipati, observantque, quantâ sagacitate canes ejusmodi distinguere odoratu suo loca illa soleant, quæ à Perdibus, Coturnicibus, &c. infesta nuper fuère. At multò magis Ego miratus fui, acerrimum odoratum insignis cujusdam Canis insidiantis (quod genus Angli vocant *Setting-dogs*) qui suo circumcursitandi agros more, aliisque motibus, capite præsertim peractis, non modò indicabat nobis familiam sive speciem alitum, quorum odorem offenderat, sed & locum, ubi Perdices ante aliquot horas (quamvis fortè sine ulla mota) infederant, nosque in conjectando, quamdiu ante adventum nostrum avolaverant, juvabat.

Mira audiivi in *Hibernia* ab iis, qui luctum, victumque sibi quærunr ex Luporum Hibernicorum nece (certum quippe precium in singula eorum penditur capita :) circa sagacitatem peculiaris illius canum familiæ, quos in consecrandis & capiendis ipsis Lupis adhibent. At narrationibus istis non adedò sisus, adiciam, virum quendam generosum valdè gravem & modestum, mihi que familiarem, qui sæpe Canes illos sagaces, (qui Anglis *Blood hounds* dicuntur) adhibet, apud me asseruisse, si quis homo transiverit modò agrum aliquem, odorem ejus ita hæsurum terræ, ut ab ejusmodi cane post aliquot ab hominis illius com meatu horas percipi queat. Adhæc, solers quidam Venator apud me asseveravit, observasse se, Fetæ in fugam & calorem actæ odorem quandoque inde ab una die in proximam solo hæsurum.

Exinde verò tria nobis consideranda se præbent; *Primum* est, Substantiam in gramine vel solo relictam à transcurso Perdicis, Leporis, alteriusve Animalis, hac illac duntaxat itantis, probabiliter *quedam* tantummodò ex Effluviis, è pedibus ipsius emissis, gramine solòve communicare; quæ cum satis sint exilia, ut visus aciem effugiant, fortè non unum (pondete) granum, quin imò ne decimam quidem illius partem consueiunt. *Deinde*, partes corporum fluidorum, quæ talium, in perpetuo esse motu, inque eodem esse invisibiles in ipsis natantes particulas, ut liquet ex Salis Saccharive in aqua dissolutione, vaporumque aqueorum per Aërem, etiam clàm oculis nostris, volitatione. *Tertiò*, quanquam Atmosphæra unius ex parvis istis materiæ illius expirantis, de qua loquimur, portiunculis valde amplasæpius esse possit, si cum corpore emittente eam conseras, uti ex ea conjicere est distantia, ad quam Canes quidam insidiantes vel sagaces odorem Perdicis vel Damæ alicujus percipiunt; in locis tamen libero aëre ventòve expositis perquam verisimile esse, hos halitus assiduè à fonte suo avehì ad dictam Atmosphæram per sex, octo, vel plures etiam horas alendam; hoc est, quamdiu hæreere solo observatus fuit odor, continuas halituum sibi invicem succedentium suppetias requiri: Adhæc, cum tantilla materiæ portio, qualem nos dicebamus horum vaporum fomitem posse haberi, ad sensum imprægnare Atmosphæram incomparabiliter semetipsa majorem debeat, eique continuas ferè suppetias elargiri, non possumus non arguere, halitus, quos emittit, extremæ adèò parvitatìs esse debere, ut vix concipi à nobis queant.

Porro & hoc pensandum occurrit, substantias, vapores hosce emittentes, cum illæ sint quæ nuper erant Animalium, quæque magnà sui parte per pedum eorum poros transpirabunt, verisimiliter esse debere longè magis evaporabilia & dissipabilia corporum genera, quàm sunt Mineralia vel adusta Vegetabilia, ex quolibus Pulvis pyritus conficitur: Adèò ut, si Pulveris pyriti grana Effluvia emittunt, quæ ab Animalibus nonnullis odoratu suo ad distantiam aliquam percipi queant, probabiliter supponi possit, parva hujus pulveris grana longè diutius durare posse ad odorabiles halitus Atmosphære suppeditandum, quàm corpuscula à transcurrentibus Animalibus in solo relictà.

Jam licèt passim constet, per paucas Volucres tam acri pollere odoratu, ac Canes Insidiantes & Sagaces; Pulveris tamen tormentarii odorem, intensiorem imprimis redditum à *Capris morini* Pulveris, antè in eodem Tormento accensi, vaporibus, posse à Volucris ad insignem distantiam olfieri, vento imprimis à me ad ipsos converso, sæpius mihi vitus sum, maximè de Corvis, quando aucupatum ibam, observasse; iuque ea opinione tum à Traditione recepta, tum ab ingeniosis viris, in necandis Avibus feris perquam exercitatis, confirmabar.

Non mihi hic prætereunda Expertissimi *Julii Palmarii* Observatio, quæ docet, Animalia posse in Vegetabilibus à se tactis relinquere ejusmodi corpuscula, quæ licèt ab Animalibus aliis non observata, possint tamen, ab iis comesta, tales in ipsis morbos producere, quolibus infecta Animalia laboraverant. Scribit enim hic Author, in utili illo Tractatu de *Morbis Contagiosis*, observasse se, Equos, Boves, & Oves & alia animalia, in rabiem acta fuisse postquam de Stra-

de stramine, cui rabiosi quidam porci incubuerant, comedisent.

Atque ut priorem nostrum sermonem nunc consecremur, notare te velim, *Effluvia*, quæ olfacta fuisse ab Animalibus commemoravimus, esse, invisibilia licet, sat magna tamen quæ sensus obiecta constituent. Vnde improbable non fuerit, inter vapores, quos nullus sensus percipere immediatè valet, dari quosdam his longè subtiliores, proindeque aptos natos qui Atmosphæram suppedient multò diuturniorem, nec tamen materiam emittentem, quæ eos largiebatur, exhauriant.

Forestum * utilis Author; exemplum recitat contagii pestilentialis, diu in Aranearum tela conservari.

Alexander Benedictus etiam scribit, *Venetis* culcitram quandam infelicitè ad id malum pestiferum retinuisse, ut deinceps excussa, mox adstantes peste infecerit.

Et doctissimus *Sennertus* † ipse narrat, Anno 1542. *Vraslavia*, ubi deinde Medicinam faciebat, Peste enectos, sex ferè mentium spatio, propemodum sex hominum millia, atque ex eo tempore Contagium pestiferum in plicato quodam lintamine per annos circiter quatuordecim hæsisse, eoque sub temporis illius finem in alia urbe explicato, Pestem inibi exortam, quæ & oppida vicina aliisque loca graviter corripuerit.

Trincavella § alterius contagii multò adhuc tenacioris mentionem facit. Stragem illud edebat decem millium hominum, latueratque in quibusdam *furnis*, quibus medianibus illi, qui *Iustinopoli* Peste perierant, in sepulchra sua fuerant demissi.

Verùm eumverò, etiamsi harum Historiarum nullæ Criticis quibusdam vix credibiles viderentur, obijci potest, omnia hæc, in quibus hærebat hæc Contagio, asserta fuisse conclusa, vel saltem Aëri libero non exposita. Quare, postquam tantummodò innui, Exceptionem hanc, quam rationi dissonam non puto, verissima licet fuerit, de Relationum equidem mirabilitate nonnihil subducturam, nequaquam tamen eas instituto nostro ineptas reddituram; adiciam, quam docti quidam Medici sentiant, materiam Contagium hospitantem non posse ultraviginti pauculòve plures dies durare, si corpus, cui adhærescit, Aëri libero ventroque exponatur; & licet pronus Ego non sum ut negem sententiam ipsorum in casibus communibus obtinere, non tamen inficias iverim, Contagium aliquod posse quandoque multo esse tenacius. Cuius rei nonnisi unicum nunc, tantum non recens, Exemplum afferam, à Doctissimo *Dinnerbrookio* * in suo ipsius *Pharmacopola* notatum. Hic quippe cùm ab una Arboreti in horto suo parte ad aliam, nonnihil straminis, sub grabato, cui ante octo ferè menses lectus in quo *Pharmacopola* illius famulus, superstes, peste laborans decubuerat, iacentis, nonnisi pede suo removisset, contagiosi vapores mox inferiorem pedis ipsius partem corripuere, dolorémque pungentem & pustulam cievère, quæ in carbunculum abiit pestilentialem, qui vix quatuordecim dierum spatio sanari poterat, quanquam nullam toto illo tempore febrem homo sentiret, nec ullà

alià

* Lib. 6 Observ. 22. † Lib. 4. de Febr. cap. 3. § Lib. 3. Cons. 37. * Lib. 4. de Peste.

aliâ ratione malè se haberet. Memorabilis hæc instantia, aliis quibusdam similibus in eadem civitate (*Noviomagenfi*) ab Authore nostro observatis, sociata, eliciebat ab ipsomet, ne dicam, extorquebat, hanc confessionem, quam hic subiicio, cùm notabiles quasdam, necdum memoratas recitati casus circumstantias contineat: *Hoc exemplo, inquit, Medicorum doctrina de Contagio in fomite latente satis confirmatur. Mirum tamen est, hoc Contagium tanto tempore in prædico stramine potuisse subsistere, utpote quod totâ hyeme ventis & pluvius (alibi addit, nivibus & frigori,) expositum fuisset.*

Atque jam Caput hoc claudam Exemplo, quod quibusdam fortè non minus mirum videbitur quàm ex prægressis ullum. Est verò hoc; quodd, quanquam Chirothecarum suffumigandarum periti sat mediocri odoriferæ materiæ quantitate soleant eas imbuere, penes me tamen par Chirothecarum *Hispanicarum* asservem, quas ex formosæ modestæque fororis tuz (*F.*) dono acceperam, quæ peritè aded suffumigatæ fuerant, ut partim penes ipsam, partim penes illos, qui eas ipsi ceu rem rariorem dederant, partim penes me, qui eas per aliquot annos servavi, suffitum & odorem suum per viginti novem, si non triginta, annorum spatium retinuerint, eumque aded benè etiamnum retineant, ut nil obstare videam quin per multos adhuc annos fragrantem illum odorem retinere porrò valeant. Quod Exemplum si expendere tecum placeat, & considerare, non potuisse Chirothecas illas ab uno loco in alium moveri, vel saltem aperto Aëri (quod sapiùs factum oportuit) exponi, quin fragrantem de se Atmo-sphæram diffunderent; non poterimus non inferre, odores illos halitus fuisse supra imaginationem subtiles, qui per tantum temporis spatium tot agminibus potuerint ex pusilla materia sustita, in Chirothecis stabulante, emanare, & tamen eas ejusdem materiæ particulis adhuc locupletatas relinquere, licèt (ob quasdam inprimis migrationes, in quibus Chirothecas illas mecum non sumebam,) oblivisceret ex quo eas habui tempore, ipsas vel in capsula ulla conclusas asservare.

EXERCITATIO

De

NATURA DETERMINATA
EFFLUVIORVM.

CAPVT I.



EFFLVIA corporum, *Pyrophile*, cum sint maximam partem invisibilia, in leves aded rationes veniunt apud vulgares Philosophos, ut, illis vix dignantibus ad Existentiam eorum animum advertere, mirum non sit, sollicitos eos non fuisse in distinctis eorum naturis differentiisque detegendis. *Aristoteli* * solummodo, atque, ex eius autoritate, *Scholis*, visum fuit censere duas Globi nostri

massas maiores interdum emittere duo genera Exhalationum parte *Terrea* istas elargiente, quæ sunt Calidæ & Siccæ, quas *Fumos* appellant, & sæpissimè, *Exhalationes*, simpliciter; *Aquæ* à verò suppeditante alias, (non quidem, ut complures ex discipulis eius per errorem putant ipsum docuisse, Frigidas & Humidas, sed) Calidas & Humidas, * quas passim *Vapores* nuncupant, ut eas à *Fumis* (sive Exhalationibus) discriminant; quanquam communi loquendi modo Appellationes illæ crebrè confundantur.

Verùm enim verò, quamvis aded perfunctoriè hoc argumentum tractaverint *Aristotelici*, haudquaquam deceret Philosophos *Corpuscularios*, qui particulis Materie Insensibilibus tantum tribuunt, levi aded & jejuniæ de corporum Emanationibus doctrinæ acquiescere. Cùmque iam antè ostenderimus, præter grandiores simplicioresque *Terrestres* & *Aquæ* materie Massas, modò commemoratas, quamplurima dari corpora mixta, quæ Effluvia emittant, Atmo-sphærulis nonnulla eorum circumdantia; Doctrinæ & Instituto nostro consonum fuerit, hoc loco subiungere, præter leviusculas illas obviâsque differentias, ab *Aristotele* notatas, posse corporum Exhalationes esse ferè tam varias ac ipsa sunt, quæ eas emittunt, corpora; proindeque non esse eas nudè spectandas sub generali &

E confusâ

* *Lib. 1. Meteor. cap. 1. & 4** *Cap. 3. "Εστὶ γὰρ αἰμάδιος μὲν φύσις, ὕψιν δὲ διαίμαρ.*

confusâ *Fumi & Vaporum* notione, sed concipi eas probabiliter tales posse, quæ natura suas distinctas & determinatas habeant, sæpè (licet non *semper*) corporum, unde oriuntur, naturæ consentaneas.

Et sanè indicata modò *Scholarum* distinctio levem aded rationem nobis reddit de Corporum Emanationibus, ut gemina nilhi videatur illi, quâ quis Animalia dispiceret in *Cornuta & Bipedia*. Etenim, præterquam quoddam distinctio hæc petitur à Differentia, quæ non est ex præcipuis, animalia complura dantur (multa scilicet Quadrupedia Piscésque) quæ sub ea non comprehenduntur; singulûmque Divisionis membrum, nescio quot distinctas Animalium familias complectitur, quarum à se invicem differentiarum multò sunt insigniores, quàm quæ suprema illa duo Genera constituunt; unum quippe continet Tauros & Hircos, & Rhinoceroses, & Darnas, & Alces, & Monstra marina quorum cornua ipse vidi; alterum verò genus, varietatem etiam maiorem complectitur, putà, magnam partem Quadrupedum, & præter Homines, Volucris omnia (quantum quidem nobis constat, (sive Terrestria sive Aquea. Et quemadmodum non nisi levem valde informationem de Alcis vel Rhinocerotis natura nobis præberet, si quis nos doceret modò, esse ea Animalia *Cornuta*; vel de natura Hominis, Aquilæ, Lusciniæ, si quis traderet, esse ea Animalia *Cornibus carentia*; ita certè levis admodum foret de Halituum *Mercurii Opivæ* natura cognitio, scire nempe, Vapores eos esse Calidos (vel potius Frigidos) Humidòsque; vel de natura Succini, Cantharidum, Cinnamonomi, Tabaccive, si quis doceret, eos esse Calidos Siccosque. Etenim, præterquam quoddam dari possint Effluvia, quæ, etiam per qualitates suas Elementares, è duorum istorum Generum summorum censu non sunt, (possunt enim esse Frigida & Sicca, vel Frigida & Humida,) longè abest ut qualitates hæc sint ex nobilioribus, proindeque tales ut potissimam in huius illiusve corporis Effluviis considerationem mereantur; prout iam ostendendi dabitur occasio.

CAPUT II.

ATque hic ineptum non fuerit, Experimentum quoddam recitare, quod, ut memini, pluribus retrò annis adhibui ad præsentis Dissertationis argumentum elucidandum.

Expendebam itaque, Corpora Fluida inæquali admodum densitate & gravitate prædita esse posse, testantibus id Argento vivo, Aquâ, & Spiritu vini purificato; quæ, nequicquam obstante insigni ipsorum quoad specificam gravitatem differentiâ, congruere tamen possunt in conditionibus ad corpora Fluida requisitis. Ratus igitur, posse me per ea, quæ ostendere valcrem in uno, ad oculum illustrare quæ analogicè fiunt in altero, capiebam uncias aliquot Aluminis petrosi, totidemque uncias Nitri. *Aliquot*, inquam, uncias sumebam uniuscuiusque, quia, si nimis exigua fuerit Ingredientium quantitas, & ipsa concoagulata grana nimis parva erunt, successumque aded minus conspicuum reddent. His in aqua limpida.

limpida simul dissolutis, solutio filtrata seponebatur in vitro patulo evaporanda, tuncque ea in loco frigidiusculo ad crystallizandum relicta, Vitri parietibus aliisque partibus crystalluli hærebant, quædam Octædricæ, quæ est figura Alumini petroso congener; aliæ Prismaticæ, Nitri puri figuræ convenientes, præter alias quasdam concretiones salinas, quæ cum distinctis harum duarum figurarum neutri cõvenirent, eas esse utriusque salis con-coagulationes arguebam. Atque hoc ipsum efficiebamus, ejusmodi celeritatem in evaporatione liquoris adhibendo, quæ tali producendo effectui conveniebat. Etenim, alium adhibendo gradum, quo scilicet utendum est, quando elicere quis cupit Salia distinctius manifestiusque, res (ut experiundo didici) ita geri potest, ut Sal Aluminosum maximâ sui parte, primò seorsim coaguletur, deinde verò ex liquoris residuo, crystalli Nitri curiosè formatæ magnâ copia obtineantur.

Gemina huic Experimenta etiam cum aliis Salibus peregrimus, speciatim verò cum Sale marino, cumque Alumine & Vitriolo; quorum *Phænomena* suis tibi locis occurrent. Experimentum quippe enarratum solum poterit juvandæ imaginationi sufficere, ut scilicet concipias, Quæ possint corporum particulæ in Fluido (qualis est Aër,) hac illac vagari, & licet exiles satis fuerint ut sint invisibiles, plurimas tamen earum distinctas suas determinatasque retinere naturas, coherendique, occasione datâ, aptitudinem; alias verò posse, variis suis occurrîbus coalitionibusque in varia uniri corpuscula exiliora, vel corpora grandiora, à particulis simplicioribus, ea componentibus, differentia, neque tamen indeterminatis, licet compositis, figuris prædita.

CAPUT III.

Hæc ita præmissis, jam progredi fas fuerit ad particulares Determinatæ Effluviorum naturæ Instantias, quas non incommode ad tres Classes reducemus, quarum singulis singula assignabimus Capita. *Primam* quidem hoc Capite tertio expedire conabimur, de reliquis in duobus Capitibus subsequenter fusiùs acturi.

Primò igitur, Conplurium corporum Effluvia determinatam retinere naturam, sæpe in invisibili exilitate, sæpius verò in ejusmodi quantitate, quâ satis redduntur exiguæ ut in Aëre volitent, ex hoc constabit; Quod scilicet hæc *Effluvia*, condensatione aliòve modo reunita, ejusdem esse naturæ apparent cum corpore unde manaverant. Sic tempestate humidâ, Vapores aquæ, invisibiliter per Aërem vagantes, dum marmoreis occurrant parietibus vel pavimentis, aliisve corporibus, suâ frigiditate aliisve qualitatibus ad ea condenda & retinenda aptis, rursùs in aquearum guttarum formâ conspiciuntur; iidemque Vapores in formam Aquæ visibilem revertuntur, quando Roris & Pluviarum specie ex aëre decidunt.

Ipsam Argentum vivum, si fursùm pellatur in distillatione, commodi Ignis gradus adminiculo, ferè omne repetitur iterum in Recipiente, fluentis Mercurii in

forma. Et mirum hoc penetrantque Fluidum in quibuscumque casibus admodum aptum natum est ad larvas suas exuendas, atque ad formam pristinam resumendam, complures Artifices, imprimis verò Deauratores, in sui noxam deprehenderint, non esse necesse, fumos ejus, uti fit in distillatione, obturatis vasis includi, ut hac ratione ad indolem pristinam revertantur; cum crebrius inventus ille *Mercurius* fuerit in hominum illorum capitibus, qui lapsu temporis enecti ab eo fuerunt, cumque interdum detegere se coactus fuerit, etiam illis, qui cum frequenter versaverant, supersticibus; quâ de re alibi Exempla in medium attuli. Impraesentiarum duntaxat notabo, praxin esse tum apud Deauratores, tum Chymicos nonnullos receptam, ut quando res fert Amalgama aliquod conficere, *Mercurium*ve ab Amalgamate, Ignis ope, separare, Aurum in ore teneant, quod à Mercurialibus fumis, per Aërem vagantibus, subinde, quando exemptum est ex ore, tantum non album est factum, haud aliter ac si Argento esset super-inductum.

Sulphuris purificati massâ sublimatâ, fumi fursum vecti in eam condensabuntur substantiam, quam Chymici *Flores Sulphuris* appellant, qui sunt verum Sulphur, ejusdem cum eo indolis. quod antè fuerat Sublimationi expositum, moxque potest fusione in similem ejusmodi massam reduci.

Adhæc, si Exemplum cupis è *siccorum* corporum classe, expertus sum, bonæ notæ Caphuram in conclusis vasis sublimando, eam omnem quoad sensum in vas superius, vel sublimantis vasis partem, in Caphurâ siccâ, qualis antè fuerat, forma eadem fuisse.

Quin inò, etiamsi non naturâ sed *arte* compositum fuerit corpus aliquod ex corporibus adè differentibus, ac sunt Metallum aliudque quoddam Minerale, & duo vel tria Salia; attamen, si factâ cramatibus hujus à partibus crassioribus purificatione, partes residuæ subtilioresque satis minutæ fuerint commodeque figuratæ, omnis liquor ascendet, & tamen in Recipiente pristina omnino transparentis Fluidi, ex differentibus partibus Salinis ac Mineralibus compositi, formam recuperabit. Manifestum id est in illius Substantiæ distillatione, quam Chymici *Butyrum Oleumve Antimonii*, probè rectificari, vocant. Hic quippe liquor in Excipulum transit diaphanus fluidusque, etiamsi, præter particulas Sublimati (quod ipsum est compositum corpus factitium,) Antimonialibus abunde corpusculis, à corrodenribus salibus transvectis inque invisibili statu servatis, quicquid demum *Angelus Sala*, alique ejus sequaces Chymici in contrarium affirmaverint; uti facili negotio id possit hoc loco, si huic rei commodus esset, probari.

Sciscitatus virum quandam ingeniosum, cui res erat in fodina Stannea, deprehendi, non errasse me dum conjectabar, Stannum ipsum, utur metallum sit cujus minera difficulter admodum funditur, quâque *per se* diu in catino servavi circa avolationem à me repertam, metallinam tamen naturam suam in fumorum florumve forma retinuisse. Hic quippe vir peritus mihi respondebat, operarios identidem magnam Sublimati albensis copiam ex superiori fornacum vel caminorum parte, ubi mineram illam suam ad fusionem reducebant, vel ulterius circa eam operabantur, colligere; hocque Sublimatum, quanquam ad mediocrius viri

altitudo

altitudinem elevatum , unâ vice , quando fundebatur , complures probi stanni libras suppeditare. Quâ occasione adiciam, memetipsum pluries hocce Metallum in alborum corpusculorum formâ subvexisse , additamenti cujusdam , vix dimidium ipsius pondo obrinentis,adminiculo.

CAPVT IV.

Secundum modus,quo determinata Effluviorm natura cognosci potest,ab illo spectatur discrimine, quod quandoque in Sensibilibus ipsorum qualitatibus observatur. Hæc enim Effluvia , quæ iis prædita sunt , ab eadem corporum familia proficiscuntur,& tamen, cùm illa, quæ præbentur ab una corporum classe in multis casibus manifestè differant ab iis quæ emanant ab alia , evidens hæc in exhalationibus eorum disparitas: naturas ea retinere distinctas arguit , pro diversorum illorum corporum indole,unde oriuntur.

Non jam examinabo , Utrum in Vaporibus , qui visibiliter è Globo Terrestri evehuntur ab insignibus illis Agentibus, Sole purâ & Aëris agitatione , manifestè dignoscere Oculus queat Colorum diversitatem , Verùm in quibusdam Artis productionibus differentes istiusmodi Colores dignosci in exhalationibus possunt , etiam citra externi , qui eas subvehat , caloris applicationem.Etenim,quando Spiritus Nitri , *exempli gratia*, probè fuerat rectificatus, sæpe observavi,etiam in frigido volitalse fumos in phialarum obturatarum , ubi allervabatur , parte non impleta , ibique colore subrubente apparuisse ; adhæc , si vasa illa aperirentur , eisdem fumos copiosè in Aërem subvolaſſe , fumi subrubentis aurantiõe colore præditi formâ. Spiritus etiam seu Oleum Salis , probè dephlegmatum, licèt in frigido vix ascendat visibiliter in vacua phialæ parte , dum exactè obturata manet ; attamen , si Aëri libero accessus concedatur , mox,latis rectificatus si fuerit , in forma sub-albentis fumi subvolabit. At hoc leve est , si cum eo confiteris , quod in volatili tinctura Sulphuris , quam alibi parare cum Calce vivare docui,accidit. Non solum enim ex levi occasione pars phialæ vacua fumis albis repletur,vitro licèt probè obturato ; sed & aperta phiala hi fumi copiosè è vitri collo prouunt , inque Aërem specie fumi, albentioris quàm fortè unquam videris , subvehuntur. Atque tum hic Spiritus , tum Spiritus Nitri , operatione suâ æquè ac odore seipſos produunt ; posteriore Nitrosam , (ut in confesso est), priore Sulphuream indolem obinente : Aded ut incarcerante me , curiositatis explendæ ergo, in vitro cominodè figurato, justam ascendentium fumorum albidorum quantitatem , coiſſe eos in transparentia & Geometricè figurata corpora deprehenderim , in quibus proclive erat ex sensibilibus eorum qualitatibus cognoscere , multas particulas Sulphureas esse Salinis commixtas. Vegetabilium in Balneo vel aquâ distillatorum liquores non solum quicquam retinere coloris corporum , quæ eos largiuntur , res est observatu facilis in Distillationibus, absque Retorta ignisve vi peractis. At operæ fuerit precium experiri , num Oleum Essentiale Absynthii subychatur imbutum colore plantæ , unde prius

fuit elicited cum aqua in Alembico, vel in *balneo* rectificatum. Non enim id observabam, quando, notatis quibusdam in Planta illa particularibus, curiositas me mea inducebat ut animadverterem, non modò in prima distillatione, in Alembico zneo, s. in anno intus obducto, factâ, Oleum prodidisse viride, sed & rectificatione, studiò in vase vitreo petactâ, liquorem purificatum colore illo haud spoliatum fuisse.

Oleorum horum Essentialium, ut Chymici appellare ea amant quæ in Alembicis eliciuntur, mentio, facit ut adiciam, Quòd, licet hi liquores nonnisi *Effluvia* sint Vegetabilium, unde distillantur, rursum in liquores condensata in Recipientibus; attamen, utcumque subtilia fuerint, complura eorum genuinum corporum, unde ea calor subvexit, saporem retinent; ut faciliè senties, si paucas gustaveris guttas, *ex gratiâ*, Essentialis olei Cinnamomi, vel Absynthii, Sacchari vel Spiritus Vini adminiculo, in commoda aquæ, vini, vel cerevisiæ quantitate dissolutorum; hac eum ratione hujus aromatis plantæ saporem obtinebis. Estque *Absynthium* planta ejusmodi, cujus *Effluvia* aded retineat corporis ea largientis indolem, ut non possim non allegare hoc loco Observationem quandam meam, quæ tibi ostendat, fieri posse [licet id sit infrequens,] ut etiam citra ignis opem expirationes corporis saporem ejus communicent. Etenim inter alia, quæ res ferebat observare circa *Absynthii* congesti quantitate, memini me aliòque advertisse, nos ingredienti conclave, ubi illud asservabatur, non solum valdè olfecisse corpuscula per aërem vagantia, sed & exinde amarum ejusdem saporem gustasse. Vix operæ precium fortè putabis, si huic instantiæ subjunxero, me comperisse, expirationes *Succini*, in puro vini Spiritu servati, linguam affecisse, Succini ipsius, dentibus meis masticati, in morem. Sed Instantiam hanc asserere libuit, quoniam ea conjugabit hæc modò commemorata cum aliis, quæ ad institutum præfens multum faciunt. Expirationes enim, quas è Succino obtinui, tum pari Spiritus vini, tum penetrantioris *Menstrui* beneficio, in utroque hoc liquore peculiarem odorem manifestè retinebant, quo ipsum afficere uares sensi, quando, experiundi gratiâ, vinum Succini Electricam fricando excitabam. Et quoad *Odores*, constat equidem, Olea essentialia Chymicorum, ritè elicta, complura saltem, peculiarem & genuinum retinere odorem Aromaticum Herbarumque, quæ ea suppeditaverant. Atque Odores hosce reverà ex certis corpusculis invisibilibus, quæ ex corporibus visibilibus quibus tales odores inesse dicuntur, avolant, constare, aut in ipsis residere, alibi fuscè probavi, satisque ex eo liquet, quòd compluribus eorum, quibus occurrant, corporum adhærescunt, inque diutina adhæsione persistunt.

Adferri alia Exempla possunt de stata Effluviorum differentia, humanis sensuum organis, *ut hebetibus*, perceptibili. Hanc verd organorum nostrorum hebetudinem commemoro, quia vix dubito, siquidem Sensoria nostra vi polleant sufficienti, ipsa, in quantitate, figura, motu, quin & colore forsan, Effluviorum quorundam, nunc visum nostrum fugientium, differentias aded dignoscibiles esse perceptura, ac oculi nostri in statu suo præfenti diversas Volucrum familias, putà Accipitres, & Perdices, & Passeres, & Hirundines, ex ipsarum formis & volatu

olatu dignoscunt. Ut hoc probabile reddam, urgere non lo, me in exili Arena
 alienti, cuius granula non solent, ab inermi oculo, sensibili ullâ qualitate distin-
 gui, sæpius observasse, insignis Microscopii adminiculo, notabilem quantitatis,
 figuræ, & ipsius quandoque coloris, disparitatem; neque illud, posse nos in *Acaris*
 caseariis, (quos oculus nullus vix potis est dignoscere, nedum ut ullam inter
 eos differentiam deprehendat,) planè videre (uti prægressâ Exercitatione tra-
 ditum) præter obviam differentiam magnitudinis eorum, partes complures,
 quarum respectu, *Mobilium* istorum *Punctulorum* fabrica discriminare eos ab invi-
 cem valet; nec illud denique, me vidisse subinde evidentem admodum, etiam
 quoad figuram, inter ipsa *Viventium* harum *Atomorum* (ut Poëta forsan eos vo-
 caret) Ova disparitatem: His, inquam, probationibus non immorabor, progressu-
 rus potius ad coniecturam meam ab *Effluviis*, propriè sic dictorum, in *Ani-
 malia effectis*, confirmandam.

Et primò quidem, licet Tactus habeatur unus ex quinque sensuum hebetio-
 ribus, inque Hominiibus longè quàm in compluribus aliis Animalibus censeatur
 stupidior; crassa tamen eius Organa possunt, in Hominiibus ipsis, etiam ex acci-
 denti, eo modo disponi, ut Effluviis impressionibus aficiantur. Hac de re
 in alio Scripto Exempla quædam trado. Nec scio, annon complura tempestatis
 præfagia, in Animalibus quibusdam observabilia, dolorisque illi, qui in homini-
 bus infirmis & sauciis præcurrere magnas aëris mutationes solent crebrè (non
 dico *semper*,) ex parte saltè, ab invisibilibus, attamen incommodis, oriuntur
 Effluviis, quæ vel ex partibus subterraneis, vel ex corporibus nonnullis supra
 Terram locatis, Aërem copiosè imprægnant. Quâ occasione præter rem non
 fuerit hoc loco commemorare, quod peritus quidam Medicus, Doctissimus, in-
 quam (nî fallor) *Dimmerbrookius*, de seipso tradit, cui cum esset peste correptus
 ab ægro quodam suo, periculose eâ laborante, quanquam Dei beneficio (quod
 diserte agnoscit) ex levis, sed opportunè adhibiti, remedii usu, brevè conva-
 lisset, idque sine tumoris ullius ruptura; eam tamen mutationem in quibusdam cor-
 poris sui partibus post se reliquit, ut memorabilem hunc locum subiungere: *Ab
 illo periculo, inquit, ad contagiosos mihi appropinquanti in emunctis successu
 dolor, vix fallax Pestis indicium.*

Duas trèsvè Observationes alias, eiusdem commatis, in alio quodam Scripto
 * meo invenies. Hic verò subiungam, notam mihi esse ingeniosam feminam,
 (celebris cuiusdam Medici uxorem,) tenerâ admodum & delicatâ tempe-
 prædita, quæ sæpius mihi asseruit, facilitè se cognoscere, num inviscentes eam
 tempore hyberno, veniant ex locis ubi copiosè sint nives; atque hoc ipsum se
 scire, non ex sensu frigoris inusitati (si enim solum sit congelatarum, non verò
 nive obductum, rem non sortiri effectum ait,) sed ex impressione quadam pecu-
 liari, quam capere se organorum odoratus adminiculo arbitratur. Adicere pos-
 sem, me nosse etiam (quod fortè iam ante Tibi commemoravi) ingenio va-
 lentem Medicum, qui mirâ quadam Febre correptus, adè exquiritum acutum-
 que inde nactus est Auditus sensum, ut submissos perbenè audiret susurros, qui
 ad

* De Suspicionibus Cosmici.

ad magnam satis distantiam edebantur, nec ullatenus ab iis, qui adstant bene valentes, percipiebantur, neque etiam à semetipso ante hunc morbum percepti fuissent. Quem morbum commemoro, ut rem illam notem, quæ Auditûs ipsius organis acumen illud præternaturale conciliaverat, cum à febre omnino liberatus, nonnisi pari cum aliis auditu polleret. Possem insuper narrare Tibi, notum mihi esse virum ingenio & dignitate insignem, qui, dum quodam Oculorum morbo laboraret, tale Visûs sui organorum acumen obtinuit, ut & eius amici & ipse apud me assereverint, valuisse se, noctu evigilantem, planè videre & discriminare colores, æquè ac alia obiecta oculis dignoscibilia; id quod aliquoties explorando fuit compertum, dum diversicolores teniæ aliâque corpora similia interioribus peristromatum lateribus affigebantur: Noctu quippe expergefactus, contubernali suo indicare valuit, quo loco corpora illa locata, quoque singula colore imbuta essent.

Exempla hæc attuli, ut Tibi ostenderem, siquidem magis Sensoria nostra vigerent, satis illa affectum iri ab obiectis, quæ, prout passim ista se nunc habent, nihil planè in iis operantur. Alioquin enim novi, Sonorum & Colorum (ut vocant) *species*, à Recentiorum compluribus, (à quibus ista in re non dissentio,) non tam corporeas *Effluxus*, per *medium* traiectos, quam peculiariora *Morû; localû;* per ipsum transmissi, genera censeri. Quare nunc confirmatum ibo coniecturam illam, quam tueri velim eâ, quæ aliorum Animalium fit organis, discriminatione Effluviorum eiusmodi, quæ humanum non visum modò, sed sensum omnem fugiunt. Quocirca, partim ut confirmem quæ tradidi, partim ut roborem ea, de quibus nunc disseto, præter rem non fuerit duas trêse subiicere Historias quas à viris fide dignissimis accepi, qui idonei ad quæsitis meis satisfaciendum mihi videbantur.

Vir quidam Nobilis, mihi consanguineus, narrabat mihi, se, ut exploraret, num catellus quidam sagax bene esset edoctus, iussit servum quendam suum, qui non necaverat, quin ne quidem tetigerat, Damarum suarum ullam, conferre se ad oppidum quoddam rurale, quatuor milliaria distans, exinde ad aliud oppidum mercatu instructum, tria milliaria porro distans; quo facto, hic Nobilis, mediocri dehinc exacto temporis spatio, canem illum sagacem indagando servo admovit, missis adhuc aliis servis qui Canem insequerentur, quin & ipso Domino, ut eventum cognosceret, eos omnes consecretante. Eventus hic erat, quòd canis ille, nunquam viso homine investigando, vi odoratus ad supradicta loca eum insequeretur, nil quicquam obstante hominum catervâ, qui ad mercatum eadem viâ ibant, nec itinerantium numero, qui viam eandem decussabant. Cùmque canis ille ad præcipuum oppidum mercatu florentem pervenisset, transivit per plateas nil quicquam eos curans quos ibi offendit, nec quievit, donec ad domum illam pervenisset, ubi vir ab eo vestigatus considerat, eumque in superiori quodam conclavi invenisset, omnibus mirantibus qui eum sequebantur. Huius narrationis particula Nobilis nostri coniux, antiquâ fide matrona, quæ fortè tunc aderat marito quando sumebatur hoc experimentum, mihi confirmavit.

Sciscitanti mihi virum quendam studiorum amantem, qui Vivarii Cervorum cultos

cultus erat, inque evocendis canibus sagacibus probè versatus, quanto temporis spatio post hominis vel cervi per graminosum locum transiitum, canis istiusmodi odoratu suo insectari eum valeret? Respondit, horarum sex septemve. Mox ingeniosus quidam amicus, fortè tunc præsens, dictoque viridario vicinum habens domicilium, asseveravit, instructum se esse veteranis canibus odoratu adeò sagaci pollentibus, ut, si Cervus aliquis pridie transisset per sylvam aliquam, valeant illi, prope locum odore illo imbutum pervenientes, post tantum licet temporis intervallum, odorem illum nox deprehendere, rectèque ad illam sylvæ partem, ubi Cervus hæreret, contendere. Idem adiecit, quanquam annosus canis sagax non valeat tam facillè cervi unius, qui statim inter totum se gregem abscondit, odorem indagare; si tamen venando eum insecteris, donec incauteris, vix canem de fore quin feram illam segreget, etiamsi gregem universum fueris insectatus. Idem quoque assererat, facillè se posse distinguere, Canesne ipsius insequerentur Leporem an Vulpem, idque se facere ex ipsorum cursu, altiorique natium sublatione, quando scilicet Vulpem, graviore odore insignem, insectantur.

Neque quis fidem his relationibus negabit, qui Exemplorum illorum nonnulla recogitaverit, quæ jam (in Exercitatione prægressa) de *mira* Effluviorum *Subtilitate* allata fuere; quibus nunc adiciam, si libere mentem, me, experturum possemne aliquo modo efficere ut Ars imitaretur Naturam, corpus quoddam ex substantia vegetabili parasse, quod, ut ut actu frigidum, visûque & tactu siccum, per aliquod tempus determinatas & penetrantes adeò, licet invisibiles, Exhalationes emittebat, ut, applicatâ à me, experimenti ergò, laminâ metallinâ (nec ea ex molliori genere) per horæ quasi minutum, deprehenderem, quod, licet nullus inter ea fuisset contactus immediatus, studio interpositâ à me ad eum impediendum chartâ impressâ tamen fuerit in superficie laminæ macula conspicua, illum ipsum colorem obtinens, quo corpus illud, cujus halicibus substantiam vegetabilem imbueram, aptum erat laminam mixti illius metalli inficere, Et licet verum sit, in circumstantiis nonnullis allata nuper de Canibus sagacibus Exemplâ insigniter præcellere ei, quod jamjam commemoravimus; illa tamen præcellentia multum minuitur, ne dicam, planè pensatur, circumstantiis quibusdam Experimenti nostri. Etenim, ne jam repetam, firmum & frigidum fuisse corpus Emitteus, effectus ille ab Effluviis, Canes sagaces dirigentibus, productus, operationem suam exercebat in sensorium Animalis vivi & calentis, cuiusque organa odoratus temperiei sunt inprimis exquisitæ præ organis Hominum aliorumque Animalium, erâque forsân nonnisi transiens illa impressio; cum in casu nostro invisibiles halitus substantiæ vegetabilis in ejusmodi operarentur corpus, quod texturæ erat adeò valide, & inorganicæ, ac est (compositum) Metallum, quanquam id ipsum charta ei circumdata tutaretur; quâ non obstante, tantâ copîâ illud invadebant hæ Exhalationes, tamque notanter, ut operationem earum manifestam oculis, nec non satis permanentem redderent; tertium enim post diem, ad inspicendam laminam reversus, etiamnum conspicuum reperiebam inductum colorem, nec probabilem qui subito evanesceret.

Hactenus in hoc *Capite* ex constanti fixaque sensibilibus, quæ Effluviis in usu Qualitatum differentia arguere fategi, ipsa non semper distinctas naturas suas amittere, quando in aërem evanescentia, periisse videntur. Verum priusquam hoc argumentum dimittam, discutienda mihi est quædam Obiectio, quam formari posse scio adversus opinionem quam defensum eo. Allegari enim potest, dari posse casus plures, in quibus Effluvia corporum, in suo per Aërem meatu, sensibiliter alterantur, organaque sensus aliter afficiunt, quam singula eorum genera sigillatim facerent: Neque planè absona est rationi hæc Difficultas. Satis enim convenit Experientiæ, tales casus esse admittendos; quocirca in sermone prægresso abstinui, ubi id opus esse censebam, à tam generali & absoluto loquendi modo, quem aliàs adhibere potuissem. At, quoad eiusmodi casus quos in medium attuli, & complures alios, nunc dico, non esse quoddam obstante alterationes obiectæ, quin Effluvia primo sui à corporibus, unde volant, secessu retinere tantum possint de corporum illorum indole, ac iis tributum à nobis fuit; cum subsequens mutatio probabiliter admodum deduci possit à combinationibus coalitionibusque halituum diversorum, sese in Aëre associantium, inque Sensorium operantium vel simul & iunctim, vel saltem aded propè, ut nequeat sensus operationes earum ceu distinctas dignoscere. Elucidare hoc ipsum, (non verò probare) conabor ex eo, quod accidit in Sonis & Saporibus. Si enim, *exempli gratiâ*, in Instrumento quodam Musico duæ chordæ ad *Oleam* tensæ simul plectantur, ferient illæ aures sono, qui censebitur unus iuxta ac gratus, quamquam tremementium chordarum unaquæque distinctum sonum edat, earumque una duplo celerius vibrentur alterâ. Tum si Oleo Tartari *per deliquium* iustam proportionem Spiritus Nitri infundas, exhalesque humiditatem superfluum, Acidæ & Alcalizata corpuscula, quæ aded exilia erant ut in liquoribus illis invisibiliter vagarentur, in nitrosas coibunt concretiones, quarum sapor ex utroque, Acidarum & Tartararum particularum, sapore est compositus, ac multum ab utroque discrepans; quæ tamen particulæ queunt, pleræque, distillatione peritâ, iterum dissociari. Similiter, si forti solutioni Cinerum clavellatorum Salivæ Tartari adieceris tantundem (pondere) Salis Armoniaci, quantum cuiusque fixorum istorum Salium continetur in illo liquore; poteris, præter subtilem Spiritum Vrinosum, qui facile elicitur per distillationem, obtinere siccum *Capiti mortuum*, quod ferè totum est Sal compositum, ab Ingredientium altero, maxime ab Alcalizato, sapore iuxta ac aliis nonnullis qualitativis satis diversum: Hoc ipsum Sal (sæcibus suis purgatum) est illud ipsum Sal Diureticum, cujus copiam ante aliquot annos Chymicis & Medicis quibusdam elargiebar, qui mihi, præter actas gratias, perquam felicem ejus, utur exiguâ tantum dosi, sex nempe, octo, vel decem granorum, vel ad summum scrupuli, quantitate exhibiti, successum exposuere.

Verum hoc in transcurso. Porro igitur, cum jam innuerim, me *Sonorum Saporemque* Exempla allatum, ad elucidandum à me nuper tradita; nunc Instantias quasdam subjungam, halituum in aëre Coalitum exorientemque mutationem *probaturæ*. Passum observare est in *Seris* quibusdam, ubi flores diversos com-

modè misceri contingit, in odore ab iis suppeditato ad justam distantiam, florum *particularium* odores non sentiri, sed organum *sociari* eorum actione affici, exindeque confusam, gratam licèt, in illo impressionem fieri. Similiter, *Musco, Ambra & Cibeto*, aliisque odoriferis, in magnate peritè commixtis, distinctorum ex his ingredientibus Effluviolorum, in suo per aërem meatu se associantium, coalitio unam in Sensorio *insidiat* parit. At si Spiritum capias Urinæ fermentatæ, & Spiritum Vini, utrumque phlegmate suo vestitum, eoque confusas, miscébuntur, vini & aquæ, aliorumve istiusmodi liquorum ad instar, nec ulla concreta sicca largientur. Si verò ipsa in vase commodo nonnisi leui Lampadis Balneive calori exposueris, particulæ subvectæ se associabunt, & superiori vasis parte adhærescent, in albi, sed delicatioris, Sublimati forma, quod ex Urinosis Vinosisque constat Spiritibus, in ejusmodi miscelam sociatis, quæ à liquorum alterutro non tantum consistentiâ, sapore & odore discrepat, sed & insignibus nonnullis operationibus, heteroclitâ hac mixturâ efficiendis, quas hoc loco nil attinet ulterius enarrare. Atque si Spiritus Salis & Spiritus Nitri distillatione subvehantur in halituum forma, ita scilicet ut in unum liquorem in Recipiente coeant, liquor hic potis est Aurum crudum dissolvere, quanquam nec Spiritus Nitri solus, nec Salis Spiritus id præstet.

Et ut oculis tuis subiiciatur probatio, Halituum in aëre Distinctionem & Miscelam subsequenter esse possibilem, Experimentum nunc subiiciam, quod jam dudum in eam rem excogitaveram, quodque paulò post compluribus viris curiosis ostendebam, quorum plerosque nonnihil id artonitis habebat. Experimentum erat hujusmodi: Duas capiebam parvas phialas; unam implebam Spiritu Salis, non adeò forti, alteram Spiritu Urinæ fermentatæ, vel Salis Armoniaci probè admodum rectificato. Hisce phialis ad aliquam ab invicem distantiam se junctis, nec obturatis, quisque liquor suum ipsius odorem ad distantiam insigniorem, halituum in aërem emissor, attamen invisibilium, beneficium, elargiebatur. At quando hæ phialæ (quas ejusdem oportet esse magnitudinis) propè admodum sibi invicem apponebantur, citra contractum tamen, fiebat equidem, ut, quemadmodum duo illi liquores, invicem confusi in liquorum forma, notanter in se mutuò agunt; ita respectiva ipsorum Effluvia, in aëre concursantia, pro exiguitate molis eorum, quid simile præstarent, mutuisque suis occurribus manifestè in oculos incurrerent, moverique in aëre, fumuli nebulæve ad instar, conspicerentur; qui fumulus mox cessabat, si phialatum alterutra ad unius vel dimidii pedis distantiam ab altera removeretur. Et memini, me aliquando, ut phænomeni raritas magis constaret, curasse, ut Spiritus Salis gutta imæ parti bacilli ejusdem vitrei, alteriusve corporis commodi appenderetur, guttâ hac hunc in modum pendulâ orificio phialæ immisâ, quæ Spiritum Salis Armoniaci continebat, longoque satis collo instructa erat, hac enim ratione fiebat, prout expectabam, ut subvectæ particulæ Urinosæ, licèt ante invisibiles, copiosè invadentes particulas Acidas guttæ, insignem fumum producerent, qui, si gutta tantillum super vitri collo teneretur, plerumque ad pedis vel semi ulnæ altitudinem fursum ferebatur; at si gutta illa profundius nonnihil mitteretur intra cavitatem

colli, magna producti sui pars sepius delabebatur intra cavitatem pharyngis, quæ magni sui parte relictæ erat vacua) quandoque formæ guttarum, plerumque vero specie stricti & nonnihil gyrantis se senti, albicantisque, quod de fluxu, haud aliter ac liquor, à pendente gutta videbatur, donec Salis Annoniaci spiritum contingeret, per cujus superficiem, nebulae ad instar, dispersebatur. Sed hæc nonnisi obiter. Quoad Experimentum ipsum, potest illud, ut ipse comperi, cum successu peragi, aliorum, præter hos, liquorum beneficio: At non attinet hoc loco Experimenta talia enarrare, quanquam fortè, si vacaret, operæ precium foret discutere, possintne hæc differentium in aëre halituum coalitiones, mutationesque, inde orientes, priorum Qualitatum particularium, juvare nos in investigandis causis plurium subitarum nubium nebularumque, & aliorum quorundam Phænomenum Meteorologicorum, nec non diversarum mutationum, quæ in Aëre contingunt, ortumque vel cessationem spectant plurium morborum vel Epidemicorum vel Contagiosorum (nominatim verò *Pestis*) qui originem suam occulte cuidam Aëris temperiei, additisque ejusdem alterationibus debere videntur. Potest quippe Aër diversis Subterraneis (ut dicam hoc loco, Sideralibus) Effluviis copiose onerari, quæ non raro, pestiferis aliisque morbificis corpusculis, quandoque verò aliis contrariis, sociata, in Aërem ascendunt, aliæque ratione eum invadunt; quorum fortè etiam aliqua nec deleteria nec salutaria per se, sed ex fortuito suo in aëre coalitu in alterutram indolem abeunt.

Censebis fortè meam hanc de halituum pestiferorum resultantia conjecturam minus improbabilem, si hic oppidè ratam illam Observationem subjecero, quæ habita crebrò fuit in Peste prius memorata, *Noviomagensi*, à judicioso illo Medico *Dimmerbroekio*; cujus hæc sunt verba: * *Illud notari dignum sapissime observavimus, nempe in illis adibus, in quibus nulla adhuc pestis erat, si linteamina sordida aqua & sapone nostrate [ut in Belgio moris est] illic lavarentur, eo ipso die, vel interdum posttridie, duos tresve simul peste correptos fuisse; ipsique agri testabantur, fetorem aquæ saponatæ illis primam & maximam alterationem intulisse. Hoc ipsum quoque in meo ipsius hospitio infelix experientia docuit, in quo, post lota lintamina gravem alterationem perceperunt plerique domestici, & proxime sequenti nocte tres peste correpta, ac brevi post mortua fuere. Præterea Exempli illa, quæ idem porro adfert ad mirum hoc phænomenon confirmandum; quorum alia fuit causa potest excogitari, quanquam illa, à me nuper assignata, videatur saltem probabilis, quin imò probabilissima; quandoquidem, uti patet ex quotidiana experientia, odorem, ex lintaminum sordidorum, sapone per *Belgium* adhibito, facta lotionem, Pestem non produci; ita ex doctissimi Authoris nostri observatione liquet, vel necdum præstò fuisse Effluxus ejusmodi pestilenciales in aëre locorum illorum, qui ex lotionum illarum occasione inficiebantur, vel saltem, ex fetidorum aquæ saponis Effluviis additione, particulas istas morbificas, ante per aërem dispersas, vim non habuisse malignam in aërem constitutionem introducendi, atque veram pestiferarum particularum indolem exerendi, donec à sua cum malè olentibus saponis Effluviis associatione vi illa imbuerentur.*

Possintæ

* TraQ. de Peste, l. 2. c. 3.

Possintne etiam Salutaria, & si vocare ita fas fuerit, Alexipharmaca corpuscula produci in aëre per Coactionem, investigatione nostrâ perquam dignum foret, præsertim si genuina nobis historia suppeteret de annua Pestis *Cairensis* in *Agypto* cessatione. Etenim, ut alibi ex doctissimo *Prospero Alpino*, Medicinam ibi olim faciente, notavi; uti etiam ab aliis, mihi familiaribus, qui U. bemillam inviserant edoctus fui, mediâ scilicet ætate circiter, ut primum assurgere incipit *Nilus*, * malignitatem Pestis deservire, etiam in iis qui cotrepti eâ jam fuerant, atque pauld post cessare; ita, si quidem aliæ circumstantiæ non adveniant, coniecte fas esset, mirum hoc *Phænomenon* ^{est} què oriri ex Nitrosis quibusdam aliisve corpusculis, exundantem *Nilum* comitantibus, dumque cum *Hippocrati* illis *κοιταὶ ἀποπνύει* se sociant, eas vi istâ eventibus, quâ aliis affectus suos perniciosos producere solent. Cui hypothesi apprimè congruit illud, quod à pluribus per *Agyptum* itinerantibus traditur, nominatim verd ab ingenioso concive nostro *Georgio Sandio*, qui notat, circa tempus exundationis *Nili*, (quem Nitro abundare etiam Veteres observaverunt,) humectantem quandam Emanationem per aërem diffundi. Ut probeur, inquit ille, † de exundatione *Nili* verba faciens, eam à causa naturali proficisci, unum hoc, ut mirum, verissimum tamen, Experimentum, assererit: *Cape Terra Aegyptiaca*, *Nilo* proxima, portionem aliquam, eamque cum cura asserva, ne vel humectetur vel ullam facias iacturam; quotidie eam pondera, nec invenies eam vel magis vel minus gravem ad usque diem 17. Iuncto quo die ponderosior esse incipit, augeturque proportionem augmen. i fluminis; unde infallibilem anciscuntur de *Diluvio* illius statu cognitionem; quod incrementum procul dubio ab aëris oritur humiditate, quæ omnia loca permeabilia perreptans, adeoque terra illi mixta, eam urget, prout ipsa augetur humiditate.

Halitus autem hosce sanativos producere effectus suos eo solum nomine quoddam sint humidi, vix autem Naturæ mystas abimatuos; quin potius existimabunt, eos esse tali indole præditos, ut suo cum morbificis corpusculis coalitu molent eorum augeant figuramque mutant, vel ex aëre ea præcipitent, vel agilitatem eorum præpediant, motumve pervertant; verbo dicam, vel omnes vel quasdam saltem Mechanicas affectiones, quæ corpuscula illa reddebant pestifera, destruant. Possent, inquam, vapores hos Antidotales (si ita appellare eos licet) affectus hosce exerere in eos, qui ante fuerant morbifici, posseque adeo ex duabus particularum familiis, quarum una valde noxiâ indole erat, sociatis, innocuam miscelam progigni, complura, quæ probabile id redderent, asserti hîc possent, nisi spes esset, quæ nuper allata à me fuere de Effluviorum Spiritus Salis & Uinæ [liquorum sibi invicem apprimè contrariorum] coalitione, nondum memoriâ tuâ excidisse.

Atque Experimentum illud, quo claudere me hanc Exercitationem oportet, fortasse Te inducet, ut possibile credas, vaporum illorum pestilentium, qui Aëre jam exierunt, hominumque corpora invasere quidem, at non nimium vitiavere,

F 3 maligni-

* Pestis, quæ enormiter hic sevit, ad primam fluminis intumesceniam subito cessat, adeo ut, cum quingenti moriantur *Cairi* pridie (quod rarum pluri non est), sani quippe cum infectis miscemur, cum mortem credam *salem*, agroti quæ defugere irreligiosum arbitrentur, } ne unus quidem moriatur pestridie; inquit *David andysia* suis *Itineribus*, lib. 2. † *Dr. Sandys* libro jamjam citato.

malignitatem ex Antidotarium harum particularum accessione plurimam debilitari. In illo enim Experimento reperies, Vapores in aërem à liquore inibi descripto, actu licet frigido, emissos, valuisse se ad corpuscula, quæ aliorum corporum, non magis quam sunt humana viventia, porosorum, interposito seclusa ab iis erant, sese porrigere, inque ea (Præcipitationis fortè beneficio) operari.

Utrum fumus Sulphuris, qui à multis celebratur facultate prædictus Aëris contagium arcendi, particulis suis acidis aliter enervet pestiferas, nunc inquirere non vacat; neque etiam, Utrum in *Hylinia*, paucisque quibusdam aliis regionibus, nulla animalia venenata gignentibus vel ferentibus, hostilitas illa, magnam saltem partem, ex peculiari indole soli oriatur, quod tum ex superficialibus tum ex additiis sui partibus corpuscula venenosus animalibus perniciose Aëri iungiter suppeditet? Atque alia quædam particularia, huc spectantia, in aliis meis Scriptis tradita invenies. Quare impræsentiarum paucis tantum indicabo, mecum, de industria, visibili & durante maculâ solidum corpus, nonnisi frigidiorum Effluviis ad miniculo, infecissem, alterius corporis halitibus invisibilibus frigidisque visibilibus in maculâ illius colore mutationem effecisse.

Er quoad alteram Conjecturæ partem, posse scilicet quandoque Meteora produci *Subterraneorum* Effluviis, quorum alii hanc naturâ determinatâ, alii illâ polleant, occurribus; possem, opinor, in rei illius favorem, complures afferre Instantias, quæ arguant, posse Aërem certis temporibus certisque in locis, diversæ admodum indolis halitibus copiose gravidari, idque talibus, ut non tam sit probabile, eos à calore Solis attrahi, quam ex regionibus Subterraneis, & ab ipsis interdum Mineralibus, sursùm amandari. Verum, quoad hujus commatis Exempla, ad aliud Scriptum meum * Te remittam, ubi ex proposito hoc Argumentum tractavi, & particularim ostendi, Quamvis passim Effluxus, defubter Terra oriundi, sint malè olentes, eos tamen tales semper non esse; adhuc, Exhalationes Sulphureas, etiam ex frigidis, & plerumque Aqueis, liquoribus emissas, retinere naturam suam determinatam in Aëre posse, congruentèque in ipsa etiam corpora Solida, quorum constitutioni Effluvia ista proportionata esse contingit, operari.

Verum una præstò est memorabilis historia, in illa Dissertatione prætermisâ, quæ aded ad rem præsentem facit, ut nefas ducam eam hoc loco præterire, maxime cum eam inveniam in Authore tam probato, ac est expertissimus Agricola, qui cum ex Veterum Annalibus allegasset pluvias albas rubrasque; quas illi, (per errorem, nò fallor,) Lacem & Sanguinem habuerint, verba hæc subiicit; * *Ut autem majorem fidem habeamus Annalium monumentis, facit illa res decantata quæ Patrum memoria (alibi Annum Christi exprimit,) in Suevia accidit; Aer enim ille stillavit, guttas, quæ lineas vestes Crucibus rubris quasi sanguineis imbebant.* Id quod ided allegare juvat, quia non modò rem probat, cuius gratiâ id affectus, sed & eò facit, ne nupera illa à fide dignis narrata historia de quodam in diversis regni

* Exerc. de Exhalationibus Subterraneis. † Agric. de Naturis quæ effluunt à Terra. l. 1. p. 136. Edit. prima. in 8.

regni *Neapolitani* locis, paulò post igneam *Vesuvii* eruptionem, Accidenti, habetur vel omnino Fabula, (uti complures id habuere,) vel *Prodigium* exemplo carentis, ut illi censent, qui id *Miraculosum* non credunt. Atque his adicio, minus fore improbabile, agiliaora corpuscula Salium, Sulphurum, & Bituminum Subterraneorum, posse in Aërem elevari, si aded fixum corpus ac est ipsa Terra reduci eò potest ut in aëre nater: De quo tamen idem hic Author suum ipsius, suâ fide, testimonium, præter Annalium fidem, perhibet, dum ait; * *Certe hic Kempnicii undecimum abhinc annum mense Septembri effluerunt imbres, sic cum terra inter commisti, ut eâ passim plateas, scilicet stratas, viderem conspersas.*

Atque ostensus Tibi, in quibusdam calibus, etiam Vegetabilium particulas non æquè citò in aëre perire ac inibi evanescunt, sed tenaces esse distinctarum naturarum in maiori, quàm quis crederet, à corporibus, eas copiosè emittentibus distantiâ, subiiciam: Ingeniosum quendam virum, in *Indias Orientales*, ut spectabile ibi munus obiret, profectum, & à me rogatum, ut in Itinere suo Observationes physicas in mei gratiam institueret, hanc inter alias notam mihi transmississe: Sibi nempe ad litus insulæ *Ceylonis* (Cinnamomi & fragrantium gummi copiâ famigeratæ) appropinquantibus, ventum, tum fortè à litore resiliens, advexisse ab Insula aërem omnino odoriferum, quanquam consplara milliarum (fortè viginti aut viginti quinque) à litore adhuc distarent. Neque fas erit hoc incredibile censere, eò quòd impar omnino hæc diffusio videatur ei, quàm alia ferunt corpora à Fluidis dissoluta; Sal quippe, *exempli gratiâ*, licet sit corpus efficax, possitque in copiosas admodum minutas particulas dissolvi, unam tamen Salis partem vix esseapidam in centum partibus Aquæ experimur. Ut enim organum tam crassum, ac est organum Tactus nostri, sensibilibiter afficiatur, requiritur passim in particulis lapidis magnitudo longè excedens eam, quæ in id necessaria est, ut corpora odoratui obiecta idonea reddantur: Atque, quod hic maxime est expendendum, magnum equidem discrimen est inter vinum illam, quâ pollet corpus, imprægnandi tenue ac subtile aded Fluidum ac est Aër, partibus aded raris laxisque constans, ac eam quâ id valet liquores tales imbuendi, qualis est Aqua ac Vinum, quorum ita constipatæ sunt partes, ut inde non visibiles & tangibiles modò, sed ponderosi efficiantur. Quâ occasione mentem subit, me curiositate motum ut experiret quousque dilui *sapidum* corpus posset, ut saporem suum non amitteret, comperisse, unam guttam, Chymicè paratæ, & ut *Aris filii* loquuntur, *Essentialis*, Olei Cinnamomi, Vino ope Sacchari ut par erat commixtum, determinatum Cinnamomi saporem retinuisse, etiamsi in Vini ferè quartarium, seu duas libras, esset diffusa. Unde, mediocri æstimatione factâ, colligebam, iuxta suppositionem communem, quâ gutta æquiparatur grano, unam partem Olei largitam fuisse specificum saporem Aromatis, ex quo fuerat elicita, quatuordecies mille partibus Vini. Quod Experimentum si cum eo conferas, quod non ira dudum de proportionem Salis notabam, quæ ad conciliandum Aquæ saporem salinum requiritur, facitè intelliges, permagnam esse posse, quoad vinum diffusivam inter particulas quæ corpora sapida reddunt,

* Agricola de *Natura rerum quæ à Terra effluunt*. l. 3. p. 263.

reddunt, differentiam: Id quod conferre ed potest, ut tum pars quædam *Capitis* primi Exercitationis prægressæ de Effluviis *Subtilitate* confirmetur, tum quod nupor tradebam, ut possibile esse ostenderem, posse scilicet *Vitrum Animoniale* copiam halituum vino Emerico impertiri, nec tamen videri, in bilance vulgari, sui ponderis quicquid deperdidisse; cum jam exploratum sit, unam levis aded corporis, ac est Oleum, guttam posse, non insensibilia Effluvia, sed corpuscula lapida quaratio ferè Vini communicare. At hoc solum non exhaust Experimentum nostrum; quandoquidem, præter innumeras ferè lapidas partes guttæ Animonicæ, communicatas Vino, ea ipsa exinde ingentem per aërem diffundebat particularum odoriferarum multitudine, quas tum Ego, tum alij, percipiebamus distincto Cinnamomi odore imbutas, quæque forsan Liquor ille potis futurus fuisset aromaticâ fragrantia inficere per, nescio quâ n, longum temporis spatium, si vacasset mihi Observationi huic tamdiu iminorari.

CAPVT V.

Tertius & ultimus modus, à me commemorandus, quo ostendatur Determinata natura Effluviis, sumendus est à consideratione Effectuum, quæ ab iis in alia, præterquam Sensuum nostrorum Organa, exeruntur; (de eorum quippe in Sensus nostris Operationibus *Cap. præcedenti* jam actum.) Etenim cum effectus illi, quos certa quædam corpora producant in alijs, Effluviis suorum beneficio, constantes sint & determinati, sæpiusque admodum discrepantes ab iis, quos alia Agentia Emissionibus suis in iisdem alijsque subiectis operantur, distincta equidem effluviis corpusculorum natura satis supérque colligi inde potest.

Fas nobis fuerit ex prægressâ de *Subtilitate Effluviis* Diatriba Instantias quasdam huc transferte, huic loco accommodatas. Etenim, temporaria illa stupefactio, *exempli gratiâ*, in pede Piscatoris ab Effluvijs * pitiscis *Amoreatim* producta, & ab Ingenioso *Pisone* tradita, manifestum facit, stupefacientes illas Emanationes peculiarem venenatamque retinuisse naturam, toto ipsarum durante meatu per calceum, tibiale & cutim, Pesci & nervosæ stupefacti pedis partis interposita. Et quanquam paucissima dentur alia corpora, minuta satis ut poros Vitri pervadant, pater ab Experimento ibidem recitato de Ferro oblongo Hermetice in fistula vitrea obfignato, Effluvia Magnetica Terræ peculiarem miramque suam retinere posse indolem eâ parvitate, quâ commoda redduntur ad poros Vitri liberè penetrandum.

Verum enimverò, ne vel repetam quæ Tractatu prægresso jam tradidi, vel præcipiam quæ dicenda habeo in sequenti, Instantias nonnullas hoc *Capite* allegabo, quas utrique isti subducere commodè licet.

Possè equidem complura venenatæ indolis corpora nonnullas tales exercere in alia operationes, Effluviis suorum per aërem transmissorum adminiculo, quales

* Vid. Exercitat. de Effluviis Subtilitate, cap. 4.

quales ea producere totâ suâ substantiâ assolent, probari sanè potest non multis quidem, attamen quibusdam Exemplis, quæ mihi apud Scriptores Medicos occurrere.

Doctissimus *Sennerius* * ceu rem notam observat, Pharmacopolarum tyrones profundo somno fuisse consopitos, postquam in *Opiatorum & Hypnoscicorum* liquorum distillatione naribus suis inspiraverant vapores à corporibus illis expirantes.

Scriptores de Venenis memorant, *Mandragora* radicem & succum Saporis lethargico haurientes dare. Et quanquam ejusdem Plantæ poma multò minus noxia habeantur, *Levinus Lemnius* † tamen narrat, se, cum in Musæo suo quædam *Mandragoræ* poma reposuisset, halitibus eorum adedò redditum fuisse somnolentum, ut vix excutere soporem posset; remotis verò pomis alacritatem pristinam recuperasse.

Inter omnia Venena vix ullum est, cujus *phenomena* sint, meâ quidem sententiâ, magis miranda, quàm quæ à cane *rabido* proficiuntur; hoc ipsum tamen venenum, quod corpusculâ requirere videtur indolis adedò heteroclitæ determinatæque, à Medicis traditur per Exhalationes fuisse transmissum. *Aretæus* memorat (prout doctus quidam Author neotericus eum allegat,) quod à *rabido cane*, qui in faciem, dum spiritus adducitur, tantummodò inspiraverit, & nullo modo momorderit, in rabiem homo agatur. Et narrationes præstò sunt apud Medicos de Animalibus, qui *rabiosi* fuere redditi ex comestis partibus excrementisve Animalium rabiosorum. Ita *Calinus Aurelianus*, * qui scribit, in rabiem actos fuisse quosdam, non quos momorderat ore, sed ungibus tantùm vulneraverat canis rabiosus, narrat etiam de viro, *Hydrophobiâ* correpto (qui intensus est *Rabiei* gradus, adhibitisque à scriptorum veterum nonnullis ad Morbum illum significandum,) sine mortu canis rabidi, sed infecti solo odore ex *rabido cane* attrito. Qui odores in hac aliisve Venenorum historiis mihi non sunt mera *species* Scholastica, sed examen Effluviorum, quæ plerumque vel omnia vel aliqua odorem de se spargunt. Et quanquam jure misum videri multis possit, rabiosi canis venenum aliâ communicari ratione quàm mortu, qui unicus esse modus supponitur, quo inficere is valet, minus id improbabile videri poterit, quoniam *Matthæus de Gradibus* viri alicujus mentionem facit, qui post dies bene multos infectus deprehendebatur, ex eo duntaxat quod manum suam rabidi canis ori immiserat, qui cum non mordebat. Et antè memoratus *Matthiolus* narrat, vidisse se duos, qui acti in rabiem fuerant absque ullo vulnere, ex sola rabidi canis spuma, eos fortè fortunâ oblinente.

Sennerius § ipse de quodam Pictore sibi noto affirmat, cum apertâ capsulâ, in qua inclusum diu asservaverat *Realgar*, ut vocant, noxium fossile, subinde à Pictoribus adhibitum, nec ignotum Chymicis, adductisque infeliciter per nares halitibus ejus, correptum fuisse capitis vertigine & deliquis animi, totâ etiam facie ejus intumescens, quamquam haustis Antidotis periculo se subduceret.

G

Complura

* Lib. 6. par. 7. c. 1. † In Explicat. *Megharum Bibliothecæ* 15. 2. * Lib. 3. Acutior. Morbor.
§ *Senn. lib. 6. 2. 5. p. 2.*

Complura alia Exempla nobis in Medicorum scriptis occurrerunt, quæ jam traditis adiacere superfedeo, cum, ut verum fatear, admodum de veritate eorum dubitem, ut ut quorundam ex iis Scriptores famâ inclauerint. De cætero, plerumque rerum, jam ex Authoribus fide dignis traditarum, probabilitas confirmari ex eo potest, quod in ulteriores distinctæ Effluviolorum naturæ probationem nunc subiectum eo. Ea verò insigniter evincetur, si Medicamenta, quæ benigniori magisque familiari, quàm venena, sunt indole & operatione, potius fuerint in quibusdam casibus retinere, in particulis suis invisibilibus in Aëre vagantibus, eandem (quamvis non tantam) vim purgandi, quâ pollere noscuntur quando totâ substantiâ hauriuntur ore. Hac de re alibi, aliâ occasione, Exempla quædam tradidi; quibus nunc adiciam, notum mihi esse Medicinæ Doctorem, qui passim purgatur Electuarij cujusdam Odoribus Halitibusve, cujus operatio Cathartica, quando substantiâ suâ hauritur, nonnisi esse languida solet. Alius, mihi familiaris Medicus, cum magnam Radicis Hellebori nigri copiam diu curasset tundi in mortario, plerique eorum qui in conclavi illo erant, inprimis verò ipse Tunsor, eo ipso fuere purgati, eorumque nonnulli satis vehementer. Et Doctissimus *Sennerius* alicubi affirmat, ipsum odorem *Colocynthis* in quibusdam esse purgativum. Nec prætereundum est silentio, in canibus à me commemoratis Exhalationes Occultis qualitatibus præditas, (Catharticonum quippe medicaminum qualitates talibus accensentur,) in aërem ascendere, nec tamen calore externo è corporibus, quibus incrant, expelli.

Et si hoc loco Exempla allegare vellem Operationum Effluviolorum ejusmodi, quæ non migrant in Aërem, operantur tamen solo externarum corporis partium contactu, afferre Instantias possem non *Purgantium* duntaxat, sed *Emeticarum* qualitarum in Medicamentis quibusdam, citra haustionem ore factam, citrà injectionem Instrumentis peractam, operantium.

Sunt & alia, præter hæcenus tradita, Exemplorum genera, quæ determinatam arguunt indolem in Effluxibus quorundam corporum in aërem trajectis. Probatî Authores narrant, Vmbra arboris *Juglandis*, foliosæ, vehementer lædere caput, adiaciuntque magnæ noxæ instantias, quæ exinde pullulaverit. Et quanquam ipsa Vmbra, quâ talis, malorum adeò effectuum probabiliter rea non sit, vicinæ tamen Plantæ Effluvia noxiâ satis esse capiti possunt. Ego enim, qui novix istius indolis opinione præoccupatus non eram, proindeque citra hæsitacionem ad luglandium umbram in æstuantibus regionibus me recipiebam, experientiâ adductus fui ut crederem, posse eam aliis inferre Cephalalgiam, cum eam inferret mihi, qui, Dei beneficio, patum eram, atque etiamnum sum, illi malo obnoxius. Atque hoc in mentem mihi revocat Observationem, in quam inter ingeniosos quosdam, qui Americam permeaverant, viros incidi, qui passim omnes observant, quodam Concive nostro speciatim idem norante, de venenosa Arbore *Manchinello*, non modò ab esu fructuum plantarum venenatarum abstinere volacres, sed & quasdam earum ne quidem insidere arboribus ejusmodi velle. Id quod ea de causâ memoro, quòd probabiliter eas Natura noxiâ quodam odore aliòve halitu, advolantes aves, offendente, doceat tales arbores devitare. Et
m emini,

memini, quosdam ex Navigatoribus nostris regulam hanc iis, quibus forte appellere contingit in Insulis littoribusque incognitis, præscribere, licere scilicet circa periculum iis suæuam partibus vesci, quas illi perceperint Volucres, seu benignas Prægustatrices, prius admordisse.

Nicolaus Florentinus (à *Sennerto* citatus) narrat de *Lombardo* quodam, cum, cum in domo quadam, cuius nomen addit, in urbe *Florentia*, ingentem araneum nigricantem ad flammam candelæ tam incautè cremasset, ut halitus illius suis naribus attraheret, mox vehementer fuisse perturbatum, inque deliquia animi prolapsum, totaque nocte sequenti circa præcordia perquam male affectum pulsuum adèdè languido ut vix percipi ullus potuerit: quanquam postmodum Theriacæ, Diamosci, & pulveris Zedoaræ beneficio fuetit restitutus.

Mentem subit, me aliquot abhinc tetrè annis, cum essem in *Hibernia*, planam aliquam (quibusdam regionis illius locis peculiarem,) quam incolæ *Macbny* vocant, decerpisse, idque ob miras traditiones quæ de ea circumferuntur, quarum præcipuis non subesse verum experiundo deprehendi. Exploratum tamen habens, satis miras & violentas esse ipsius operationes, lubens obsequabar primario Medico illius regionis, qui, ut ipsi modos quosdam eam corrigendi proponerem, rogabat: Dùmque ipsi exponerem unum, qui requirebat illius contusionem, narrabat mihi eà occasione, se, Extractum ejus cum Aceto confecturum, iussisse servum suum, ut eam probè in mortario contunderet; quod cum exequi incepisset servus, ipsum mox obsequii sui pœnitentià ductum fuisse. Et Medicus ipse, quamvis in mediocri distantia constitutus, adèdè sensit corpuscula in aërem inde emissa, ut caput ipsius, inprimis verò facies, ad enormem deformemque molem intumesceret, tumore illo ad insigne temporis spatium durante.

Non vacat multa alia Exempla afferre Determinatæ naturæ Effluviorum scilicet exilium quæ per aërem vagantur; nec opus fortasse id fuerit, dummodò revolvere tecum placuerit hæc duo quæ nunc subjungam. *Primum* est, multa corpora odoriferæ sunt *Ambræ, Musci, Cibetum*, &c. quemadmodum totius substantiæ suæ adhesionem suffraginare potis sunt Pelles, Linteamina, &c. sic progressu temporis fulsere corpora quædam ad recipiendam actionem eorum disposita, licet ab iis longius distent. *Alium*, in Febribus pestilentialibus, pluribusque aliis morbis contagiosis, putà Peste, Variolis, vel Morbillis, eundem Determinatum morbum inficere sanos, non immediato dumtaxat infecti hominis contactu, sed & citra eum, solo nempe halituum contagiosorum interventu, qui ex corpore ejus in aërem dimanant. Atque his ita enarratis, quæ à Te expendi velim, claudam hoc *Caput* Experimento, quod fortasse magnam ejus pattem non leviter consistinabit.

Mecum igitur revolvens, quem possem optimum excogitare modum, quo ostendere in oculum, Effluvia citra calorem evecta, & per aërem volitantia, & retinere suam indolem posse, & effectus producere in determinata corpora, quos è vulgo Philosophus qualitatibus Occultis adscriberet; recordabar, deprehendisse me per Experimenta, (aliis consiliis peracta,) Volatilia Sulphureaque

ſalia ita operati in Acida quædam, *Mercurio* ſublimata, ut mirabilem præducerent diverſitatem Colorum, inprimis verò colorem Attramentofum; quæ de cauſa probabile judicabam, inſtituto meo ſatiſfactum ici ſequenti Experimento.

Capiebam unciam, & amplius, volatilis iſtius Tincturæ Sulphutis, qualem alibi * Te docui, conſciendæ ſcilicet ex Calce viva, Sulphure & Sale Ammoniaco; cùmque concludebam phialâ, duplicis ſaltem illius quantitatis capaci. Tùmque acceptâ papyro, cui aliquid inſcriptum fuerat atramento viſum fugiente, eam ſex unciarum ſpatio à phiala ſepoſui, quæ, deobrutata cùm eſſet, incipiebat, admiſſo aëre, albicantes fumulos in ipſam emittere, quorum beneficio; quod chartæ inſcriptum erat, nequicquam obſtante ejus à liquore diſtantiâ, mox ſeſe legendum præbebat, quanquam non ita ſubitò planè ac ſi charta, eodem liquore limpidò conſcripta, ad eandem diſtantiâ *directè* ſuper oriſicio phialæ teneretur. Cùmque aliquot mundæ papyri ſchedas conſcribi curaviſſem, idque novo calamo rincto in liquida ſolutione Sublimati factâ in aqua, volupè erat viſu, aliquas ex literis nonnullarum ſchedarum, ad commodam à phiala diſtantiâ poſitarum, factas fuiſſe planè legibiles, hæſque magis, illas verò minùs nigras, pro varia earum à liquore fumante diſtantiâ, aliarumque circumſtantiarum diverſitate, apparuiſſe. At magis mirandum erat, me quædam ex ſchedis illis, licèt latere illo, quod conſcriptum erat, averſo, *directè* ſuper phialæ oriſicio tenente vel collocante, quanquam contentus in ea liquor aliquot pollicum ſpatio eſſet oriſicio inferior, latentem tamen literas non modò factas fuiſſe legibiles, ſed conſpicuas, ſpatio quartæ partis minuti horarii, accurato horologio, rei ejuſmodi apto, menſurata, experimento pluries repetito. Atque, uti obſervanti eſt obvium; in quibuſdam circumſtantiis Liquorem fumantem ſolutionemque Sublimati Præcipitarum mirum producere, argentei propemodùm coloris; ita in Experimentorum noſtrorum uno alteròve invenimus colorem ſimilem, à liquoris illius halitibus productum in aliqua Attramenti illius excoloris portione. Neque adeò neceſſum eſt liquorem adhibere viſibiliter fumantem ad liquorem inviſibilem in diſtantiâ denigrandum. Etenim in eam rem, felici ſucceſſu, non paritamen cum eo, quod jam recitavi, binos liquores adhibui, quibus nec Sulphur, nec Sal Armoniacum, nec Sublimatum inerat.

Quæ alia Experimenta peregerim Volatilis noſtræ Tincturæ ſulphuræ beneficio, hoc loco commemorare nil attinet: Unicum duntaxat Experimentum, quod fortaiſſe mitum ſatis Tibi videbitur, non omittam, quia non confirmabit modò Experimenta prægreſſa, ſed & magnam partem Exercitationis præcedentis, oſtendendo ſcilicet inſignem Subtilitatem & vim penetrativam Effluviolorum, quæ potiùs languidè emitti, quàm agilitè evibrari videntur.


Poſtquam igitur chartæ alicui aliquot literas ſoluto Sublimato inſcribi curaviſſemus, complicaviſus chartam hanc, conſcripto latere introſum verſæ, eamque incluſimus medio ſex foliorum chartæ, ſuprà ſe invicem poſitorum,

non

* Liqueur hic memoratus idem eſt, quondam ſummi cum eo, qui ab Authore hoc deſcribitur de libro, ejus de Coloribus, Experimento.

non verò intra se invicem immisforum, ad formam insuper Epistolæ ordinariæ complicatorum, ut marginibus chartæ includentis intra se invicem insereris, non possent fumi in chartam conscriptam nisi folia ipsa penetrando perungere: Hoc facto, illud fasciculi latus, in quo commissura nulla erat, & cui, si deberet aliquid transmitti, Inscriptio esset appingenda, phialæ orificio superponebatur, quod (ut jam antè monitum) aliquot pollicum spatio superficiei liquoris superius erat, ibique per minuta decem, relinquebatur; quibus elapsis, cum chartas tollerem aperirèmq; invenimus, hactenus folia omnia, cui conscripta inclusa fuerat, pervasisse. Esti enim folia non apparebant decolorata alteratave, antè latentes tamen characteres conspicui erant.

Non suppetit mihi otium disquirendi, an & quousque juvare nos Experimentum hoc possit ad quosdam Tonitruum effectus explicandos, vel etiam in explicando mirabili illo *Phænomeno* (in priori Capite delibato) quod nuper in Regno *Neapolitano* accidisse perhibent, post ingentem illam Eruptionem *Vesuvii*, quam dicunt exceptam fuisse Crucium antehac inemoratarum apparitione, quarum nonnullæ in interioribus lineamentis, cum cura plicatorum, partibus deprehensæ fuerunt. At de his aliisve hujusmodi nunc dissetere non vacat, possint scilicet ab Experimento nostro quicquam desumi, quod aptè queat ad explicationem eorum adhiberi. Qua de causa nil amplius adjiciam, nisi quoddè deinceps, ulteriori Experimenti gratiâ, librum accepimus impressum, qui tum forte ad manum erat, quemque instituto nostro præ aliis aptum judicabamus, eò quoddè folia ejus, lata cum essent, commodius possent chartam parvam, in eorum medio collocandam, à laterali Exhalationum accessu præmunire. Insertâ itaque libro huic chartâ illâ, eoque orificio phialæ appposito, quanquam duodecim omninò folia iis interposita essent, literæ tamen illæ, quibus contingeat omnium directissimè collocari, atramento redditiæ fuerunt brevi trium [ad summum] minorum spatio; quavis liquor ille tamdiu fuerat asservatus, totiesque faciendis Experimentis deobturatus, ut probabile sit, cum permultas ex maximè spirituosas adeoque penetrativis particulis suis perdidisse.



EXERCITATIO

DE

INSIGNI EFFICACIA

EFFLUVIORVM.

CAPVT I.



VI in rebus naturalibus æstimandis negativæ sensuum suorum informationi, Ratione non ut par est consultâ, nimium fidere solent, parvam admodum, levemque tantum ut plurimum habent de potestate & efficacia *Effluviorum* opinionem. Imaginantur verò ejusmodi minuta corpuscula (si talia esse concedunt) quæ maximam partem haud apta sunt ad agendum in tenerrimum agillimumque sensum, *Visum*, nullam in alia corpora notabilem operationem habere posse. Sed enim hunc errorem ejusmodi esse reor, qui, quemadmodum minimè Philosophos deceat, ita non parùm officere, cum ipsi Philosophiæ, tum fortassis etiam Medicinæ poterit. Quare etiamsi instituti mei natura impræsentiarum id non exigeret, argumenti tamen momentum me invitaret ut ostendam, æquè malè fundatam ac nocivam esse hanc Suppositionem.

Re autem verâ, si subiectum hoc attentè consideremus, possumus observare; Quamquam verum sit, *cæteris paribus*, corporum magnitudinem, plurimis in casibus, contribuere huic ipsorum in alia operationi; tamen, cum materia vel corpus, in præcisâ suâ natura, sit iners & motûs expertus subiectum, massæ partem unam agere in aliam non nisi ex locali ejus motu, cujus operationes facilitantur, diversificanturque per figuram, molem, statum, texturam, cum Agentis, tum Patientis. Quare, si corpuscula, etsi admodum minuta, satis numerosa sint, debitumque motûs gradum obtineant, hæ quoque particule, præsertim aptè conformatæ, quando eas contingit corpori occurrere, quod texturæ suæ congruitas disponat ad eas poris suis admittendas, ipsarumque seu amicis seu hostiles impressiones recipiendas; talia in patiente possunt operari, qualia visibilia, multoquæ crassiora corpora, at minùs convenienter & conformata & mota, omnino inepta essent in eodem corpore efficere.

Et quod minori me cum difficultate asserere sinas, corporum Effluvia, utcumque minuta, eximia præstare posse, observem liceat; sex saltem esse vias, quibus corporis Effluvia notabiliter in aliud possint operari: 1. Magno emissorum corpusculorum numero; 2. Penetrante & pervadente naturâ suâ; 3. Celeritate aliisque motus sui modificationibus; 4. Congruitate & incongruitate molis & conformationis ad corpora in quæ debent agere; 5. Motibus unius partis in aliam, quos excitant vel inducunt in corpore in quod agunt, pro structuræ ipsius ratione; & 6. Aptitudine ac vi quâ facere possunt ut magis Catholica Univerſi agentia ipsa adjuvent. Quamquam verò sufficienter fortasse probari queat, multos esse casus, in quibus corpus, quod particulas emittit, in aliud corpus notabiliter agere possit, hac vel illa è singulis rationibus modò à me recitatis; passim tamen res magni momenti perficiuntur duorum pluriùve ad eundem effectum concurrentium societate. Quare cum in sequenti scripto Instantiam aut Phænomenon ad ullum è supra memoratis Capitibus refero, velim intelligi, me pro primario illud Capite duntaxat habere, ad quod præcipue illa instantia refertur citra exclusionem reliquorum.

CAPVT II.

HÆc verò velut concessa assumens, quæ sicut spero sufficienter in priori Tractatu de *Subtilitate* Effluviotorum probata sunt; faciliè concessum iri autumem, corporis emanationes perquam minutas esse posse; undè rectè inferri queat, parvam materiæ portionem, magnam ipsorum emittete multitudinem posse.

Magnum autem agentium numerum, multis in casibus ipsorum compensare parvitatem posse, tum præsertim, cum per *modum unius* agunt (ut loquuntur,) fortasse faciliùs concederetur, si eam in rem aliquæ familiares instantiæ animadverterentur.

Non solum leviores illas terrarum Eluviones, quæ vicinos operiunt campos, sed eas quoque, quæ integras regiones submergunt, formidandas inundationes fieri videmus à corporibus singulatim ita minutis ac sunt guttæ pluvix, quando adeò confertim decidunt, ut *Nimbus* faciant. Similiter talium minutorum corpusculorum aggregata, ac sunt atenæ grana, simul sufficienti numero cumulata, breviter efficiunt, in quæ maximæ naves interdum impactæ confringuntur, quinimò pluribus in locis ipsi mari limites ponunt.

Et quamquam pulveris pyrii granum unum alterumve aut tertium, non eam habeant vim, ut multum noceant; duo tamen vel tria ejusmodi granotum dolia inflammata satis sunt ad naves ac domos dissipandas, resque prodigiosas efficiendas.

Sed ejusmodi instantias à parvis quidem, attamen visibilis molis, corporibus suppeditatas, multiplicare desinam, quamprimùm indicavero, ipsas memoratas pluvix guttas consistere ex confluentibus vaporum multitudinibus communiter

in ipsatum ascensu invisibilibus; conabórque propositum ostendere duabus tribúsve instantiis ex *Invisibilibus* particularum operationibus deductis.

Ac prius, quanquam Aquei vapores omnium, inter Effluvia nobis cognita, imbecillissimi ac minimè *efficaces* reputentur; attamen cum pluvie tempestate, ipsorum multitudo per aëra dispergitur, exindeque ad agendum in corpora pluvie objecta disponitur, rum ipsorum operationem valde esse notabilem videmus, non in salibus modò dissolvendis, quales sunt Marini, Tartarci, &c. atque in putrefacientibus mutationibus; quas in corporibus plurimis producunt; verùm etiam in ea, quam in quercinis aliisque solidis lignis faciunt, intumescencia; difficultate illà teste, quam in aperiendis claudendisque foribus, pixidibus, arculis aliisque ligneis fabricis, cum imminente pluvia, tum pluyente cælo, sæpè reperimus; tamen si alioquin eæ fabricæ facili motu, ob aptas idoneasque sibi confirmatas cavitates, priùs aperirentur.

Illud quoque possem urgere; Chelium aliorumque Musicorum instrumentorum chordas, etsi satis firmas ad magna pondera sustinendas; tamen si penitus tensæ (ut sæpè fit) relinquuntur, superveniente humida tempestate non sine imperu sonitúsque distrumpi. Sed magis ad meum faciet scopum, si hac occasione, quod alias fusiùs annotavi, commemoravero: Cupidus scilicet experiendi quid multitudo aqueorum vaporum posset, extremo funi, longo quidem, sed non crasso, trochleæque ex parte sustentato, plumbeum pondus sic appendi feci, ut humum non tangeret; cùmque ponderi sat temporis ad extendendum funem quantum posset datum esset, humente tempestate animadverti, aqueas particulas, invisibiliter in aëre abundantes, sic in funem egisse, cùmque sic contraxisse, ut is appensum pondus centum circiter librarum, si rectè memini, elevaret.

Invisibiles vapores è pareti cubiculi, gypso vel calce recens inducti, effluentes, non iis sensibiliter nocivi sunt, qui in transitu duntaxat illud visunt, vel tantillo temporis spatio in eo morantur, etsi carbonum ligneorum foco instructus sic caminus: Verum tamen multas habemus instantias eorum, qui vel una nocte in ejusmodi locis cubantes, sequenti die, aut etiam citius, multitudine noxiorum vaporum, qui eo tempore effluerant, suffocari fuere.

Atque huc ad rem esse arbitror illud observare; nimirum, magno nobis adiuumento fore ad multitudinem Effluviolorum animadvertendam, magnùmque ab illis effectum expectandum, si consideremus, ea non una vice confertim è corpore ea suppeditante emitti, sicut globuli è bombardâ grandinatim eiiciuntur, sed tanquam ventos vaporosos ex Æolipila probè calfacta emanare, aut tanquam aquas è fonte, continuatâ scaturigine, ubi recentes semper particulas unæ alteris succedunt; adeò ut, etiamsi tot effluvia corporis, quot uno cinitti tempore possunt, sat forent numerosa ad agendum in superficiales duntaxat ejus partes, nihilominus sequentis minuti emanatio, paulò penitiùs intrare possit, & minimis quibusvis temporis particulis talia supplementa suppeditantibus, & fortasse vapores jam introgressos urgentibus, particule tandem in perimultos invasi corporis poros intrare, adeoque in penitissimas pervadere partes queant.

CAPVT III.

Pergo nunc ostendere *secundo* loco, subtilem atque penetrantem Effluuiorum naturam, suâ multitudine, multis in casibus, cooperari posse ad insignes effectus producendos. Effluvia verò penetrantis admodum esse naturæ, compluribus evincere exemplis possumus, quamquam nunc quidem cur ejusmodi fiat haud inquiramus. Non solum enim *Aque fortis Spiritusque Nitri* invisibiles vapores utplurimum exiguo tempore & loco frigido sic penetrant subtera, quæ vitra illa, quibus continentur, obteurant, ut ea in flavam pulvem redigant; sed ipsæ quoque *Mercurii* emanationes, interdum instar coagulati aut fluentis Mercurii, in capribus ossibusque eorum qui inaurant, vel Venerea laborant lue, si diutius vel imprudenter illius expositi fumis fuerant, repetæ fuerunt, licet nunquam Hydrargyrum in crassa sua substantia per os hausissent. Ac nimium sæpè Chymici reperiunt, in suis Laboratoriis, Sulphuris, Antimonii, Arsenici, aliorumque diversorum mineralium fumos efficere, ut ii vacillent ac fortassis etiam cadant, qui absque debita cautione vasa lutant, quibus ea distillantur sublimanturve. Cujus equidem rei complura exempla, sanè tristia, mihi suppetunt. Atque de ipsorum fumorum *Animalium* vi penetrativa persuaderi facile possumus, si consideremus, quam citò tempestate pestilenti, contagiosas, quamquam invisibiles, exhalationes cor pervadant, aliæve internas partes inficiant. Tamen autem in pluribus horum casuum ad contagionem invehendam adiuvet sanguis, tamen antea particulas morbificas ingredi corpus oportet, quàm sanguinis inficere Massam queant. Ac in iis quæ eminus à *Torpedine* inferuntur stupefactionibus, quæ præcipuè partes afficiuntur, ex nervosæ sunt, cum manus, tum brachii; quæ quidem eorum membrorum & intimæ sunt partes & munitissimæ. Spiritus quoque *Salis Armoniaci* Egomet ad olfaciendum conficio, cujus invisibiles fumi, calore haud excitati, adeò penetrantis naturæ sunt, ut non modo nates, oculos, guttura, sæpè quoque stomachos eorum quos pervadunt (absque tamen Emetica facultate) potenter afficiant, sed etiam cùm olfaciendi organa sic obstructa essent, ut neque suavis neque foetidis afficerentur odoribus, ii penetrantes fumi & paululo momento sibi viam fecerint, & meatus sic aperuerint, ut paulo post alias etiam res æger olfaceret. Eodémque penetrante Spiritu, Viro cuidam Illustri non ita pridem restituta est olfaciendi facultas, quam multis ante annis amiserat, si tamen unquam præditus eâ fuit pari cum cæteris gradu. Atque ejus generis exempla quàm facile memorarem, nisi ad alium locum pertinerent. Unum hic addam; nimirum, ipsius aquæ calidæ vapores ad texturam etiam durorum solidorumque corporum, quæ salini esse generis haud suspecta sunt, solvendam esse idoneos. Id verò ex Philosophica [ut Chymici loquuntur] calcinatione apparet, quâ solida cornu cervini frustra in pulverem facile friabilem rediguntur, super aquam suspensa, dum eorum vapores ascendunt in distillatione, & circa fornacis adiumentum. Quæ communiter in aëre natae, ac singulis

ferè noctibus decidunt exhalationes, formâ roris, (unde aqueæ esse judicantur,) in compluribus *Zona Torrida* locis adèò penetrantis naturæ sunt, quemadmodum ab oculatis testibus didici, ut sæpè & cultros & enses in vaginis, exigua quoque horologia in suis capsulis inficere rubigine valeant, nisi in loculis usque contextæ circumferantur. Quin etiam in ipsamet *Anglia*, complura vidi corpora dura, in quæ vapores in aëre natantes ita penetrarunt, ut ea penitus friabilia efficerent.

Verùm enim verò tot instantias, pluribus in locis, Effluviolorum penetrationis exhibui, ut plures hic addere haud fuerit necessum. Quare ut ostendam (sicut antea jam à me in hujus Capituli principio indicatum est,) Effluviolorum penetrandi vim ac *multiendinem* se invicem posse multum juvare, subjungam nunc; Non debere ut plurimum Effluvia à nobis considerari, tanquam corpusculorum examina, quæ exteras tantùm corporum, quæ invadunt, partes diverberent; sed tanquam corpuscula, quæ cum propter magnum & crebrò instaurarum ipsorum numerum, tum etiam propter extremam partium exiguitatem, se ipsa densis copiis insinuant in minutos, quæ invadunt, corporum poros, ac sæpè in maximè intimas ipsorum partes penetrant. Ergo, quamquam unumquodque singulare corpusculum ejusque distincta actio parvi sit momenti, habitâ ratione multitudinis partium, corpus, in quod agit, componentium; attamen, parvorum horum agentium multitudine simul operante in correspondentem, minimarum corporis, quod pervadunt, particularum numerum idonea esse possunt, ad potentes effectus in illud corpus quod ex ejusmodi partibus constituitur peragendos. Id quod ex eo, quod superiori Capite memoravimus, est manifestum. Neque enim funis probabiliter ad tantum pondus elevandum aptus fuisset, etsi ventus pervehemens eum adflasset, cujus impulsu perpendicularem amisisset rectitudinem; at vasta aquearum particularum in poros funis gradatim intrantium sicut innumerabilium cuneolorum multitudo, adèò dilatare poros ejus posset, ut fila vel taleolas cannabis, ex quibus conflatu erat funis, iustumescere faceret, idque tanta vi, ut appensum pondus funis abbreviationem haud posset impedire, adeoque necesse esset idiplum exinde elevari. Sæpius autem quàm semel egomet cognovi solida graviâque mineralia corpora in frustra distracta fuisse ab aëris humiditate, quamvis ea domi probè à pluvia munita asservaremus.

C A P V T IV.

Celeritatem verò motionis perminutorum corporum, præsertim suis multitudinibus conjunctorum, posse res perquam notabiles efficere, ex miris argui potest effectibus accensi Pulveris pyrii, Auri fulminantis, Flammæ, invisibiliter corpora, in quæ agunt, tangentium, necnon Turbinum invisibilium exhalationum, aliarumque aëtearum particularum quos Ventos appellamus. Sed quoniam hujus generis Instantiæ ad præcipuum hujus tractatus scopum non faciunt, haud iis innotabor; subjungam autem alias, quæ quamquam per se minis.

minùs notabiles sint, magis tamen erunt præfenti instituto congruæ.

Corpuscula ex quibus odores constare, ultro citròque in aëre ceu in fluido vehiculo natæ, à plerisque, ut equidem reor, conceditur, nec difficulter probatur. Verùm alibi ostendi, motum Effluviarum ex quibusdam satis odoratis corporibus expiratorum nimis lentum esse ad sensibilem in odoratus organa impressionem faciendam; nisi vapores illi ad nares majore vi ferendas adjuventur ab Aëre secum eos tum impellente, quando nares fluenti ad instar subintrat in inspirationis actu. Ac manifestum feci, frequentem cum Venatorum, tum Aucupum, tum meâ quoque observatione, canes venaticos ac sagaces, corvosque, & alia quædam animalia, odoribus odoratisve Effluviis multò magis affici perdicum, leporum, pulveris tormentarii, &c. quando ventus ab objecto fiat versùs sensoria, quàm cum præterit contrariam, quorsumcunque demum animalium nares obferrentur, modò imbutus sit odorum famis Aër. Quapropter inde proficisci differentia videtur, quòd quando ad ventum obversæ nares sunt, aëris fluxus vi suâ vapores agit in sensorium, quod secus haud faceret.

Agilitatem verò motùs quandam requirit, ac magis quàm alias conducere ad attractiones Electricas, ex ea argui potest, quam passim reperimus, Succini, Achatis, aliorumque Electricorum corporum afficandorum necessitate, quo frictione facimus ut eos emittant halitus, quibus perquam probabile est ipsorum actionem peragi. Et quamquam alibi à me ostensum est, præcedentem hanc frictionem haud semper ad omnia Electrica corpora excitanda necessariam esse; in iis tamen, quæ sine ea quodòque attrahere feci; multò vegetior erat post attritionem operatio, cum illa, ut ego quidem autumo, reciprocum inter stabiliores partes motum cieat, eoque ipso exoneret, & ut ita dixerim, explodat attrahentia corpuscula: Quorum quidem realis emissio, tamen si probabiliter ex iis, quæ jam dicta sunt, argui queat; validius tamen probari posse videtur ex quadam, quam ab hinc multis annis feci, observatione, quàmque nuper audiui dudum à doctissimo *Fabro* factam esse. Hæc autem fuit observatio: Si, sumpto quodam validè excitato Electrico, id ipsum certo quodam temporis momento, (quæ quidem circumstantia magnam admittit varietatem, passim tamen id ferme fiebat, statim ac corpus probè esset defricum) ad justam distantiam à suspenso filo aliòve levicorpore, fortassis etiam leviusculo pulvisculo, collocassemus, tum neque pilum neque cætera attrahi ab Electrico, sed inde abigi, ut videbatur, ab agilitèr moventibus fumulis, quæ è Succino aliòve levi corpore emittuntur.—

Confirmare hoc Argumentum uno alteròve cognato Phænomeno possem, nisi nimidum ex iis mutuaretur quæ jam alibi circa *Electricitatis Historiam* conscripsi.

Quandam substantiam novi, quæ quamquam per distillationem conficiatur, frigida nonnihil lenem admodum nec ingratarum odorem emittit; at ubi; quod eam continet, vas calfactum est, etsi nullam constituentium principiorum separationem inde fieri appareat (corpore in usitatis omnibus experimentis homogeneo existente), usque adeò tamen alterantur Effluvia, ut meminimus, illustrem

quendam virum, qui, ut suæ satisficeret curiositati, eam substantiam olfecerat conquestum esse, penè se ab iis fumulis exanimatum, neque spiritus Salis Armoniaci effluvia quidquam habere tam efficax atque penetrans, affirmasse.

Inter solida quoque corpora, quædam novi, quæ quanquam abundant ejusmodi substantiâ, in qua rancidi odores præcipuè resident, vix tamen (aîsi sensibilibiter calefacta) ullum omnino odorem sensibilem emiserint; ac ubi aliquantulum afficta mutud fuerant, fumulorum quasi jaculis per attritum evibratis, intra momentum unum aut alterum insignem fœtorem acquisiverint.

Quemadmodum autem motus celeritas vim conciliare potest corporum emanationibus; ita aliæ esse possunt modificationes motus, quæ non parum conferre eodem possunt, nec prorsus hoc loco sunt negligendæ. Ut enim majora corpora secundum has illasve modificationes operari videmus, multumque intèret inter effectum ejusdem telii vel jaculi, ita conjecti ut ejus mucro semper aurorsum vergat, ac rursus ita vibrati, ut durante motu ejus progressivo, extremitates circum gravitatis centrum internâlve quasdam partes volvantur, ut tum sit cum pueri bacillos jaciunt ad fructus ex arboribus decutiendos; sic minimè dubitandum est, in iplis corpusculis perinde non esse quoad ipsorum effectus, utrum *cum* rotatione an *circa* eam moveantur, an utrum tali vel tali lineâ, an cum vel sine undulatione, tremore, talive consecutione; & ut verbo dicam, utrum motus talem vel talem habet modificationem particularem; quæ quantum variare effectus motorum corporum queat, ex motibus illis apparet, qui in aëreis particulis ab instrumentis *Musicis* efficiuntur. Etsi enim *Harmoniz*, dissonantiæ, ac sonorum peculiarium effectus interdum valdè sint insignes; non in corporibus Humanis tantum, sed & in Inorganicis, ut in sequenti Tractatu ostendemus; tota tamen Musicæ sonorumque efficacia, qui ultra solitum sonori non sunt ac differentes, videtur (quantum quidem sonoris adscribi corporibus potest) ex diversis pendere rationibus motus, quo aër ille afficitur, qui immediatam in nostris audiendi organis vim exerit.

CAPUT V.

Nunc equidem porro mihi esset ostendendum, quomodo *Celeritas* aliique modi, qui Effluviis motum diversificant, juvari possint ad ciendam eorum operationem, detreminatæ ipsorum magnitudinis ac figuræ beneficio, ut de congruitatis vel incongruitatis, quam eo nomine possunt cum poris crassiorum, in quæ agunt, corporum sortiri. Sed haud par existimo, alterius Tractatus * subjectum præcapere, ubi de relatione inter corpusculorum *Figuras* & crassiorum corporum *Poros* fusè satis tractatur. Quapropter hic tantum illos observabo Fulgetrationum effectus, quæ partim ad celeritatem & modum appulsus, partim verò ad distinctas figuras ac magnitudines corpusculorum, destructivam materiam componentium, nec non ad peculiare relationes inter illius materiæ particulas,

* De Poris Corporum, & Figuris Corpusculorum.

particulas, ac totum, quæ invadunt, corporum structuram, referri posse videntur. Novi equidem, multa miranda fabulosè commemorari de effectibus ejus, quod Latinis *Fulmen* appellatur (quòdque Anglico nostro vocabulo *Lightning* haud adæquatè redditur;) At verò nimium multa haud fabulosa sunt; ac nonnullorum testis egomet oculatus extitit, intra minùs quàm horæ quadrantem, posteaquam contigere. Et quamquam admodum difficile sit, complura ipsorum Phænomenum particulatim explicare, satis tamen probabiliter videtur ex iis argui, esse posse agentia sic constituta, tamque celeriter mota, ut, licet adeò sint exigua, ac necesse est ea esse, ad flammam, quæ fluidum corpus est, instituendam, oporteat ea imperceptibili tempore solida corpora pervadere, &, dum ipsorum aliqua, illas planè eorundem texturâ, pertransit, urere, frangere, fundere, aliâsq; insignes mutationes in aliis corporibus idoneis, in quæ ipsa agunt, producere. Ac ea quidem de re haud mihi prætermittenda est memorabilis instantia: Cùm quidam, satis ad rara colligenda curiosus, me suum in Musæum duxisset, ubi selectissimâ asservabat, inter cætera perpulchrum par vitreorum calicum animadverri aliquantulum gracilius, sed ultra solum altorum. Designati videbantur ad mutuam similitudinem, atque ad compositionum hilaritatem constati. Verùm antequam eos viderem, ea similitudo à fulgore admodum erat immixta, quod intra ipsos ita mirabiliter ceciderat, ut absque alterutrius fractione, quantum percipere possem, alterius figuram circum imam cavitatem paullum alteraverit; alterum verò circa eundem locum sic inflexerit, ut planè tortuosus staret, eo scilicet positu, quem non sine admiratione intueret: Neque adhuc possum id nisi ut peritrum quid habere, atque haud minùs ad præsens. nostrum propositum considerabile; quòd natura queat in aëre libero, ex invisibilibus, cum ascenderent, exhalationibus, tale corpusculorum aggregatum efficere, ut aptum sit ad ejusmodi fragilia corpora, qualia vitra sunt, uno oculorum ictu, in ipso per ea transitu, absque eorundem fractione, fundere; quod ut in Reverberatoriis fornacibus efficiamus, activis flammis, per aliquantum temporis spatium indigemus.

Atque in hanc rem memini, quòd cum aliquando, non procul à me, tale tonitruum audissem, ut judicarem proculdubio vicinorum aliqua loca fulmine effecta, statim quendam inquisitum miserim, qui cùm meam confirmasset conjecturam, è vestigio in eam domum me contuli, ubi damnum factum erat à causa aliqua, quam supervenientes, qui se animadvertisse prætendebant, flammæ admodum obliquè motæ similem fuisse affirmabant. Ut autem damnum omittam, quod à vento, qui fulmen comitabatur, aut fortassis à fulmine productus erat, aliquot & hominibus & jumentis illatum esse videbatur; id quod facit ut hic ea res à me commemoretur, est, quòd cùm illud observarem quod in altiori cubiculo evenerat, ubi fulmen primò cecidit, animadverterim, illud plus quàm uno loco plumbum in transitu fudisse, (etsi fortasse non diuturniori temporis spatio quàm uno oculorum ictu duraverit) absque fenestratuæ fractione, vel [quantum adverterim] absque lecti, peristromatûve, alteriusve suppellectilis combustibilis ustione, quamvis, propè fenestram, aliquam muti partem

disiecesset, quâ visum est transitum vel intrâ vel extrâ fecisse. Atque id, quod me induxit ut hoc accidens narrare non dubitarem, hoc est, quoddam curiosè in fulminis effectus inquisivissem, non modò in illo superiori cubiculo, sed in aliis quoque domûs locis, sub cujus infimis partibus visum est abnormem motum fuisse; non potuerim non concludere, siquidem idem fulmen fuerit, oportuisse, ut plusquàm semel intrâ extrâque domum percrentisset; neque ejus motûs lineam vel rectam esse visam, vel reducibilem ad ullam curvam mixtâme, quam apud Mathematicos legeram, sed, uti tum aliquibus meorum amicorum dixi, ultro citroque motum id fulmen fuisse, more vago, non ab simili irregulari anfractuosoque motui calamorum, quos incendere pueri solent postquam eos pulvere tormentario cumulati arietando compleverunt. Sed de fulmine fortassis aliàs fusiis. Tantum addam; Notam esse traditionem, quam meæ quoque observationes cautè factæ videntur interdum confirmare: Nempè vehemens tonitru communitur, (non enim dico *semper*) cerevisiæ, nisi admodum pingui, intra unum alterûve diem aciditatem conciliare. Quod si hæc degeneratio non sit una ex consequentiis magarum & singularium illarum concussionum Aëris, quæ boante tonitru eveniunt, (quo in casu adsequentem discursum *phenomenon* hoc pertinebit,) probabiliter effectus ille imputari potest subtilibus quibusdam exhalationibus, per aëra diffusis, quæ lignei vasis poros penetrantes, quorum textura haud admodum densa est, liquorem acetoso quodam fermento imbuunt. Quam ego conjecturam valdè confirmatam arbitrarer experimento, quod ea mihi suggessit, si, ut id urgerem, satis frequenter id fecissem. Quippe cum considerarem vitri poros satis compressos esse ut impervii fiant, (quantum quidem hæcenus observaverim,) fumulis, aut spirituosius partibus Sulphuris, juxta ac aliis odoratis exhalationibus; expertu dignum putavi, utrum illi sint sulphurei fumuli, aliæve corpuscula per aërem, tonante cælo, diffusa, quæ non nimis crassa sint, ad minutos poros, quales sunt vitæi, penetrandos. Atque ob eam rem cum lupulatam ac illupulatam cerevisiam (eorum in vitreis lagenis hermeticè obfigillatam, æstivo tempore tamdiu servavi, donec magno fragore unum alterûve diem tonaret. Posthæc cum cerevisiam, quam bibebamus, omnes querebantur à tonitru acidam esse factam, meos liquores unum aut alterum diem adhuc intactos sivi, ut acidi fumuli, si qui in iis essent, satis ad operandum temporis haberent; tum denique vitra frangentes, non reperimus liquores acidose esse factos, tamen datâ operâ vitra non implelemus, ut liquorum degeneratio esset facilior. Venia quoque fortasse conceditur, in hæc rem factum referenti, alicubi locorum, in quibus versatus fui, usitatum, ac in primis à nobili quadam Matrôna, rei familiaris administrationem perquam callente, perque curiosa ac versata in physicis observationibus, usurpatum. Nam cum in mentionem incidissem remedium aduersus acorem cerevisiæ, aliorumque potuum, à tonitru inductum, ex quo non modicum ea domina detrimentum capit, mihi affirmavit, se reperisse, id quod referebam, passim succedere; sequè ante novissimum grave tonitru, cujus effectus in cerevisia observaveram, suam præservasse, postis ad convenientem distantiam, sub doliis, foveis cum prunis arden-

ardentibus, quando tonitru imminere observaverat. Quæ quidem praxis si constanter felix fuerit, inducere nos potest ut consideremus, Ignisvæ ærem rarefaciendo, sulphureosvæ aut alios noxios fumulos discutiendo, eos alterando, vel iis prunarum exhalationes uniendo, aliisvæ ejusmodi viis, inefficacia reddat corpuscula illa acorem conciliantia quæ determinatam fortasse requirunt & molem & conformationem, præter stipatam suam multitudinem, ut plenam in liquores vasis contentos operationem obtineant. Sed ea merè conjectanea sunt. Idcirco progredior.

CAPVT VI.

Quinta via, quâ res notabiles Effluvia possunt efficere, est, Motus unius partis in alteram, quem excitare in corpore, iu quod agunt, juxta structuram ejus possunt.

Insequenti tractatu mihi suppeditabitur oportunitas disserendi de Motibus, in quos invicem internæ partes inanimatorum corporum ciere se possunt; sed allata impræsentiarum exempla designantur ad manifestandam Efficaciam, quam Effluvia secundum rationes novissimè memoratas in organica viventiaque corpora fortiuntur. Atque his instantiis peridoneum adhuc fuerit præmittere, etiam inanimata solidaque corpora, ejusmodi structuræ esse posse, ut ex appropriatis aliorum corporum valdè Effluviis alterari queant; cujus rei exemplum vis illa præbet, quam validis quibusdam magnetibus inesse vidi, momento scilicet attractricem ab acu excitata facultatem tollendi, seu verticitatem priori ex diametro oppositam, ac ne quidem tactâ, impertiendi.

Et appositè profectò Magnetis attractricem possumus virtutem considerare; utpote quæ insigne nobis exemplum suppeditet magnæ illius virtutis, quam invisibilem Effluviorum multitudo, etiam à parvis emanantium corporibus, in corpora inorganica vitæque expertia obtinet. Etenim si concedamus, ut inter *Epicureos, Cartesianos*, omnesque ferè alios Corpuscularios Philosophos convenit, Magnetismum corporeis fieri emissionibus; possumus considerare, has, cum absque resistentia per poros omnium solidorum corporum, ipsius quoque vitri, pertranscant (quod neque subtilissimi odores nec Electricæ exhalationes facere observantur,) incredibilis propemodum exiguitatis videri, multoque aliis Effluviis tenuiores, quamquam ea nimis exigua sunt ut videantur; hæ tamen adeò incomparabiliter exiguæ magneticæ effluxiones, à validis Magnetibus evibratæ, aptæ sunt ad tantam, tam ponderosi corporis, quale ferrum est, quantitatem sublevandam; adèd ut non adèd magnum lapidem Magneticum viderim Ferri pondus suspensum tenuisse, quod ego vix unâ ad eum sublevare manu possem. Quin etiam parvum vidi, quo possem pondus plus quàm octoginta vicibus ipsi par sustollere. Neque solum ejusmodi Effluvia ferrum magneti adhærescere ad momentum faciunt, sed id quoque ramdiu suspensum detinent, quamdiu experienti visum fuerit.

His ita præmissis, observare nunc pergo, principes effectus Effluviotorum ad quintum Caput pertinentes, agere in Animalia, quæ, ob eximiam accuratèque elaboratam structuram, partes obtinent sic connexas, & efformatas, ut motus mutatione sive, quæ in una sunt, in alteras, ob mutuum earum consensum, manifestam habere queant operationem, quamvis fortasse plurimum ab ea distantes, & sic efformatas, ut testentur, ab iis actionibus se affici, quæ nullam penitus habere videantur affinitatem cum Agentibus, quæ in partem prius Affectam operantur.

Fusè verò à me ostensum est alibi, * humanum corpus non ut merum ossium, carnis, aliarumque consistentium partium aggregatum, considerari oportere, sed ut eximiam ac vitalem Machinam, cujus aliquæ partes, etsi non ita exquisitè efformatæ, faciliè ut ab externis agentibus afficiantur; capaces tamen existant insignes operationes in alias corporis illius, cujus compositionem adjuvant, partes exerendi. Ergo iis, quæ jam aurè dicta sunt, omisissis, nunc de iis agam Effectibus, qui in humanis corporibus, per ipsorum Effluvia, absque corporum emittentium immediato contactu, produciuntur.

Ac primò, ne *Lucem* commemorem, quoniam etiam inter recentiores, sitne corporea an incorporea, plurimum disputatur; nostra Olfaciendi organa sensibilibiter ab ejusmodi minutis particulis affici planum est, quibus exquisitissimi odores constant. Neque verò præcisè nos, ut odores afficiunt; quippe complures videmus, cum viros, tàm faminas, ob suaves fœtidòsve odores molestis capitis doloribus consistari.

Ac nisi ferè quotidianum esset, incredibile ferè foret, si vis thymiamatis, odorem statim in humano corpore, quod modò sanum ac firmum erat, syncopas, Lipothymias, sensibilis respirationis amissionem, apparentes Epilepsias, & veros convulsivos membrorum motus, ac nescio quàm multa formidanda symptomata producere, quæ ab imperitis effecta sortilegii reputantur, Medicos verò ipsos deciperent, nisi & ipsorum & Majorum experientia, talium Phænomenum exempla suppeditaret, à naturalibus mediis effectorum. Quid partium consensus in humano corpore valeat efficere, ea symptomata manifestant; præsertim cum odores morbihi, si tamen ita nominare fas est, odoratis organa immediatè afficiendo, simul tot *neruosi generis* partes corripiant, ut sæpè etiam in extremis manuum, pedumque partibus convulsivos motus pariant.

Effluviotorum autem efficacia Hystericis ciendis passionibus hand definitur, quoniam invisibiles hæ particulæ aptæ sunt [idque inrerdum tàm subitò ac illas excitare thymianata solent] ad eandem sedandas; sicut egomet sæpè, (non dico, constanti successu) expertus sum, Salis Armoniaci spiritum, quem plurimi facio, ad hysterica tumores admovents. Ac meum istud remedium non modò sæpè ad valetudinem revocavit, intra tertium momentum, eas, quarum vulgares erant paroxysmi; sed illud insuper cum aliqua circumstantium admiratione effecit, ut intra unius alteriusve minuti sparium, variæ ætatis atque constitutionis, personas restitueret, quæ repentinis conceptæ paroxysmis convenerant, quas

adstantes,

* De Virilitate Philosophia Experimentali.

quas adstantes, Epilepticas, ego Hystericas, iudicabam.

Atque supra memoratorum fumulorum bonas vel malas operationes, in universum, consensui partium quæ *genus nervosum* constituunt, potius quam ulli occultæ inter ipsas & uterum sympathiæ vel antipathiæ tribuendum puto; neque id tantum alias ob causas, quibus hic inniti nolo, verum etiam, quia compertum habeo, odores, etiam in viros, effectus insignes obtinere. Novi hominem egregium, peregrinatorem, sumæ sed perquam sanguinæ temperiei, qui violentos ex odore moschi percipit capitis dolores. Ac memini aliquando; cum in publico negotio cum eodem, complutibusque aliis insignis notæ viris versarer, quendam, qui moschi fasciculum secum habebat, nos accessisse, illumque alterum præstantem virum adesse fuisse ex odore conturbatum, cuius suavitas nobis quidem erat iucunda, ut invitus se apud nos excusaret, hominemque foras ire iubere; quinimò, diu postquam ille recesserat, apud me de violento capitis dolore conquereretur, qui, ut animadvertēbam, aliquo modo ineptum eum effecerat ei negotio transigendo, cuius ipse præcipuus moderator erat. Alium verb etiam novi, cui fortunata Musa permultos admiratores excitavit, qui vel ob suavem Damascenarum Rosarum fragrantiam dolore capitis adesse infestatur, ut, cum aliquando in horto unâ spatiaremur, cuius ambulacra adesse erant spatiosa, ut facile procul ab Rosetis, quæ maximam partem rubeis rosis onerata erant, incedere posset, statim abrupto sermone, de capitis dolore, ex Rosarum fragrantia concepto, conquereretur, meque rogaret, ut in aliud ambulacrum procul a rosetis transiremus.

Si non obstaret Sexus, narrare Exemplum multò notabilius possem de Rosarum operatione. Novi enim feminam generosam & prudentem, cui non ingratum est earum odor, adesse tamen noxius, ut mox adesse malè se habere incipiat, ut deliquium patiatur animi, nisi maturè obviam eatur. Retulitque ipsa mihi, se aliquando in aula quadam, ubi inter virgines honoratas conversabatur, adesse malè se subito habuisse, quanquam mali causam ignoraret, ut tantum non collabere: Interim sermonem habens cum illustri dignitatis persona, cui demissum se debere cultum rebarur, observantia illa, prohibens ne vel conquereretur vel secederet, in grave profectò periculum eam coniecisset, nisi Principissa, quæ cum illa loquebatur, ipsiusque adversus Rosas antipathiam noverat, observasset, vultum eius expalescere, gelidoque sudore cooperiri. Mox quippe causam coniectans, quam ipsa virgo ignorabat, altâ voce sciscitata est, esserne aliquis rosas (quippe quæ istâ tempestate florebant) gestans: Ex quo confestim secessit matrona quædam rosas circumferens, quæ à dicta virgine non vitæ, deliquium quidem in ea non peperere, in causa tamen fuerunt ut ipsa valde aliquandiu conturbaretur.

Verum dixeris forsitan, hunc esse casum *semina*, quæ malum afficere *præcordia* querebatur, non *caput*. Quare eò reversus quod paulo ante commemorabam, dicam, quodd, uti Odores dolorem capitis inferre possunt, ita sæpe animadverti, rectificatum Salis Armoniaci spiritum, viros pariter ac mulieres, intemperiei istius paroxysmis liberare, idque interdum, tam exiguo temporis spatio, vix
1 ut pos-

ut possent malo isto laborantes credere, ita fieri tam cito potuisse.

Non autem hic adiciam, quæ in memet cum successu feci experimenta, quia cum rarissime corripiar eo affectu, raræ quoque mihi fuerunt experiendi occasiones. Et quamquam non semper teperi, tam leve remedium optatam efficere curationem; tamen quoniam sæpe medetur, satis est ad sanativam Effluviolorum efficaciam ostendendam.

Subiungam verò alias Instantias effectuum, quos Effluvia in aliis quoque & personis & partibus producunt, quibus manifestum fiat, ea non in hystericas solummodò, vel in Cephalalgia obnoxios operari.

Nimium observatione cognitum est, utrum gerentes fœminas sæpe abortisse ob malè extinctæ candelæ fœtorem; etsi fortasse fumus ab emundatione ascendens multò ante in invisibilibus corpusculis dissipatus esset, quàm ad infœlicis fœminæ nares perveniret. Cognita quoque est motuum violentia, quæ abortiones frequentissime comitantur.

Alibi mentionem à me factam esse puto viri nobilis, mihi persamiliaris, elegantis staturæ, ac robusti, qui nausea corripitur ad *Coffea* in aqua coctæ odorem. Quare nunc Medici potius mentionem faciam, qui cum adhuc iuvenis Electuario sæpe uti ad multum tempus teneretur, quod minime ingratum, ac lenissimum Officinarum laxativum esse constat, ad eò illud deinceps est averfatus, ipso id apud me conquerente, ut si interdum in Pharmacopolis, ut sit, eius odorem olfactat, pluries ex intervallis *à me* *quæ* *ad* *du* operetur.

Alium novi virum, ingenium admodum, eiusdem facultatis, terræ marique peregrinatum, qui itidem apud me conquestus est, odorem axungia, quæ meritoria rhedarum rotæ inunguntur, etiam in transitu duntaxat olfactæ, intemperiem sibi vomitumque ciete.

Nemini non est notum, oculos ad lacrymas fumo provocari, excitarique in organis respirationis vehementem eam commotionem, quam *missim* appellamus. Verùm haud est ad visibiles fumos recurrendum, ad eiusmodi effectuum productionem; quoriam sæpenumero observavimus, eos ipsos, iteratâque sternutationes, ab invisibilibus spiritus Salis Armoniaci vaporibus emanare, quando scilicet phialæ, quibus is liquor continebatur, etsi forsitan perexiguæ, vel præpropter vel etiam fortè nimis propè ad nares admovebantur.

Et quoniam in supramemoratarum Instantiarum plurimis, effectus præcipui videntur esse producti per consensum partium in genere nervoso, mutuâque unius in alteram actionem, exindeque in diversas alias corporis partes; observandam subiungam instantiam operationis, ab suavi lenique odore in ipsos humores, idque in viro, extractæ.


Celebris Pharmacopœus, crassus & procerus homo, sæpe mihi dixit, etsi aliquando peramans rosarum extitisset, attamen cum eiusmodi incidisset occasio, ut magna simul illarum utendum esset quantitate, sic ab ipsarum fumis affectum se fuisse, ut nunc, si inter Roseta ambulet, ab odore magnopere conturbetur. Is autem Rosarum odor (incarnatarum scilicet, quæ vulgò, tametsi veræ non sint, *Damascena* appellantur) eam in illius capite humorum colliquationem parit.

ut tussim provocet & rheuma, rucedinémque, & oculorum dolorem, cogaturque ipse abesse, quo tempore vernant Rosæ, si magna in ejus domum quantitate deferatur.

CAPUT VII.

ATque aliquis hac occasione queat ostendere, quod, sicut per plures magni momenti res effici possunt per Effluvia, quatenus unam viventis Machinæ partem in aliam faciunt operari, ob structuræ ipsius rationem; ita ejusmodi invisibilium agentium actio, in multis casibus, magis ipsorum actionem promovere valeat, ob fabricam ac leges ipsius *Universi*: Hac maxime ratione, quod per Effluviorum in singularia corpora operationem, disponere ipsa & temperare possint ea corpora ad operationem recipiendam (ad quod inepta antè erant,) per Lucem, Magnetismos, Atmosphæram, Gravitatem, aliâque magis universalia naturæ Agentia; prout nunc Mundus est constitutus. At ne quicquam ex alio Tractatu decerpam, hunc ipsum concludam, cum observavero, in memoratis instantiis, visibilem fuisse localem distantiam inter corpus fumulos emittens, & illud in quod operabantur. Quod si necessarium existimarem, haud difficile ostensu esset, ad hujus Tractatûs titulum multos effectus referri commodè posse corporum ad *nostra* immediatè applicatorum; qualia sunt, Hæmatites, Corneoli, Nephretici, Malacenses, Amuleta quædam, aliæque substantiæ solidæ, à Medicis ad nostra corpora extrinsecus adhibita. In ejusmodi enim applicationibus crassum corpus cutim duntaxat attingit; magni verò, quos ego Effectus refero, interdum, etsi non sæpe, (necum semper) à me esse observatos ab externo isto contactu proximave applicatione processibiles, possunt rationi congruenter à subtilibus emanationibus derivari, quæ per cutis poros ad internas corporis partes permeant. Quod ex illis manifestum est, qui, quod Cantharides vel manu teneant, vel remotæ alicui externæ parti adhiberi curent, graves in urinariis meatibus dolores sentiunt; sicut mihi multisque aliis contigit. Atque horum minorum corpusculorum, quæ intus per cutis poros penetrant, insinuationi, aliquorum efficacia Medicamentorum deberi videtur, quæ alvum subducunt, vomitum provocant, solvunt humores, aliterve corpus insigniter alterant extrinsecus tantum adnota. Horum equidem multas afferre possem instantias, quæ ad alium locum magis propriè pertinent, necque hinc necessariæ sunt; ubi satis est, celebrem nominare vim illam, quam *Mercuriales* inunctiones, suffrutive, sive unâ sive seorsum, habent in salivationibus copiosè producendis, ut ostendatur in genere, tum halitus, tum emanationes *Medicinalium* corporum exterius applicatorum, insignes posse in *humanis* corporibus Effectus ceteris.

FINIS.



EXPERIMENTA NOVA:

Quibus ostenditur,

PARTES IGNIS ET FLAMMÆ

reddi posse

STABILES & PONDERABILES.

PRÆFATIO, SEQUENTIS TRACTATVLI CONSILIVM PARTESQVE exponens.



VA inducere me, ut ea qua præ se ferit hujus Exercitationis Titulus aggerederet, præcipuè hæc sunt: Primum expendebam mecum, Inter-stellarem partem Vniuersi, qua Aëre constat & Æthere, Fluidisue alteri eorum analogis, esse diaphanam; Ætheremque esse veluti ingentem quendam Oceanum, in quo globi Luminosi, motu suomet, hic illic, Piscium instar natantes, vel, corporum in Vorticibus ad instar, ab Ambiente circumacti, nonnisi perquam rari disperguntur; proindeque rationem, quam Stella fixa corporaque Planetaria ad diaphanam mundi partem habent, esse perexiguam & vix notabilem; admitas licet, Solem & Fixas esse corpora Opaca, quia visum nostrum terminans: Id quod dubitanter dico, cum ostendimus alibi ex duobus tribusve Experimentis, studio excogitatis, corpus apparere posse opacum oculis nostris, & tamen liberum radiis Lucis meatum permittere.

Considerabam porro, cum ingens adeo sit disparatio inter Diaphanam mundi partem

partem, & Globos, quibus illa quaquaversum circumfunditur, & quibuscum ea insigni quantitate subinde miscetur, puta in Aqua, quæ unâ cum Terra Globum constituit quem nos incolimus; cùmque corporum Diaphanorum ea sit indoles, ut, quando Sol ullumve aliud luminosum corpus ea illustrat, id quod Lucem vocamus, ipsa adeo penetret; cùmque iis per minima misceatur, ut, nulla Transparenstis corporis pars sensibilibis sit luminis expertis: Rem judicabam disquisitione dignam. Num res adeo longe lateque, ac est Lux, diffusa sit Corporeum quid necne? Numque, si tale sit, subiaci a iis præter Visum nostrum sensui possit; quo mediante examinare queamus, ullumne cum aliis rebus corporeis, nobis hic inter Sublunaria notis, cognationem habeat.

Ceterum, nec immemor eram, Peripateticos Lucem statuere meram Qualitatem; Cartesiumque ingeniose conari, ipsam per Motum in materia quadam Cælesti Modificationem explicare: Sed & recordabar, Atomistas veteres, & Galileum neotericum, multosque alios Philosophos, Lucem esse Corpoream, asserere; inique, aliquos abhinc retro annis, uti iudicium meum de hac Quæstione interponere decretalem, argumenta tamen adhibuisse, quæ satis videbantur plausibilia, uti ostenderem, Absurdum haud esse supponere, Solem, qui est Stella Fixa nobis omnium maximè nota, Corpus Igneum esse posse. Proindeque dubius, merè Ratiocinia potius futura essent Corporeitatem Lucis determinare, operæ omnino præcium credebam sentare, possentne aliquid præstare per Experimenta, quod elucidare controversiam illam valeret; persuasus imprimis, successu licet cariturus esses hic meus conatus, nil tamen inde nasciturum incommodi; integram solummodo lucem fore, nullâ illatâ Hypothesibus invicem contendentibus injuriâ; ac si felix conatus foret, fructus inde proveniuros insensens, explicandisque compluribus Phænomenis accommodatos, idque in diversis Physicis partibus, Chymia scilicet, Botanica, & (si quæ talis fuerit) rationi consentanea parte Astrologia. (Neque fortè impossibile foret, levium alterationum Theoreticarum adminiculo, Experimenta à me destinata alterutrius Hypothesium supradictarum, adeoque, quoad explicationem Lucis, sibi invicem conciliare.

Ad consequendum igitur scopum illum, mecum repudiabam, consultum esse, primo loco experiri, quid præstare radiorum Solarium unione possem, cum in confesso sit apud omnes, eos esse vera cælestisque Lucis (si ita loqui fas est) portiones. Deinde, tentandum esse judicabam quid obtineri posset ex Flamma; non tantum quod illa habeatur ab omnibus pro Luminari, sed quod sperabam, difficultates, quas prævidebam in Experimentis cæteris, devitari quoadentenus posse in iis, quæ Flammâ peragerentur, ac si utrumque genus feliciter succederet, posteriora & priora sibi invicem confirmandis accommodata fore.

Iuxta methodum, quâ tractare duo hæc subiecta erat animus, enarrandum mihi in principio foret, quid præstare tentaverim in radiis Solaribus, Sed ut verum fatear, quando fortè in disquisitionem illam incidi qua scriptum hoc peperit, non modò ipsa anni tempestas minus satis, sed & cælum, multis mirantibus, præter solitum continuus fuit nubibus obductum, adeo ne licet bona nota speculis Ustorii instructus essem, & aliquoties Experimenta capere aggrededer in corporibus diversis, Plumbo scilicet, Argento vivo, Antimonio, &c.

crebra

crebra, tamen nubium & nebularum interpositiones sentiminibus meis adeo obstit-
terint, ut licet ea non fuerint elusa pariter omnia, haud tamen maximam eorum par-
tem ita conscellari potuerim, ut mihi ipsi satisfacerem.

Quare, cum illis hactenus nolim quicquam superstruere, enarrationem eorum
in aliud tempus remittam, illud Experimentorum genus hac vice expositurus,
qua cum minus essent casibus obnoxia, magis erat in potestate mea effectui
dare.

Scio equidem, potuisse me, & in tui & mei gratiam, maiori temporis & laboris
compendio, horum Experimentorum nonnulla pratermittere, nec non reliqua sus-
cintilius explicare. At inire methodum illam, quam selegi, malui; partim quod verita-
tes à me tradita Novitas Improbabilitasque exigere videatur, ut ea majori Experi-
mentorum numero evincatur; partim quia non omnino inutile Tibi & Amicis tuis
fore existimarem, si constaret vobis, quibus inductus essem rationibus, per varios, ut à
me factum, gradus in hac disquisitione progrediendi; partim etiam, quod lubens vel-
lem aliquid ad illam Historiam conferre, quam sorte concinnandam nunc esse indi-
cabunt Physici de Incremento ac Decremento, quod particularia Corpora dum ex-
ponuntur Igni, recipere possunt; partim denique, quod Doctrina hic asserta à Schola-
rum opinionibus dissonans, alicuiusque passim hominum prauidicia me induxerint,
ut consultum putarem, insigniori Experimentorum tum varietate, tum numero, ob-
viam ire, quantum potest, diversis illis Obiectionibus Subterfugisque, quibus parado-
xam adeo veritatem obnoxiam fore est expectandum.

EXPERIMENTA NOVA:

Quibus ostenditur,

IGNEM & FLAMMAM

reddi posse

PONDERABILEM.



VAMVIS illa sit sequentium Experimentorum diversitas, ut, quemadmodum ea in quatuor vel quinque genera differentia dispenso, ita iis distinctas totidem Sectiones assignare fas fuerit; attamen ob commoditatem remittendi Lectorem, quod passim erit inter ea faciendum, Distinctioni illi supersedebo, eaque in una serie continua exponam.

Cumque festinatione urgear, velimque Tecum liberè & citrà ornatum agere, non dubitabo mera Experimentorum meorum apographa subiungere, prout ea circa artem, cum multis aliis, in memoriæ meæ levamen, in *Adversaria* mea retuli; idque ne relictis quidem nonnullis Circumstantiis, quæ minùs ad Argumentum præsens, quàm ad alia quædam Instituta, faciunt.

Ordinar igitur ab Experimentorum pari, quæ licèt commodè satis possint ad aliud Scriptum referri, hîc tamen à me tradentur, quòd satis instituto meo consentaneum videatur, primo loco ostendere, *Flammam* ipsam ita posse compactis solidisque corporibus inseri, ut molem pondusque eorum adaugeat.

EXPERIMENTA PRIMI GENERIS.

EXPERIMENTVM I.

[Laminæ Cupræ frustum, longè crassitiem dimidii scuti non æquans, ponderansque *duo drachmas & grana viginti quinque*, ita collocabatur latâ suâ parte Horizontaliter, in Crucibulo, cuius fundus parvo foramine erat pertusus ad exitum fumis præbendum, ut à positu suo removeri non posset, nec posset facile ex ullo motu decidere, aut positionem suam Horizontalem amittere, licèt susque deque verteretur Crucibulum. Deinde vulgaris Sulphuris *sesqui-unçiâ* Crucibulo

bulo posteriori & latiori immisâ, id, cui Cuprum inhærescebat, intrâ orificium illius non ertebatur, ut Sulphure accenso, flamma, non verò fustum Sulphur, substantiâ suâ, laminam contingeret, exitumque aliquem ultra eam, per supradictum foramen, inveniret. Hoc Sulphur per bihorium circiter ardebat, quo temporis spatio totum videbatur in flammam resolutum, nec tamen ulli flores Sulphuris ad interiores Superioris crucibuli parietes sublimati esse apparebant: Et quamvis lamina cuprea insigni intervallo ab ignito Sulphure distaret, flamma tamen eam reapse penetrasse videbatur, atque, visu teste, tumorem aliquem majoremque crassitiei ei conciliaffe. Hoc autem reali substantiæ alicujus accessione effectum videbatur, quandoquidem, postquam pauculas quasdam sordes adhærescentes abstergeramus, cum iisdem diversas Cupri particulas ipsis firmiter hærentes; deprehensâ fuit lamina pendere *erigens duo ferè grana* amplius quàm in principio, proindeque pondere suo supra partem quintam crevisse.]

EXPERIMENTVM II.

[Cum *novam* repurgando *unciam* Argenti *Sterlingani* beneficio Nitri, more nostro illud ad *drachmas septem* & aliquanto minùs reduxissemus, Argenti sic purificati frustulum, quod *unam drachmam* minùs *duobus granis* ponderabat, accessit, eoque, laminæ cupræ in morem, prægresso Experimento traditum, dispositum; postquam *unius uncie & quadrantis* circiter Sulphuris flamma (quæ quantitas fortè accommodata erat crucibuli quantitati) per sesquihoram, præter propter, ipsam percusserat, lamina argentea nonnihil, oculorum testimonio, tumefacta videbatur, ejusque inferior superficies, flammæ proxima, ad insignem levorem redacta erat, pondere ejus ad *drachmam unam & grana quinque* cum *tribus quatuor* adaucto: quod ponderis incrementum cum adeò deficiat ab eo quod accesserat Cupro, Tibi expendendum permitto, sitne discrimen illud compactæ densitatis Argenti, quæ ex majore ejus, quàm Cupri, gravitate *specificâ* colligitur; an majori congruitati pororum Cupri, Menstrui ignei actionem patientis; an verò alii cuidam causæ, sit vendicandum?

Si roges, quid me induxerit, ut rem expectarem adeò improbabilem; posse scilicet leve adeò & subtile corpus ac est Flamma, ponderis incrementum ponderosis adeò corporibus, ac sunt Mineralia & Metalla, largiri? Id solum respondeo, (ne quid hoc loco præcipiam, vel impostum citra necessitatem repetam.) Possè idipsum, quod tu miraris, jure ex iisdem paribusve causis expectari, quales facillè ex alio scripto, cui titulus, *Corollarium Paradoxum* cognoscas. Etenim, si ex fundamentis ibi iactis supponas, in corpora quædam agere posse Flammam ut *Menstruum*, nequaquam abhorret à verisimili, uti omnia ferè alia Menstrua, sic Flammam quasdam ex particulis suis unire cum particulis corporum, quæ actioni ipsius exponuntur: Cumque particule istæ passim omnes (ut in *Paradoxe* de materia combustibili Flammarum) vel salinæ sint, vel simili tali penetrante & terrea naturâ prædictæ, mirum non est, iis in poros adauctis, vel firmitudinè ad hærentibus particulis corporum, earum actioni expositorum, accessionem tot

corpusculorum, gravitatis haud exortium, esse ex copia sua in bilance notabilem, in qua unum alterumve, vel pauca horum corpusculorum, nullum effectum visibilem sortirentur.

Possent hic, si consultum esset, scrupulos quosdam insolitos de prægressis Experimentis, atque alios etiam de sequentibus movere: Verum, ne nimis suspicacitatis & Scepticismi me insimules, eos prætermitto; ad proximum Experimentorum genus pedem promovens, in quibus licet materia non semper fuerit manifestè percussa à Flamma *lucens*, actionem tamen subiit ab eo, quod *Flammam* vocarent illi, qui vocem illam non strictè, sed latius accipiunt, quæque igneam hanc substantiam magis propriè insignite licet, quàm si communis *Ignis* nomen ipsi imponeret; cum hic visibiliter in prunis ardentibus aliæ materia crassa stabuletur, contra quam metalla nostra tutamen habebant. Atque alibi per Experimenta ostendi, *Visibilitatem* non semper esse actuali flammæ necessariam, inprimis quando oculus prædominanti impressione à luce alia afficitur.

EXPERIMENTA SECVNDI GENERIS.

EXPERIMENTVM III.

[Crucibulo, cujus parietes ex industria fuerant circumcirca ita dejecti ut per breve redderetur, immittebatur laminarum cupreatum *uncia una*; eaque fognoprobatorio imposita, ibique per duas horas servata, tuncque extracta, Cuprum (quod fustum non erat) appendimus, cineribus omnibus prius difflatis, invenimusque illud ponderasse *unciam unam & grana triginta*.]

EXPERIMENTVM IV.

[Cum Cuprum, redactum ad ramenta, indeque ampliolem consecutum superficiem respectu molis suæ, magis expositum iri crederemus actioni Ignis, quàm si formam laminæ, ut prius, oblineret; sumptimus metalli illius *unciam unam* in ramenta redactam, illque depresso admodum crucibulo impositis, quod fornica regulæ cooperiebamus, ipsa per trihorium inibi asservavimus (dum alia nonnulla, quæ tantum temporis spatium poscebant; cupellationem patiebantur;) dehinc verò iis exemptis, colore perquam obscuro ea imbuta deprehendimus, non fusa, sed in unam simul massam compacta, ponderèque (difflatis cineribus & pulvere) granorum quadraginta novem aucta. Cujus incrementi pars, supra quod obtinebatur ex laminis cupreis in Experimento prægresso, non improbabiler longioris temporis debetur, quo in hoc Experimento Cuprum ramentosum in igne fuit detentum.]

EXPERIMENTVM V.

[Exploraturus, num calcinatum cornu Cervi, in quod Menstrua corrodentia non faciliè operari inveniebam, quicquam retineret Flammæ Ignisve cui exponeretur,

De FLAMMÆ PONDERABILITATE.

7

accretur; appendimus molecularum Cornu Cervini, ad albedinem usque, *unciam unam*, iisque crucibulo impositis & in furno probatorio per bihorium asservatis, dum metalla quædam vi ignis ibi purgarentur; deprehendimus, eas furno & crucibulo exemptas, *sex septemve grana* ponderis prioris deperdidisse. Cujus forte causa est, vel quòd, non obstante externâ albedine molecularum, interiores quædam partes earum non adeò exquisitè fuerant calcinatæ, sed oleagineam quandam aliâve volatilem substantiam retinebant; vel quòd, omisâ debitâ earum ignitione priusquam appendebantur, fieri possit, eas inde à prima earum Calcinatione humidas quasdam particulas aëris imbibisse: Quæ conjectura eo videbatur verò similior, quòd, iis ad tempus retentis in bilance in qua ponderatæ fuerant, trium quatuorve horarum spatio, ibi nonnihil præponderarent. Quâ occasione edictum, nos eodem tempore unâ cum Cornu Cervinò imposuisse probè igitur laterculi *unciam unam*, paritèrque per bihorium ibidem detenuisse; dehinc eâ appensâ dum caleret, non deprehendimus ejus pondus vel auctum vel diminutum sensibilibiter fuisset; post tempusculum aliquod in bilance videbatur aliquantulum, quòd tamen per paucum erat, humiditatis ab aëre hausisse.]

EXPERIMENTVM VI.

[Catinò bonæ notæ *unciam unam* Stanni Anglici melioris inmittebamus, eâque sub tegula fornicata furno impositâ, quanquam mox funderetur, non tamen locum suum priorem deserebat, sed in concava superficie catini remanebat, donec sub bihorii finem probè calcinatum appareret; tuncque exemptum Stannum & seorsim appensum *drachmam integram* lucratum fuisse deprehendimus.]

EXPERIMENTVM VII.

[*Uncia una* Plumbi impissa fuit catinò, ex calcinato Cornu Cervi factò, tegulæque fornicatæ supposita, postquam catinus fuerat calefactus, & tum demum appensus. Plumbum hoc non penetraverat in catinum, sed in elegantius quoddam lithargyrum in superficie ejus fuerat conversum, catinûmque distregerat, quò factum ut pars quædam catini deperdita fuerit in furno; reliquum tamen, unâ cum Lithargyro, *septem grana* pendebat ampliùs quàm *uncia* Plumbi catinûsque calefactus ponderaverant quando imponebantur.]

At verò, quanquam Experimentum hoc testabatur, aliquid ponderis acquisitum fuisse à Metallo, vel Catino, vel utroque; cum tamen ex hoc non constaret, quantum alterutrum eorum acquisivisset, ex re videbatur, ulterius Experimentum peragere.

EXPERIMENTVM VIII.

[Catinum ergò accepimus *duas* circiter *uncias* ponderantem, ex decem partibus præter-propter cinerum osseorum, & una parte cinerum carbonum ligneorum, cerevisiæ non lupulatæ beneficio, confectum. Hic seorsim impone-

batur furno probatorio, sub tegula fornicata; & operarius, librandi peritus, iussus fuerat eum eximere omnino excofactum, atque ponderare dum in statu illo erat (me tunc præsentem.) Hoc facto, actutum tegulæ fornicatæ iterum fuit suppositus, ubi corpora quædam metallica cupellationem sustinebant, ibique per bihorium circiter asservatus: quo temporis spatio elapso exemplis fuit candens, & mox eisdem bilanci, ut prius, impositus; ubi, diffatis cineribus: deprehendi, cum non nisi *duæ uncia & duo grana* nobis suppetere quando tegulæ fornicatæ primò subtraheretur, nunc, eodem pondere lanci adversæ imposito, eundem tantum non *grana viginti & unum* acquisivisse. Atque hic nota, me non citra rationem curasse, ut Catinus appenderetur candens. Sulpicabar quippe, siccitate ossis non obstante, pondus ipsius aliquantulum variari posse, ex particularum quarundam in aëre vagantium haustu. Atque hanc suspicionem eventus comprobabat: Catinus enim, contaponderatus, ut refrigereret super bilance relictus, brevi temporis spatio sensibilibiter præponderare cœpit; ibidemque per novem vel decem horas durare permixtus, donec scilicet in aliam rem bilance opus esset, sub dicti temporis finem *granorum* circiter *trium* pondere auctus à nobis deprehensus fuit.]

Non erat hoc Experimentum unicum, quod de augmento ponderis Catinorum peregrinus; sed hoc cum esset omnium maximè perfectum, ab iisque casibus immune, quibus reliqua non omnino exempta fuere, contentus ero hoc ipsum enarrasse. Quod dum feci, visum mihi fuit incrementum ponderis *Catini* annotare, postquam moram egerat in bilance, nec non hanc circumstantiam, quod appenderamus eum dum omnino canderet; cum istiusmodi circumstantiæ, quippe extra suspensionem, non ita facili, à peritis etiam Expertoribus, considerentur; & tamen Catini, quando ritè fuerat attemperatus, libratio, ejusdemque iam ab igne remoti non satis citra libratio, obesse possunt iis, qui Experimentum hoc reiterabunt, quo minus cautè & accuratè satis id peragant. Si enim omittatur circumstantia prior, id quod Catinus videri possit de substantia sua deperdidisse, nil erat nisi adventitia aëris humiditas; & si negligatur posterior, pondus quod videri possit acquisivisse ab igne, reverà aquosis particulis Aëris acceptum erat ferendum. Optarem, experimentum fieri; eundemne res sortitura esset successum in Catinis ex differentibus cinerum Osseorum generibus confectis, nec non aliis materiis, in eam rem adhiberi solitis. Id enim mihi experiri commodum non fuit.

EXPERIMENTVM IX.

[Cum Ferrum tale sit metallum, in quod, experientiâ meâ teste, facilius agunt Fluida particulis salinis instructa, quàm vulgò creditur; non erat à ratione adieci expectare, Flammam vim majorem exerturam in illud (maximè si ad exiguas partes prius redigeretur,) quàm in corporum hæcenus descriptorum ullum. Quæ supposito ex brevi nota sequenti confirmatur.

[Ramentorum chalybeorum *drachma quatuor*, per duas horas in catino sub fornicata tegula detentæ, incrementum ponderis acquirebant *unius drachmæ & sex granorum* cum quadrante.]

EXPERIMENTVM X.

[Frustum quoddam Argenti, in nostramet officina Chymica repurgatum, catino sub tegula fornicata immisum, ibique per sesqui-horam detentum dum alia repurgarentur, exemptum fuit iterumque appensum; cūque prius ponderasset *drachmas tres, & grana triginta duo cum quadrante*, nunc in eadem bilance ponderabat *drachmas tres, grana triginta quatuor & dimidium*.]

Hæc notâ inter aliquot alias de corporum Igni expositorum pondere inuentâ, præter rem non putabam, eam hoc loco adiciere; quanquam cū nonnisi una sit, neminem eâ nisi velim donec per plura Experimenta constet, fueritne quid amplius quàm casu factum & anomalum Experimentum. Et si repurgatum non fuisset Argentum, suspicio me subiisset, Cuprum, quod commixtum ei erat, uti passim commiscetur Argento vulgari, illud ponderis incrementum peperisse.

POST-SCRIPTVM.

Ex quo tempore Experimentum prægressum fuit conscriptum, datâ mihi opportunitate Experimentum adhuc semel repetendi, peregrimus illud cum *seminis* ramentorum Argenti, probè in nostro, met. Laboratorio, mediante Plumbo, repurgati, perque trihorium circiter in catino detenti. Eo autem post dicti temporis lapsum exempto, invenimus illud colore minùs quàm antè grato, atque in massam (non tamen adeò perfectè) fusum, quæ ponderabat *drachmas quatuor & grana sex*. Veruntamen, cū successus hic sit adeò heteroclitus, atque, dummodò jugis fuerit, tanti momenti, optarem sanè, rem ulteriùs in differentibus metalli illius quantitatibus Experimento submitti.

EXPERIMENTVM XI.

[Sumptâ *drachmâ unâ* ramentorum *Zinkii*, ut vocant, aliàs *Speltzi*, eaque immpositâ catino sub tegula fornicata, ibidem super igne probatorio per tres horas eam detinuimus (re sic ferente ut Cupellatio tandiu in aliorum Experimentorum gratiam continuaretur); dehinc retracto catino, dictam materiam in fragilem fuscâque massam compactam invenimus, ramentorum calcinatorum speciem præ se ferebat. Hæc massa in eadem bilance ponderata deprehendebatur *sex granorum* incrementum, adeoque partem prioris ponderis decimam acquisivisse.]

EXPERIMENTVM XII.

Inter varia de Metallis vulgaribus Experimenta, visum fuit unum alterumve capere de metallo quodam, ex *India Orientali* nobis allato, ubi *Tusenâg* vocatur; quod nomen cū Chymicis nostris *Europais* sit incognitum, alibi conatus sum aliquam metalli illius rationem reddere; unde Notam sequentem, quippe

quæ directè ad institutum nostrum præsens facit, huc transcribam.

[*Quibus drachmis* ramentorum *Tutenagi* catino immixtis, ibidemque sub tegula fornicata per bihorium circiter detentis, ramenta illa fusa non fuere in massam metallinam, sed speciem præ se tulerunt ac si *Cerussa* & *Minium* pulverisata, commixta fuissent; quibusdam ejus partibus albedinem, aliis rubedinem obtinentibus. *Calx* bilanci imposita reperiebatur acquisivisse *grana viginti quatuor cum quadrante*. Alio tempore Experimento simili ratione iterato, invenimus, duas *Tutenagi* illius in ramenta redacti drachmas lucratas fuisse par ponderis incrementum, grano non integro minus.]

Adè ut *Indicum* hoc metallum plus videatur acquisivisse in igne, ponderis sui ratione, quàm ullum hæctenus à nobis Experimento subjectum.

EXPERIMENTVM XIII.

[Cupiens evidenti Experimento confirmare quod alibi trado contra vulgarem illorum opinionem qui credunt, in omnibus Cupellationibus omne ferè Plumbum, in iis adhibitum, unà cum metallis vilioribus, ab Argento Auròve repurgandis, sumi specie avolare; uti sanè in quibusdam Cupellationum generibus insignis portio ista ratione potest diffilari: Sumebam probi Plumbi *uncias duas*, & ramentorum Cupri *drachmam unam*, & exandefacto catino, eoque festinanter è furno exempto, & dum fervebat appenso, eundem actutum, unà cum duobus metallis illi immixtis, in furnum probatorium reponi curabam; ubi per duas circiter horas detentus, extractus inde fuit; deprehensumque, juxta quod (ut alibi * annoto) in circumstantiis ejusmodi solet accidere, nihil cum in superficie sua habere quod operæ precium esset seorsum in bilance appendere; in qua Cæsius, ei impositus, pondus æquabat *unciarum quatuor cum drachmis tribus & granis undecim*; quod ostendit, grana duntaxat novem defuisse toti ponderi Catini & amborum metallorum, quando omnia illa tria simul igni commixtebantur.]

Sic ut; liberalis licet concedatur subductio incrementi ponderis, quod ulla cum verisimilitudine supponi potest acquisitum à Catino & à materia illi imposita, quivis tamen facile sit largiturus, multò maximam partem metallorum non per fumos fuisse diffilata, sed in substantiam Catini penetrasse.

EXPERIMENTA TERTII GENERIS.

Postquam ostendi, vel Flammam vel Analogos effluxus Ignis, cum Metallis Mineralibusque, quæ actioni ipsius *nuda* exponuntur, coagmentari; existimabam sanè, rem esse experendam, si detegi posset, subtilissime satis hæc Flamma Ignæumve hoc fluidum foret ad ullam talem operationem in similia corpora, ab immediata ipsius contactu per sui in vasis probè obturatis inclusionem munita, exercendam. At cum perdifficile sit, corpora in *vitris* violento igni citra vitri fracturam vel fusionem exponere, quibus casibus frustra fieret Experimentum; visum mihi

* In Exercitio, 6. de Virilitate Philosoph. naturalis.

mibi fuit, primò adhibere crucibula luto probè coagmentata, ne quicquam *vissibiliter* vel ingrederetur vel exiret; Atque conatus hujus sequentia monumenta in Adversariis meis reperio.

EXPERIMENTVM XIV.

[Accipimus *unciam unam* Chalybis, recentè à metallo illo abrasam, ne ferrugine ramenta laborarent; iisque inter duo crucibula conclusis, ut priùs, in vehementi igne per bihòrium ea detinuimus, passique fuimus ut inibi permanerent donec ignis exstingeretur. Reclusis crucibulis, ramenta firmiter compacta apparebant, obscurumque colorem, nigro & cyaneo intermedium, acquisiverant, & ponderet *granorum quinque* aucta erant.]

Experimentum hoc cum sit istius familiæ primum, à me commemoratum, præter rem non fuerit, sequenti notà illud confirmare.

[*Uncia una* ramentorum Chalybis duobus crucibulis ad invicem lutatis conclusa, postquam ea in igne ultra sesquihoram duraverant, exemptis iis & appensis deprehensum fuit, ea *sex grana* acquisivisse.]

EXPERIMENTVM XV.

[*Uncia dua* laminarum Cuprearum imponebantur, crucibulo novo, quod cooperiebatur minore, commissuris etiam luto chynico probè obductis, ne quicquam illaberetur. Eodem modo *dua uncia* Stanni duobus crucibulis concludebantur, nec non *dua uncia* Plumbi. Hæc immissa futno probatorio, per sesquihoram circiter in igne vehementi detenta fuere, dum scilicet alia ibidem explorarentur. Tum verò exemptis iis comperimus, laminas *Cupreas*, quamvis còhærent, non fuisse tamen planè fusas, nonnullasque earum acquisivisse squamas, Cupri ad instar igni nudo immissi, istasque duas uncias pondus *granorum octo* lucratas fuisse: *Plumbum* pervasisse sùfidum crucibuli, adeoque propositam observationem elusisse: *Stannum* verò acquisivisse pondus *granorum sex*, reductumque fuisse ex parte in calcem perquam candidam, majorem verò ejus partem in massam, elegantì colore luteo, Aurum ferè æmulante, nonnihil tamen saturiori, imbutam abuisse.]

Experimenti hujus prosecutionem, quoad laminas *Cupreas*, invenies in *Exper. 21.* ad quod proinde te remitto.

N.B. Quoniam Plumbum in Cupellatione penetrat in catinum, lubeat experiri, possemusne illud ab ingressu isto exenas arcere, ut rationem iniremus, quam ponderis mutationem operatio ignis in ipso efficeret: Quapropter cum copia nobis jam facta esset conjectandi præter propter, quantum aliqua Plumbi portio acquirere posset per sui in catino calcinationem, memoresque insuper essemus ex priorum nostrorum Experimentorum nonnullis, quid ineptitudinis Stanni in Plumbo cupellando conciliet, miscuimus *drachmam unam* Stanni cum Plumbi *drachmis duabus*, & cramoto (in catino) sub tegula fornicata igni exposito,

exposito, id primò ad fusionem redegitur, tuncque in superficie siccam, tumens, decolorque videbatur; quo non obstante, continuatà per insignis temporis spatium operatione, ob alia eodem igne conficienda, non fuimus adè felices ut Experimentum deducetemus ad finem hìc commemoratu dignum, habito ad scopum suprà propositum respectu; quanquam alterius consilii respectu gratus satis successus fuerit.

EXPERIMENTVM XVI.

[Supponentes, si Cuprum tunderetur in laminas tenuiores illis, quas nuper adhibebamus, diutiusque in igne detineretur, insigniorem in iis effectum inde oriturum; sumptuosius frustorum Cupri perquam tenuiter malleatorum *unciam unam*, iisque intra duo crucibula se invicem cooperantia, conclusi, ut in *Exper. 15.* factum, luto ad juncturarum angulos applicato, ne ignis metalla immediatè attingeret, ea per tres circiter horas in furno domesticò detinuimus; tuncque disjunctis vasis, invenimus metallum substantià fuscà friabilique contextum, illam referente, quam in Experimento suprà recitato descripsimus. Ea verò substantia desquamata cum esset, eleganter coloratum metallum comparebat, quod, una cum his ustis squamis, pondere æquabat *unam unciam & grana unum & viginti.*]

Si, dum hæc agebantur, instructus fuisset bonæ notæ cæmento, quod non adè comparatur facili ac Chymici, qui non crebrò adhibuere cæmenta vulgaria, sibi persuasum habent; Experimentum sequens peregissem per insigne temporis spatium in Igne aperto, quantumvis nonnulla Mineralia metallina vix reduci se ad fusionem patiantur in Vitris, præsertim absque igne ejusmodi, cujus vi vasa distinguuntur. Cogitabam quippe, posse me, apta eligendo metalla, incommodum illud præcavere. At commodo, quem cupiebam, apparatu destitutus, ratus tamen, posse me in furno Arenatio gradatim præbere calorem, tam fusibili metallo, quale Strannum est, fundendo, eique in fusione retinendo sufficientem; Experimenta quædam tentare statuebam, super id ipsum primò, deinde super aliud metallum. Etenim sciret certus non essem, posse me Experimentum hoc prosequi ut par erat; sperabam tamen, saltem visurum me effecta quædam sentaminis mei primi, unde, quid de perfecto quodam mihi expectandum foret, conjectari possem.

EXPERIMENTVM XVII.

[Accepimus igitur frustum Stanni puri (quod Anglis *Block-Tin* vocatur,) inque proba bilance curatè appendimus ejus *selebram*; Hanc selectæ Retortæ vitreæ immisimus, inque furno Arenario per biduum vel circiter detinuimus, qui furnus sat præbebat caloris ad metallum in fusione servandum absque vitri fractura. Tum metallo exempto, cum cura illud in eadem bilance ponderavimus, superficie ejus nonnihil alteratà (quasi ad calcinationem tenderet,) repetimusque pondus auctum *grana duobus & aliquantum amplius.*]

EXPERI-

EXPERIMENTVM XVIII.

[Alterum Experimentum, quod tentabam in vitris, erat de Argento-vivo; sperans, si possem conficere Præcipitatum *per se* in Vitro Hermetice sigillato, nactum me, comparando Præcipitati & Mercurii illud suppeditantis pondus, evidens in rem meam Experimentum; quin & consecuturum me Experimentum non spernendum, si res succederet in vase vitreo, licet non sigillato, probè tamen clauso; loco vitrorum illorum, ut vocant, *Infernalium*, quæ passim adhibentur, & aperta relinqui solent (quamquam nonnulli ea leviter chartâ vel gossypio obturant:) Sed quamvis, partim ut nonnihil variarem Experimentum, partim ut successum probabiliorem redderem in vitrorum uno vel altero, Mercurium dispesce-rem, & in aliquot vitris distribuere, nec nisi parum erogarem singulis, successus tamen expectationem nostram fefellit, quoniam vitra Hermetice sigillata infelicitè frangebantur, & Præcipitatio in cæteris adeò segniter procedebat, ut aliorum vocatus Experimentum relinquere imperfectum teneret: Animus tamen additus mihi fuit (commodum si deinceps foret) aliâ vice illud iterandi, eo quod reperiẽbam, pleraque illa vitra, procera licet & obturaculis subercis aptè clausa, Præcipitatum perelegans suppeditasse, quamquam non eâ copîa quæ instituto meo satisfaceret.]

EXPERIMENTA QUARTI GENERIS.

Pleraque Experimenta, hæcenus recitata, peracta cùm fuerint quasi *παιρῶν* cum aliis, quorum indoli & commoditati ipsa ut obsecundarent omnino par erat; nonnulli pauca admodum ex corporibus expositis in Igne docimastico ultra bihorium vel circiter detenta fuere. Qua de causa visum fuit experiri, quantum ponderis nonnulla corpora, quæ igni exposita jam fuerant, acquisitura essent, si ei rursus exponerentur; mecum imprimis revolvens, pleraque corpora calcinabilia (non enim id dico de *omnibus*) quæ *calces* potius quàm cineres præbent, dum citra additamentum ad subtilem pulverem in igne redigebantur, visa mihi fuissè per illam actionem reclusa, proindeque apta forsàn, quæ, ulteriori operatione admixtâ, pondere augerentur, talis Menstrui adminiculo, quale esse Flammam igneasque Exhalationes arbitrabar. Et circa hanc conjecturam Tentamina sequentia adiciam.

EXPERIMENTVM XIX.

[*Uncia una* Calcis Stanni, quæ in officina nostra Chymica fuerat præparata *per se* in Experimenti alicujus usum, novo catino immixta, & sub regula fornicata per bihorium circiter detenta, inde exempta fuit fervida & bilanci imposita; ubi pulvis ille lucratu fuisse deprehendebatur pondus *drachmæ unius & granorum triginta quinque* per Ignis operationem, quæ etiã multo majorem prioris albedinem

albedinem ei conciliaverat; uti ex comparatione ejus cum nonnulla calce, igni secundo non expositâ, patebat. Nulla pars substantiæ illius, quam *Purity* vocamus, (quantum quidem percipere nobis licuit,) Ignis vehementiâ fusa erat, multò minus in metallum redacta.]

EXPERIMENTVM XX.

[Ex portione quadam ramentorum Chalybis, quæ antè fuerant igni exposita, suoque pondere creverant ad aliquot grana, sumpsimus *unciam unam*, eaque eodem tempore, unâ cum Calce Stanni, igni expositâ, perque idem temporis spatium in igne detentâ, elapso bihorio eam exemimus, pondusque auctum invenimus *duabus drachmis & granis viginti duobus*. Ramenta firmiter ad nodum erant compacta, massaque diffusa Ferrum quasi referebat.]

EXPERIMENTVM XXI.

Sequens Experimentum, licet respectu quodam videri possit nonnisi Continuatio *Exp. 15.* in hoc tamen peculiare quid continet, & à reliquis omnibus diversum, quod non solum instantiam suppeditat incrementi ponderis à metallo comparati secundâ vice quâ igni fuit expositum, sed etiam ostendit, obtineri quoque ejusmodi augmentum posse, etiamsi secunda hæc ignitio in vasis obturatis peragatur.

[Aliquâ Cupri, *Exper. 15.* commemorati, portione casu deperditâ, residui *uncia una & drachma quatuor* intra duo crucibula concludebantur, ignique vehementi per bihorium exponebantur, sed & ibidem durabant donec extingueretur ignis: Exempta materia deprehendebatur acquisivisse pondus *granorum decem*, nobis simul observantibus, inesse partibus laminarum superficialibus fuscas quasdam squamulas, quarum nonnullæ metallo hærebant, plurius tamen, cum id manibus versaremus, inde decidentibus.]

Atque hic finiam duarum propositi nostri Tractatuli partium unam: Quamvis enim meminerim, non explere hæc totum Experimentorum illorum numerum, quæ peracta fuerunt consignatæque circa argumentum, de quo hæcenus egimus; præcipua tamen sunt, quæ, cælibus aliorum quorundam immunitia, inter Adversaria mea promiscua reperio. Eorum verò numerum, cum ea colligerem, augere vix potui, postquam his aliisque diversorum generum Experimentis Catinos meos & Vitra commoda eo in loco consumpseram, ubi reparare jacturam meam commodè non licebat. Potuissēne adminiculo Reductionis, Gravitatis specificæ, ullâve aliâ ratione, quæ mentem meam subibat, substantiæ illius incrementum ponderis in Ignitis nostris corporibus constituentis, indolem detegere, tum ob oîi, tum apparatus, ædulo huic penso necessarij inopiam, cognoscere non dabatur.

Interim tria sunt, quæ per tradita lucratum me sperem. Primum est, rationem subesse ut cautius impostetum circa Experimenta illa versetur, quæ

de metallis in igne peracturi sumus, Cupellationis præsertim adminiculo. *Proxi-*
ma, Ea comprobatura quædam in aliis meis Scripſis loca, quæ substantiam il-
 lam, qualiscunque deinceps ea fuerit, de qua nunc verba facimus, spectant; nec
 comprobatura solum, sed & iis faciliorem fortè assensum conciliatura. *Tertium*
 denique, (quod & palmarium,) ea Te & Amicos Tuos, naturæ scrutatores, susci-
 tatura, ad sagacem vestram exercendam solertiam, ut scilicet exploretis, qualisnam
 ea substantia sit, quæ licet hætenus fagerit ipsos Philosophos, atque, cum sit
 quid Fluidum, longè sit visibilibus liquoribus subtilior, & compacta solidaque
 metallorum corpora penetrare valens, aliquid tamen addere iis potest, quod pon-
 dus non spernendum in bilance obrinet, estque potis per insigne temporis spa-
 tium in igne durare.



EXPERIMENTORVM MANTISSA

De

CORPVSCVLIS IGNEIS SISTENDIS PÖNDERANDISQUE.



UM Experimenta eo fine peracta, ut Incrementum ponderis in corporibus, etiam vitro inclusis, detegatur, ea sint, quæ mihi videbantur omnium probabilissimè meum in conatu hæcenus instituto propositum expletura; cùmque *Exper. 17.* eique proximum (de *Mercurio sumptum*,) deprehenderim valdè lentum, ejusque effectum non adeò notabilem; cæpi ad animum revocare, quod, multis abhinc retrò annis, Experientia mihi factu possibile, de vasīs Vitreis, etiam citra loricam, in nudo igne versandis ostenderat, diuinmodò vir cautus iis invigilandis jugiter adhiberetur. Atque exinde ratus, non longiori tempore quàm Operator aliquis posset, citra lassitudinem, durare id observando vitro, Metallum nudo igni in ipso expositum suppeditare nobis posse Experimentum multò felicius eo, quod nuper inuimus; statuebam equidem, quando copia mihi daretur vitrorum quorundam commodè figuratorum, consilium meum profèqui; quod dum moliebar, licèt nulli mihi suppetere in rem meam furni, Operatorem jubebam Experimenta peragere quæ sequuntur.

EXPERIMENTVM I.

[Sumpsimus Stanni puri *uncias octo* (pondetis *Troiani*, ut vocant,) quod, in particulas sectum, immixtum fuit validiori phialæ longo collo insigni; tùmque cautè super ignitos carbones, iis tamen non contactis, detentum, donec esset fufum: quo factò, continuà propemodùm agitatione, ad calcinationem promovendam, per horam circiter motitatum fuit, metallo per totum illud tempus in fufione remanente, vitrisque in aliqua à carbonibus planè ignitis distantia servatis. Maximà hujus temporis parte orificium phialæ objectum erat calyptrà papyraceâ (quæ quandoque vitri motu decidebat) ad præcludendum aëri & carbonum

num halitibus in collum ingressum. Atque sub dicti temporis finem, lassato eo qui vitrum tenebat, manūque ejus tantum non ustulata, phiala ab igne remota diffraeta fuit, ut metallinam massam eximeremus, in cujus superficie hic illic paululum calcis fulcæ apparebat, at multò amplius infra, ubi vitri fundo contigua fuerat: Tum verò torā hac malsā, sollicitè ab omnibus fracti vitri fragminulis detersā, eidemque bilanci cum eodem planè contrapondio, priùs adhibito, impositā, deprehendi, expectationi meæ congruenter, tale ponderis incrementum, quod æquabat *grana octodecim*, quæ Stannum hac operatione acquisiverat.]

EXPERIMENTVM II.

[Hoc factò, separabamus Calcem, ne ejus faceremus jacturam, metallòque fuso in crucibulo, ut hac ratione effusum in tenues bracteas reduceretur quæ secari in frustula possent, iūque aliam ejusmodi, qualis prior erat, phialam immitti, idipsum rursus, unā cum Calce jamiam asservā, appendimus, sed deprehendimus, quantacunque etiam fuerit cura nostra, deperdidisse nos *grana tria* ex octodecim illis, quæ acquisiveramus. Exinde Metallum alii phialæ immisimus. At quia brevius erat collum quàm prioris, nec posset, illius ad instar, diu manibus teneri; quoniam etiam explorare cupiebam, quid præster Stanni fusi agitatio in Calcinationis celeritate, vitrum, quod tegumentum chartaceum habebat ad aërem fumūque arcendum, in quadam à carbonibus distantia fuit detentum, idque solummodò dum Stannum fundebatur: deinde verò cautè fuit ipsis super-impositum, ibique per duas horas relictum; quibus elapsis amotum rursus fuit, metallūque, cum eodem contrapondio eademque bilance ut priùs, appensum; tūque deprehensum à nobis fuit æquare *uncias octo & grana viginti quatuor*, plūsq; habere calcis separabilis, quàm vice primā. Nec multum mirabar, pondus in posteriori hac operatione nonnisi *granis novem* auctum fuisse bihorio, cum in priori auctum fuerit duplo amplius, tempore dimidio; quoniam scilicet durante bihorio virtum in uno semper positū fuit servatum, cum è contra in operatione prima jugiter ferè agitata fuerit toto tempore quo in fusione conservabatur. Atque animadvertum fuit, fusorum Mineralium agitationem multum promovere Ignis in ea effectum, & ad eorum Calcinationem conducere.]

EXPERIMENTVM III.

[Quamquam Experimenta hæc satisfacere cuivis non admodum scrupuloso possent, ut tamen & tales convincantur, aggrediebar, ne quicquam obstante conatus difficultate, Experimentum peragere in Vitris Hermeticè sigillatis, ut omnem antevertere suspitionem, quicquam scilicet ponderi metalli aucto accessisse ex ullo fumo, ullisve particulis salinis, per vasis orificium irrepentibus. Atque ut hoc consilium exquerer, modum excogitabam ita sigillandi Retortam hermeticè, ut apertò igni citra fissuram fracturamve exponi posset; cujus Tentaminis processum ita consignatum invenio:]

[Probi Stanni *uncia octo*, cum cura appensæ, in nova Retorta parvula, longo collo instructâ, hermeticè fuerunt obfignatæ. Manu tenebat collum Operator, cautèque approximabat Retortam carbonum lignorum igni accenso, prope quem in fusione servabatur metallum, quod & subinde agitabatur per semihoram circiter; quo temporis spatio acquisivisse in superficie videbatur fuscum ejusmodi colorem, qualis calcinationis alicuius initium arguebat; semitebæque non solum fumos sulque deque vagantes, sed & liquoris guttas duas trêve in Retortæ collo largiebatur. Operator cum ferre amplius nequirit vitri fervorem, carbonibus vivis impositum id fuit, ubi metallum porro per horæ quadrantem circiter in fusione remansit. At priusquam tempus adesset, quo illud refrigerari volebam, eo sine ut amoveretur, subito dissiliebat in frusta quamplurima, cumque strepitu tali qui bombardæ sonum referret, nullâ tamen (Dei beneficio) noxâ vel mihi vel aliis propè admodum adstantibus illarâ. In collo guttas qualdam invenimus liquoris flavescents, quem vir quidam Illustris à se gustatum, ingrati admodum, sed peculiaris, saporis esse affirmabat; quoad Odorem verò, valde fœtidum eum ipsemer sentiebam, nec illi absînimem, quem distillatum Oleum Piscium de se spargit.]

Verùm enim verò, licet primum nostrum huiusce generis Tentamen ita elusum fuerit, non propterea animo cecidimus; quin potius, idem institutum consecutantes, peregrinus Experimentum sequens.

EXPERIMENTVM IV.

[Stannum, quod prius fuerat (in primo vel simili tali Experimento) ex parte calcinatum in vitro, fustum rursus in crucibulo, ad reducendum ea in frusta satis exigua ut alii vitro immitterentur, denuò impositum fuit bilanci; & auctario seposito, ut præcisè remanerent uncie octo, hæc vasi globoso, ex vitro albeni confiato, collumque viginti pollices longum obtinente, immisæ fuerunt; quo hermeticè sigillato (postquam vitrum ad tempus super igne motitatum fuerat, ne ex aëris rarefactione dissiliret) metallum in fusione detentum fuit per horam cum quadrante, sic affirmante Operatore, cum ipse, advenarum consortio impeditus, præsens esse non potuerim. Nolens vitrum diutius in casum dare, ab igne a novit illud, eoque refrigerato apex sigillatus fuit effractus; sed priusquam sinetem ut excinderetur fundus, observabam, metalli superficiem superiorem colore perquam fusco imbutam fuisse, nec lævem, sed valde mirèque asperatam, partem verò inferiorem, fundum inter & imum massæ, insignem satis copiam habuisse calcis solutæ, nigricantem colorem obtinentis; quanquam vicina superficies, & nonnulla loca massæ ipsius ad candelæ lucem (nocturnum enim tunc tempus erat) colore aureo imbuta conspicerentur. Massa & Calx simul accuratè appensa fuere in eadem balance, invenimusque, auctum fuisse pondus *grana viginti tribus* & amplius, quanquam omnis Calx, quam separare in proclivi erat, scorsim ponderata, non æquaret scrupula quatuor, sive *grana octoginta*.]

In Experimenti hujus confirmationem aliud subiungam, (in quo non nisi pars quarta tantæ metalli illius quantitatis fuit adhibita,) unâ cum eo successu, quem Adversaria mea indicant.

EXPERIMENTVM V.

[Stanni ramentorum *uncia due* cum cura appensæ, immittebantur Retortæ parvulæ; cujus collum deinde stricto ductu in apicem perexilem fuit protractum. Tum verò vitrum carbonibus a censis fuit impositum, qui fumos per strictum colli orificium insigni temporis spatio expellebant. Postea vitrum, apice suo obfignillatum, in igne ultra horas duas fuit detentum, tuncque: amotum, eodem apice fuit effractum; quo factò, ignem externum irruentem audivi, eò quòd, quando sigillabatur Retorta, Aer ejus internus rarefactus fuit vehementer. Deinde ventre vasis diffracto, exemptum fuit Stannum, massam constituens; circa quam nonnihil Calcis cæsiæ apparebat unâ cum globulis quibusdam valdè exilibus, qui ramenta fuisse videbantur in eam formam conflata. Totum illud ponderabat *uncias duas & grana duodecim*, cujus ponderis pars posterior acquisita fuisse videbatur ex ignis in metallum operatione. In Retortæ collo, ubi id coagmentatum erat ventri, subflava & viscida quædam substantia; tenuiter adhærescens, apparebat, quæ fœtidi propemodum Olei Tartari odorem referebat.]

EXPERIMENTVM VI.

Ad variandum progressa Experimenta, idque Minerale quoddam explorando, quod metallinæ indolis censetur, verum tamen metallum non est, nec ad fusionem reduci se patitur ab igne idèd temperato, qualis Stanno fundendo sufficit; partibus tamen instructum est minùs fixis quàm Stannum, quippe longè faciliùs sublimationem admittens; visum nobis fuit Experimentum capere quod sequitur,

[Sumpsimus *Zinki* ramentorum *unciam unam* accuratè appensam, eaque paricurâ vitro globoso immisissâ, collum ejus valdè graciliter protrahi curavimus; iussu deinde Operatore, ut illud super vivis carbonibus per statutum temporis spatium detineret. Postea domum reversus, vitrum ad me adferri, quod ipse aiebat se per quadrihorium super carbones detinuisse; adiiciens insuper, magnâ dicti temporis parte fumum visum fuisse à *Zinko* ascendere, & per apertum Apicem evadere. Et observabam ipse, superiorem vitri partem obductam esse Floribus, Sublimatõe; sub-cæso colore imbuto. Vitro ritè dissecto, non modò ramenta *Zinkæ* exemimus, quorum nonnulla in globulos erant conflata, sed etiam flores ipsos; & tamen his omnibus in eadem, quâ antè fuerant usi, bilance appensis, deprehendimus, unctiam illam *gravis quinque & amplius* defecisse. Id verò minus mirabamur, eò quòd Exhalationes jamiam memorata, quæ à Minerali abrafo fuerant emisse, diu continuaverant.]

EXPERIMENTVM VII.

In maiorem veritatis illius confirmationem, quæ ex nostra de Stanno enarratione patescit, iuvabat simile in metallum aliud Experimentum peragere; quod metallum, licet aliquanto difficilius ad fusionem reducatur quam Stannum, cum ratione existimabam posse, si quidem modicâ adhiberetur quantitate, & versaretur cautè, in vitro solum detineri citra fracturam. Proindeque appensis sollicitè *quatuor uncis* boni Plumbi, ante in frustula, vitti orificio apta, secti, iussi ea in parvam Retortam, longo collo instructam, immitti, in quo deinceps foraminulum relinquebatur, aciculæ capitellum non multum excedens. Tum edocto Operatore quid factum esset opus, me aliorum avocato, hanc ille reduci mihi reddidit, una cum allato vase vitreo, rationem: Detinuisse se illud super carbonibus per bihorium & amplius; cumque se ratum, periculum fractionis vitti nullum superesse, parvulum illud orificium modò dictum obfigillasse, ac deinceps per duas alias horas super carbonibus servasse. Priusquam vitrum (quod sigillo Hermæico probe munitum deprehendi) frangeretur, percepi frusta plumbi in massam unam abiisse, cuius fusca scabraque erat superficies, metallique partem in subnigram Calcem versam fuisse. Quod omne Retortâ exemptum, in eadè balance appensum fuit, & deprehensum ponderis augmentum *granorum tredecim*, & aliquantulum amplius.

EXPERIMENTVM VIII.

Ut ostendatur, Metalla non esse corpora sola, quæ ponderis incrementum ab Igne capere apta nata sint, visum mihi fuit explorare rem de Coralliis; de quo Adversaria mea hæc habent:

[Boni Corallii rubri fragminula hermetice obfigillata fuere in tenui bulla vitrea, postquam *duæ* ejus *drachmæ* in exacta balance appensæ fuerant; itque cautè, disjunctis intervallis, super accensis carbonibus detentis, ac tandem vase exemptis, comperit fuit, fragminula illa induisse colorem fuscum, atque *granorum trium & dimidii* circiter pondus acquisivisse.]

EXPERIMENTVM IX.

Suppetit Experimentum unum, quod licet alibi convenientius inferi potuisset, hoc tamen loco non est omittendum, cum ansam præbere queat, ut consideremus, possint in Experimentis prægressis, si ea exceperis quæ de Plumbo & Stanno in vasis sigillatis peracta fuere, plus ignis adhærescere corpori quod ipsi exponitur, cum eòve coalescere, quam quis merè ex recitatis ponderis eorum incrementis conclusum iret, Etenim, sumptâ recenti Calce vivâ fortiori, in selecti generis Experimentorum usum comparatâ, eaque, priusquam extinguere ipsam Aër posset, igni vehementi in catino per duas horas expositâ; reperi, cam
pondere

pondere auctam fuisse etiam nonnihil intra meammet expectationem. Ea quippè tempestivè bilanci impostâ, massulæ, quæ quando exponiebantur nonnisi *drachmas duas* ponderabant, nunc pondere æquabant *drachmas duas & grana viginti novem*; insigni profectò in rem nostram Experimento. Hinc enim pater, quamquam corpus possit per horas complures, quin & dies, igni admodùm violento exponi, capax tamen id esse jugiter corpuscula recentia admittendi retinendique: Aded ut, licèt ritè parata Calx passim observetur pondere multùm cedere Lapidibus unde conficitur, hæc tamen levitas non probet necessariò, usum lapidem Calcarium, licèt is multum materiz suæ per Ignem deperdididerit, nil tamen materiz ab Igne acquisivisse; sed hoc solummodò arguat, multò plùs eum perdidisse quàm lucratum esse. Atque hinc causa suspicandi, in præcedentium Experimentorum plerisque, accessionem particularum ignearum majorem fuisse (licèt & hic locum habeant magis & minus,) quàm ex Balance patebat; quoniam fieri potuit, ut quædam ex corporis expositi particulis fixis abigerentur caloris vehementiâ, attamen corpuscula ignea, quæ materiz residuæ hærebant, satis numerosa essent, non modo ut augmentum illud ponderis largirentur, quod reperiebatur in balance, sed & omnes illas particulas fugaces compensarent, quæ vi ignis expulzæ fuerant. Et quandoquidem aded fixum corpus ac est Calx viva, operationis ab Effluviis igneis exsertæ capax est, aded scilicet ut ea ipsi coalescant; operæ pretium forsàn fuerit expendere, Annon in aliis calcinatis incineratisve corporibus residuæ Calces cinctæve amplius quid retineant quàm nudam Ignis impressionem; nisi ed usque extendatur ejus significatio, ut & quandam substantiæ participationem denotet. Interim hujus loci non est excutere, agantne quicquam hæ particulæ, quæ lapideis illis Calcis vivæ partibus adhærent vel commiscuntur, in æstu illo & tumultu, quæ in Calcis restrictione producitur? Et licèt hoc Experimento illisquæ, quæ in Retortis obsigillatis peracta fuere, quæ equidem ostendunt, id quod ab Igne suppeditatur posse, modo corporeo, etiam corpora fixa & ponderosa invadere, iisque adhærescere & pondus addere, campus Naturæ mystis aperiatur amplissimus, cognitionem hanc complutibus Naturæ & Chymiz Phenomenis accommodare; hoc tamen argumentum hîc loci urgere supersedebo.



DETECTA
PENETRABILITAS VITRI
A
PONDERABILIBVS PARTIBVS
FLAMMÆ;

Vnà cum nonnullis in eam rem OBSERVATIONIBVS;
per modum Corollarii adiectis.

Ceu APPENDIX, *superioribus Experimentis de Sistendis*
Ponderandisque Corpusculis
Igneis subnexa.

TYPOGRAPHVS

Ad

LECTOREM.



*N*ecesse putem Lectoris, Extranei imprimis, moneri, Dissertationes hasce, aliæque Nobilissimi hujus Authoris Scripta, potius in Anglia quàm alibi locorum Latinitate donanda esse, eò quod comperitum est, tum domi tum foris, eas quæ alibi sunt Versiones, ubi occurrentibus difficultatibus consuli Author à Latinis Interpretibus nequit, sapius ab ejusdem sensu discrepare. Arbitramur igitur, eos, qui genuinum Authoris sensum cognoscere avert, præhabituos esse Versiones illas, quæ elaborata ab iis fuere, quibus licuit Authorem in rebus dubiis consulere, posthabitis Versionibus illis, quibus in proclivi est Authoris sensura perperam exponere, quicquid de vitiori libri præcio obtineatur.

Sed est quid aliud, quod Interpres Latinus moneri Lectorem cupit; Ipsi scilicet probe exploratum esse, has Dissertationes non finitas modò, sed & prælo commissas fuisse aliquos ante menses quàm Doct. Thomæ Bartholini Acta Philosophica & Medica comparerent in Anglia, in quibus duo vel tria occurrunt loca, quæ affinia videntur nonnullis quæ in posteriori parte Scripti de Experimentis circa sistendas & ponderandas partes Flammæ reperiuntur.

Denique advertere Lectorem velimus, In eo quod scripsit Author de Permeabilitate Vitri, satis ipso fuisse, cum Chymicis Medicisque supponere, Vasa vitrea nil materiam suam ad corpora illa conferre, quæ in ipsis præparantur: Et quanquam nosset, (ut ex antè dictis liquet,) posse forsan allegari, pondus à metallo incluso acquisitum, fuisse deperditum à vitro, cum tamen noluisse latius de suspitione ejusmodi differere, cuius omnes casus possibiles non possent paucis examinari, quique fortasse nimis sapere Scepticismum viderentur, idèoque si eos discusseres, aliena haberi vel fastidiosum parere possent.

DETECTA

DETECTA PENETRABILITAS VITRI

A

PONDERABILIBVS PARTIBVS FLAMMÆ.



T Obviam item supervacaneis quibusdam dubiis, quibus forrè ingenia exercentur suspicacia circa hanc, quæ in nostra Experimentorum Mantissa occurrit, circumstantiam; *Fuisse* scilicet *Vitra*, in iis adhibita, non exposita actioni merae Flammæ, sed carbonibus ligneis (qui videri quibusdam possunt nonnisi crassum quendam ignem continere,) superposita; utque insimul possem, variando experiendi modum, Experimenta istiusmodi & feraciora reddere Corollariorum; & cæteris meis consiliis utiliora; tentabam equidem experiri, Corpùsne aded tenue ac habetur mera Flamma, crassæ materiæ inops, rem nostram posset efficere, cum perspectum haberem, cautè rem ita tractando ita versari Retortam posse, ne ipsa, quæ demum cunque foret agitationis accensæ materiæ violentia, frangatur.

EXPERIMENTVM I.

Ratus itaque, bonæ notæ Sulphur commune, ob egregiam suam inflammabilitatem, flammæque fuz vehementiam & penetrandi vim, fore materiam instituto meo perquam accommodam; parari curabam parvum vas duplex ita elaboratum, ut unum tor carbonēs contineret quot erant Sulphuri in statu fusionis derivando necessarii, alterumque, quod multò minus erat, & patellæ formam habebat, Sulphur contineret Experimento nostro necessarium; ut denique hæc duo vasa commodò cemento sibi invicem ita coagmentarentur, ut totâ, præter patellæ orificium, summitate oclusâ scarbonum igne & fumo aliâ viâ expirante, non alius ignis ad Retortam adhibendam accederet quàm Urentis Sulphuris Flamma. Deinde Stanni ramentorum *unciis duabus* curatè ponderatis, commodæque Retortæ vitreæ, ita paratæ ut faciliè posset opportuno tempore in colli extremo obfignari, immisiss, accensum fuit Sulphur (quodè defæcatori debet esse familia) vitrumque sensim eidem expositum; quod ibidem duravit. Operatore me edocente (Sulphuris odore, mihi præ aliis adverso, inahibente ne ipse præsens essem) per bihorii fere spatium priusquàm funderetur metallum; quo tempore exacto, Retortam adhuc per sesquihoram fere, unâ cum metallo in ea fuso, derelinquit. Tum verò eâ mihi allatâ ut inspicerem, satis insignem fuscæ calcis

M 3 quantita-

2 DETECTA PENETRABILITAS VITRI

quantitatem in fundo deprehendi, partim etiam in superficie longè majoris partis metalli, quod nunc in unam massam coiverat. Parte illà Retortæ, quæ sigillata fuerat, fractâ, primò Calcem exemimus, deinde massam, isque bilanci, in qua priùs appensa fuerant, inpositis, deprehendimus, ea valdè manifestum ponderis augmentum acquisivisse, quod. n. & Operarius & Ego fallamur uterque, (schedæ namque, descriptionem coincidentes, jam præstò non sunt) erat *granorum quatuor & dimidii*, operatione recitatâ acquisitorum. Deinceps, partâ in capiendis hujusmodi Experimentis *ixneia*, tentamen fuit iteratum cum eadem ejusdem metalli ramentorum quantitate. Operatione finitâ (quæ tota nonnihil ultra bihorium duraverat) effractâque sigillato Retortæ collo, invenimus, amplam satis subfuscæ Calcis copiam fuisse productam. Eâ ponderatâ unâ cum Metalli parte non-calcinatâ, *unciae duæ*, primitus à nobis immixtæ, reperiebantur plus quàm *undecim granorum & dimidii* pondus acquisivisse.

Poterunt fortasse temporis progressu tot & tanta huic geminisque Experimentis superstrui, ut ausim etiam scrupulo, nimis fortè Scepticisnum redolere viso, occurrere. Memini autem, cùm mecum revolverem ex quorundam Experimentorum, superius allatorum, occasione, utur valdè esset improbable, non tamen videri impossibile, ponderis illud incrementum, à corporibus in vasis vitreis igni expositis, acquisitum, posse, non à corpùculis ignis, sed à particulis ipsius *vitri*, à ta n intensi caloris vi solutis, inque corpus inclusum violenter adactis, proficisci; cùm, *inquam*, hoc expenderem, visum mihi fuisse capere duo vasa vitrea, quorum unum in Retortæ figurâ erat conflatum, isque ponderatis, & dehinc super ignis carbonibus per insigne temporis spatium detentis, tum verò iterum appensis; parum certi me potuisse ab Experimento hoc colligere (Retortâ semel mihi visâ ultra *dimidium granum* in igne comparasse,) nisi quod ab omni verisimilitudine abhorrebat, notabile adeò ponderis incrementum, ac pluries in vasis conclusis obtinueramus, à Vitro ipso, non verò ab Igne oriri.

EXPERIMENTVM II.

Cùm satis videatur manifestum, quicquid Chymici differant de Sulphure suo *Hypostatico*, vulgare Sulphur esse corpus satis Heterogeneum, quippe partes quasdam in se continens indolis oleosæ sive inflammabilis, alias verò acidas & spiritibus Vitrioli perquam cognatas, visum mihi fuit Experimentum nostrum variare, illudque peragere cum liquore, qui passim adeò censetur *Homogeneus*, ac Chymici pronunciare ullum aliquem assoleat, putâ cum Spiritu Vini, vel simili tali liquore qui totus absorbetur Flammâ, nullâ fuligine nullâve phlegmatis guttula resistente. Ut institutum hoc exequeretur, accuratè appendimus ramentorum Stranni puri *uncia m unam*, & ea immiximus in Retortam vitream, huc rei commodam, collo ejus deinceps ad insignem exilitatem portecto; ad manuum etiam habentes Lampadem metallicam convenienter forinatam, ita nempe ut ardentis hujus Spiritus Flammæ commodè in ea ardere posset, nec tamen eam fundere funderé; quæ lampas, instructa licet ellychnio gossypino, nullam
præbebat

A PONDERAB. PARTIBVS FLAMMÆ.

3

præbebat fuliginem, quoniam quamdiu sac liquoris ipsi suppeditabatur, inustum illud permanebat. His omnibus ita paratis, cautè approximabatur flammæ Retorta, Metallumque brevi temporis spatio fundebatur: Et postquam Vitrum expositum manserat flammæ ferè per bihorium in univèrsum, sigillatus Retortæ apex frangebatur, productæque non spernenda Calcis quantitas conspicietur, quæ circum Stanni partem residuam soluta iacebat, quod, si gestactum cùm esset, in massam obduruit. Hoc, & ipsâ Calce è Retorta exemptis, eâ adhibita curâ ne ullum fragminulum Vitri nos falleret, utriusque, ut priùs, in eadem bilance ponderavimus, & *quatuor granorum cum dimidio* lucrum invenimus, non venientibus in rationes pulvisculis, qui internis Retortis parietibus adhærescebant, quæ *dimidium* circiter *granum* faciebant. Unde liquet, flammæ adèò subtilis ac puræ, qualis ex hoc spiritu penitèns desfragrante oritur, eam quantitatem, quæ æquat *grana quinque*, detentam, suâque in Stannum, sibi expositum, operatione quodammodo fixatam fuisse.

EXPERIMENTVM III.

In confirmationem prioris Tentaminis, in quo Spiritum ardentem Sacchari adhüberamus, genuinum cepimus Experimentum cum defæcatissimo Spiritu Vini, substitutâ duntaxat *ufficiâ unâ* Plumbi, in locum unius unciz Stanni. Eventus, (paucis dicam) hiè erat; quod, postquam metallum illud in flamma detentum fuerat per bihorium, sigillato Retortæ apice fracto, Aër externus cum strepitu in eam irruit (indicio sanè, vas omninò fuisse integrum) nòsque insignem quantitatem Plumbi invenimus: *septem* quippe fuerunt *scrupula* & amplius, in calcem subcassam versa, quæ unâ cum metalli residuo iterum appensa cùm essent, deprehensum à nobis fuit lucrum *granorum sex*, hac operatione factum fuisse.

1. *N. B.* Massa Plumbi, quæ residua erat post modò recitatam operationem, separata à Calce, ponderata fuit inque frustra dissecta, ut scilicet recenti immitteretur Retortæ; in qua exposita rursùm fuit flammæ Spiritus Vini, ut mihinet satisfactorem, possetne totum Plumbi corpus, per operationes repetitas, vel forsan per unam operationem satis diu durantem, in *Calcem* redigi. Ac licet, postquam Retorta (cujus collum protractum fuerat) detenta in flamma fuisset per duas circiter horas, ipsa fuerit pedissequi cuiusdam incuriâ infelicitè fracta, Calcisque pars perditæ operam tamen dedimus, ut ipsius (cujus color erat flavescens) *grana* circiter *quinque* recolligerentur; quod sufficit ut probabile esse concludamus, totum potuisse metallum, si operationem illam commodè potuissimus penitèns conficere, flammantis Spiritus actione in calcem reduci.

2. *N. B.* Ac ne Chymicis quibusdam notioribus inductus imaginèris, particulas olim ad flammam pertinentes excedere coalitionem cum particulis Plumbi, & perfectâ quadam unione reapse fuisse in metallum illud, cujus pondus agebantur transmutata; adjiciam, me (juxta methodum alibi traditam) septem illa Calcis scrupula, quæ prodiisse diximus in Experimento *tertio*, examinasse, in Aëre & Aqua

4 DETECTA PENETRABILITAS VITRI

& Aqua ponderando, ac deprehendisse, ut expectabam, quod, quanquam gravitas metalli *absoluta* per flammæ particulas similiter ipsi adherentes fuerit adaucta, hoc tamen Plumbi & extinctæ Flammæ aggregatum multum gravitatis suæ *specificæ* amiserat. Cum enim Plumbum habere se soleat ad Aquam ejusdem molis, ut *undecim & dimidium* circiter ad *unum*, subtilis hæc plumbi Calx ad ejusdem molis Aquam se habebat nonnisi præter propter ut *novem* ad *unum*.

Cæterum non sunt hæc sola illa Experimenta, quæ de meræ Flammæ in corpora vitris inclusa Operatione institui;at sufficere ea autem, ad Tituli, huic scripto præfixi, veritatem comprobendam. Vnde enim, amabo, potest hoc *absolutæ* gravitatis (non enim loquor de *specificæ*) incrementum, in metallis meræ flammæ expositis à nobis observatum deduci, nisi ex partibus quibusdam ponderabilibus Flammæ? Et quomodo partes istæ invadere poterant partes Metallum in vitro inclusi, nisi vitri poros pervadendo? Verum enimverò, cum teat esse *ἀγλῶροφος*, vel magis esse sollicitum ut quod scribimus *appareat* mirum quam ut sit verum; vel proclivem esse promovendæ famæ de miris, in veritatis (licet forsitan nonnisi remotioris aut collateralis,) fraudem; ingenue paucis subjungam hac occasione duo vel tria monita, quæ *immo* tempestiva in cautelam fuerint, respectu porositate vitri, *immo* nonnulla, rerum aliarum respectu, suggerant.

Quare non mihi sumo, per Experimenta prægressa probare Porositatem Vitri ultra quam præ se fert Scripti *Titulus*; respectu scilicet Ponderabilium partium Flammæ. Nam alioqui nullatenus cum iis sentio, qui putant, Vitrum faciliè penetrari posse, *vel*, ut multi volunt, à liquoribus Chymicis; *vel*, ut quidam, ab Argento vivo, *vel*, ut alij, saltem ab Aëre nostro: Cum opiniones istæ Experimentis illis non consonent, quæ ad eas examinandas de industria peregi, ut ex alio Scripto meo patet.

Præterea, si Incrementum, quod factum deprehendimus in pondere corporum, nudo igni à nobis expositorum, comparamus cum corporibus ejusdem simili (ve familiæ, inclusis in vasis vitreis, vel duntaxat in crucibulis; operæ precium fuerit considerare; Præbeaturne ex hoc acquisiti ponderis discrimine causa suspicandi, corpuscula, unde constat Ignis & Flamma, non omnia ejusdem esse magnitudinis & pariter agitata; sed vas interpositum arcere particulas crassiores cujusdam secerniculi ad instar, dum minutissimis maximèque actuosis transitum permittit.

Considerandum insuper propono, Num hæc Vitri permeabilitas, minutis etiam particulis id pervadentibus concessa, ipsarumque ad metallum; in quod agunt, ad hæsis, necessario implicet, Poros *semper* sat magnos esse ad corpuscula ejusmodi transmittenda? An verò dicendum potius, Vitrum passim esse texturæ compactioris, quam quando in Experimentis nostris aperiuntur pori ex vehementi calore flammæ quæ id fecit, quæque in statu *illo* transitum concedere potis est corpusculis grandioribus quam quæ permeare vitrum in statu ejus ordinatio queant; atque penetrationem hanc plurimum juvari ex vehementi ignearum partium agitatione, quæ utique motus sui rapiditate viam per strictos vitri poros sibi parant, & profundè satis in poros corporis inclusi penetrant, ut illis *similiter*

A PONDERAB. PARTIBVS FLAMMÆ

frumiter hæcant: (haud aliter ac globuli plumbei manu in asserem evibrati
cis eundem decidunt, cum bombardâ explosi cum penetrant, in eoque hæ-
reant:) Notumque mihi est *Menstruum*, quod in metallum quoddam, dum fri-
gidus est liquor, vel tepidus duntaxat, non agit; cum tamen calore intensiori
reddito, id ipsum in pulverem calcemve vertat; (*dissolvere* enim illud propriè di-
ci nequit.)

Præter rem fortè non fuerit, hac occasione adicere, quòd, licet omnes
passim fateantur, Vitrum longè exilioribus instructum esse poris, quàm ulla
materies alia, conficiendis vasis, quæ igni exponenda sunt, adhiberi solita; at-
tamen, donec uberius edoctus fuero, cavebo, ~~ita~~ ne definiam, utrum rectitu-
do, quam Physici quidam supponunt in poris Vitri, prout est corpus transpa-
rens, vel potius in eorum seriebus, faciliorem reddat Permeabilitatem illam, à
nobis in Vitro notatam; ~~ita~~ ne ab Experimentis prægressis concludam, ponde-
rabiles partes Flammæ perinde posse vasorum Metallinorum poros pervadere
ac Vitreorum. Etenim licet cum vase quodam Argenteo, ex meris bracteis ci-
tra omnem coagmentationem confecto, Experimenta duo vel tria sumserim
(quorum communicationem postulare potes quando libuerit,) eo fine ut hæc
dubia expedirem; attamen casu quodam, qui, licet inopinatus non fuerit, sa-
tis tamen infelix erat in conatu meo eludendo, impediobar, quò minus possem,
apparatus commodi inopiâ, Experimenta mihi proposita ad eventum perdu-
cere.

Iam verò postquam operam dedi in præcedentibus monitis, ne ab Experimen-
tis nostris ducantur consequentiæ ininùs tutæ; reliquum est, tria quatuorve indigi-
tare *Corollaria*, quæ tutius prolici inde possunt. Quibus, si otium detur, unum al-
terumque monitum de Quæsitis ulterioribus subijcere poterò.

COROLLARIUM I.

Paradoxum hoc confirmans.

*Possè scilicet Flammam agere ut Menstruum, coalescere cum
corporibus in qua operatur.*

Experimenta, quæ peregrinus recitavimusque, de Flammæ (quoad quædam
ejus partes) per vasa vitrea permeatione, deque ejusdem in metalla inclusa
operatione, confirmare multum possunt *Paradoxum* alibi à me propositum
Flammam scilicet posse esse Menstruum, eoque nomine in corpora quædam
operari; non modò insignem efficiendo comminutionem ac dissipationem
partium, sed & suarummet particularum cum corporis patientis partibus coa-
litione, adeoque durabili factâ substantiæ & ponderis additione. Nec Flammis,
cùm sint *Menstruum*, repugnat, quòd in Experimento nostro plumbum Stan-
nûmque, iis exposita, in pulverem duntaxat redacta, non verò in liquoris for-
mam dissoluta, in eoque statu servata fuere. Nam, præterquam quod vitrum

N inter-

6 DETECTA PENETRABILITAS VITRI

interpositum præcludit particulas igneas quod minus numerosæ satis pervaderent; expendo necum, necessarium non esse, ut omnia *Menstrua* sint ejusmodi Solvencia, qualia Objectio ea esse supponit. Etenim *vitrum* fiat (uti quandoque sui suspicatus) ut *Menstrua*, quæ pro simplicibus habemus, composita sint ex partibus valdè differentibus, quatum altera præcipitare potis est quod dissolutum fuit ab altera; an verò ex alia aliqua causa, nunc non vacat disquirere: Certum est, *Menstrua* quædam corrodere Metalla aliâque corpora, nec tamen omne, quin fortè ne quidem ullam partem insigniorem, in statu dissolutionis servando. Videre illud est, si Stannum immiseris in certam quantitatem *Aqua fortis*, quæ per brevi temporis spatio id ferè totum in substantiam peralbam reducit, quæ, sicca cum fuerit, genus quoddam *Calcis* est. Consimiliter, beneficio justæ quantitatis *Olei Vitrioli*, igne forti ab Argento vivo abstracti, aliquoties ipsum Mercurii corpus ad album pulverem reduximus, cujus nonnisi exigua pars aquâ dissolubilis erat. Atque albam istiusmodi Calcem obtinui per alterius cujusdam corrosivi liquoris in corpus non metallicum actionem.

Amorâ hunc in modum à Paradoxo nostro difficultate injectâ, statim properarem ad *Corollarium* proximum, nisi *Phænomenon* quoddam huc spectans se offerret, quod notam meretur. Etenim, *sive* id oriatur, ut videtur probabile, ex vehementi agitatione permecantium particularum Flammæ, quæ vi divellunt corpuscula metallica, *sive* ex indole *Menstrui* ignei (quod quali percolatum per ipsum vitrum, perquam minutum sit oportet,) dignum est observari, quàm exigua quantitas, quoad pondus accedentis adherentisque corporis sufficiat metallo corrodero, si conferatur cum vulgari *Menstruorum* quantitate, quæ eam in rem requiritur. Cum enim impendere teneamur, ad crudi Plumbi solutionem faciendam Spiritus Aceti vinosi pondus, Plumbi pondus aliquoties superans, quin imò *Aqua fortis* pondus cum aliquo, licet non tanto, excessu; observatum fuit in Experimento nostro, licet Plumbum nonnisi *sex granorum* pondere fuit auctum, plus tamen quàm *centum & viginii grana* ejus, corrosione in pulverem abiisse, ita scilicet ut corpus *corrodens* nonnisi vigesimam circiter partem corporis *corrosi* facere videretur.

COROLLARIUM II.

Paradoxum proponens circa Calcinationem & Calces.

Alterum, quod ex nostro de Vitri à Flamma permeabilitate invento deduci potest, hoc fuerit: Causam scilicet esse dubitandi de illius, quod circa Calcinationem tralatitium est, veritate; speciatim verò de placito illo, quod non solum alii, sed & ipsi Chymici, de Metallorum & Mineralium Calcibus foverunt. Cum enim passim supponatur, in Calcinatione magnam partem corporis dispelli, nec nisi Terram, cui Chymici jungunt Sal fixum, resti-

rate;

A PONDERAB. PARTIBVS FLAMMÆ.

7

rare; cūmq; ipsi Philosophi Mechanici [horum quippe duo vel tres de Cal-
cinatione sunt locuti,] sentiant, multum dissipari ignis violentiā, partēque
residuas, dum humiditate suā magis radicali & fixā privantur, in particulas sic-
cas fragilesque converti: Cū*inquam*, hæc placita foveantur circa Calcina-
tionem, videtur equidem, non ritè formata esse, nec obtinere universim, quan-
doquidem applicari minimū nequeunt Metallis istis, in quæ petita Experi-
menta nostra fuere. Etenim neutiquam ex iis apparet, ullam quantitatem, di-
gnam notatu, humidarum fugaciumque partium in Calcinatione fuisse dissipa-
tam; sed id omninò & manifestè admodum apparet, hac Operatione Metalla
plūs acquisivisse ponderis, quā deperdidisse; adeo ut præcipuum Metallī cor-
pus remaneret integrum, tantū abest ut esset *vel* Elementaris Terra, juxta
sensum Peripateticum, *vel* compositum Terræ & Salis Fixi, ut Chymici pas-
sim de Calce Plumbi sentiunt. Ex qua petquā erronea *Hypothesi* inferre so-
lent, edulcatum Vitriolum Plumbi, quod *Saccharum Saturni* appellant, nonnisi
illius Sal dulce esse, elicium soluminodò per Spiritūs Aceti vinosi actionem,
qui sanè copiosè satis ad illud componendum concurrir. Unde colligo, Metalli
calcem, etiā *per se*, ut loquuntur, paratam, *hoc est*, *per* ignem citra addita-
mentum, esse posse, saltem in quibusdam casibus, non *Capni morium*, *Terram
ve damnatam*, sed ejus Magisterium. Sensu quippe Chymicorum illorum, qui
præ cæteris volunt se intelligi, illud propriè *Magisterium* est, in quo non
sunt segregata principia, sed in quo conservatum corporis præcipuum, novam
convenientemque formam acquirit, *per Menstrui* sive Solventis, in præpara-
tione usurpati, additionem. Et, ne huc argumentum ullum ex iis, quæ com-
mentatus sum de Qualitatibus particularibus transcribam, coniciere poteris,
quid veri subsit ei, quod perhibent, maximam *scilicet* partem corporis, seu
omnem humiditatem radicalem in *Calcinatione* expelli, quæ proinde Metal-
lum in aridum fusionisque nescium pulverem convertit; conicere id, *inquam*,
poteris ex eo, Quod aliquoties ex *Plumbi Calce* genuinum Plumbum reduxi.
Meminisque, cū accepissem tertiam quartamve, ex conjectura, partem Calcis
plumbi, *tertio* Experimento productæ, me comperisse Experimento de indu-
stria excogitato, posse citra ullum pulverem fulvum aliudve additamentum,
solâ applicatione flammæ Spiritūs vini impensè rectificati, brevi temporis
spatio obtineri insignem quantitatem malleabilis plumbi, cujus pars illa, quam
ex curiositate diligenter examinabam ipse, malleata reverà fuit: Tantum
abest, aridum illum pulverem, unde reducta illa erat, prægressa Calcinatione fuis-
se supposita illa, ad metallum necessariâ, humiditate radicali privatum. Quid ex
hac Reductione inferri possit ad *Qualitatum* doctrinam elucidandam, non est hu-
jus loci explicare.

COROLLARIUM III.

Q uod suprà de Vitri permeabilitate deteximus, usui esse, inter alia, per mo-
dum *Corollaris* potest in Controversia calidè inter ipsos Philosophos Cor-
puscularios

8 DETECTA PENETRABILITAS VITRI

puscularios agitata. Etenim, quidam eorum, qui Hypothesin sectantur *Epicuream* live *Atomicam*, censent, quando corpora in vasis clausis exponuntur igni, licet corpuscula ignea non durent cum corporibus quæ invadunt, ipsa tamen reverà per vasorum interpositorum poros penetrare, inclusaque corpora permeare: Cum è contra alii, *Cartesianorum* inprimis placitorum affectu, concedere nolint, *Atomistarum* corpuscula ignea, quæ nil nisi terrestriæ materiei particulæ vehementer agitata ab ipsis existimantur, minutos aded, ac sunt Vitri, poros penetrare; sentientes, præstari operationem illam ignis vehementi particularum vitri, propagatæque ab iis ad inclusa corpora agitatione, quorum particulæ violentâ hæc commotione insigniter alterantur, & novas contexturas, aliàsque modificationes sortiuntur.

Verùm enimverò, quamvis harum Opinionum neutra videatur spernenda, nostra tamen Experimenta nos docent, earum neutram rem acutè tegisse, quamquam Hypothesis *Epicurea* aliquanto plus de vero participet, quàm altera. Licet enim improbabile non sit, vehementem illam agitationem, à vitri particulis communicatam partibus corporis in eo conclusi, multùm posse ad effectum ignis contribuere; licet etiam, ex parvo incremento ponderis, in exposito nostro metallo deprehenso, admodùm sit verisimile, multò maximam partem Flammæ fuisse à compacta textura vitri exclusam; manifestum tamen est, particulas igneas trajectas fuisse per vitrum, ut *Epicurei* sentiunt; qui tamen in hoc sunt hallucinati, quod arbitrabantur, particulas illas solummodò permeare, & inclusa corpora dividere ac agitare, quibus tamen, evincens id nostris Experimentis, tanta earum copia, ut manifestè ponderabiles fuerint, permanentè adhærebant.

Num Ignea hæc corpuscula hæreant similem in modum partibus Esculentorum, ab igne coctorum, eorum inprimis quæ assantur, quippe quæ magis immediatè exponuntur actioni ignis, quæstio est, quam nunc indiscussam dimitto, cum eam solutè difficilem credam, quamquam aliàs consideratè digna videatur, eò quod hominum intersit valetudini scire, *Vinum* Eduliorum coctio fiat ab Igne prout est corpus duntaxat percalidum, an verò suæ substantiæ aliquid permanentè esculentis ipsi expositis communicet. Quo posteriori casu considerandum foret fuerit, non modò quo gradu & modo applicandus sit ignis, sed etiam quâ materię comburendâ sit utendum.

COROLLARIUM IV.

EXperimenta superiùs tradita id porrò nos docent, Corpora valdè spirituosæ, fugitiva, minutæque, posse, dum sociantur particulis congruis, indole licet planè diversâ præditis, ita mutare qualitates suas priores, ut à solido & ponderoso corpore aded sistantur, ut inde nequeant ab igne, satis intenso ad metalla fundenda & calcinanda, expelli.

Experimenta enim prægressa (compræhensis iis, quæ nuper * de diminuta gravitate

* *Exper. III. N. B. 21*

A PONDERAB. PARTIBVS FLAMMÆ. 9

gravitate *specifica* Plumbi calcinati tradidimus) evidenter satis ostendere videntur, *etiam* agitaras particulas Flammæ, minutas satis quæ ipsius Vitri potius penetrarent, quasi implexas fuisse particulis metallinis Stanni Plumbique ac hoc ipso ad eam fixitatem reductas, quæ calori illi ferendo sufficeret, qui metalla ista in statu fusionis conservabat, eaque sensim in calces redigebat : Quod istiusmodi est Phænomenon, quale in proclivi non est expectare, præsertim si tecum revolveris, quam sit simplex Plumbi Stannive contextura, si cum elaboratoribus perplurium corporum aliorum structuris conferatur. Atque hoc ipsum *Phænomenon*, dum ostendit, quàm leves & fugaces materiæ particule concurrere permanentes possint ad corporum ponderosorum salsique fixorum compositionem, suggerere forsitan ingeniis Speculativis utilia nonnulla poterit; imprimis si stricta hæc spirituosæ & fugitivæ substantiæ combinatio cum talibus, quæ ob crassitiem suam & vastitatem minus sunt, quàm organizata materia, ipsis implicandis detinendisque commoda, applicetur (ut fieri cum fructu potest) illis corpusculorum spirituosorum, partiûmque organicarum, aggregatis, quæ Plantarum & Animalium corpora constituunt. Atque suggerere hoc monium palmariam quandam consequentiam potest, ex Radium Solarium in apta subiecta operatione deducendam, si nempe supponamus, parem eam cum flammæ in Stannum & Plumbum operatione successum sortiri.

Atque enarratis hunc in modum *Corollaris* nostris, disquiri posset, *Virum* omnes particule Ignis & Flammæ, quæ subriles & agitate satis fuerint ad Vitrum penetrandum, corporibusque inclusis adhærent, ad eandem reducantur naturam Ignitione; *an* verò aliquid de suarummet qualitarum indole retineant? Et causa subest, ne quæstionem hanc adedè indeterminabilem credam, ac primo aspectu videri possit. Etenim *ex modis illis*, qui proponi ad Examen hoc instituendum possunt, *unum*, indicatus jam fuit ad Experimenti *tercii* calcem; ubi ostenditur, posse nos comparationem instituere de *Specificæ* gravitate Calcium ejusdem metalli, in vitris talium Flammarum operatione confectarum, quarum materies valdè discrepantes naturas obtinent. Dixi, *unum ex modis*, quia non est *modus unicus*, quem suggerere possem, quemque ex parte experiundo cognovi. Verùm enim verò quanquam plura differere de hujusmodi rationibus possem, aliâque insuper quæsitâ forsitan proponere, quæ rationi satis congruum foret *Phænomenus* hæctenus recitaris (aliorumque Experimentorum aliis) superstruere; at meminisse me oportet, ejusmodi disquisitionum exegesis multò liberalius, quam mihi nunc suppetit, otium polulare.

F I N I S.

